

BAYSWATER ATHENÆUM,



G. MONTAGUE DAVIS, B.A.

Hon. Sec.

S/34/A

Picault

221

176

5134

1776

323

N IV c

PLUTARCH

c

1016
26
Dec
1811

DE NATVRA ET
EFFECTIONIBVS

53101

DÆMONVM

LIBELLI DVO

PLVTARCHI CHE-
RONENSIS. CVM EXPLI-
cationibus, & Proœmio

Ioachimi Camerarii.

QVIBVS ET ERVDITAE
ET RARAE ET IVCVNDAE
& non inutiles cognitu rerum mirabilium
& singularium expositiones con-
tinentur.



CVM PRIVILEGIO.

11. 6. 28 10/6



In Libellos duos

PLVTARCHI CHE-

RONEI, VNVM DE ORA-
culis quæ defecerint, alterum de con-
secrata figura E I. Delphis,

Proœmium

IOACH. CAMERARII,

AD CLARISS. VIRVM IV-

risconf. præstantem dignitate, virtute

& sapientia ADRIANVM ALBINVM,

Consiliarium Illustris. Principis Ioannis

Marchionis Brandepurgensis, &c.

amicum præcipuum.

CVM NVPER HAC EX
Nemetum vrbe reuertens trans-
ires, & me, perpetua consuetu-
dine tua, humanissime salutasses, re-
cordari te puto, Adriane Albine, factæ
mentionis inter alios sermones no-
stros, cuiusdam à me, de mirabilibus
cogitationibus meis, quibus causam
dedissent narrationes tuæ superiorum
dierum, quando proficiscens ad Rhe-
num huc veneras. Commemorauisti
enim tunc, quid apud vos compertum
prolatumq; fuisset, de mulierum qua-
rundam veneficarum horribilibus faci-

P R O O E M I V M.

noribus, deq; superstitionis incredibili
efficacitate, & eiusmodi operibus, de
quib. non modo solertiæ humanæ con-
sideratio quærens conturbari, sed reli-
giosæ quoq; pietatis attentio vacillare
quodammodo posset. Verum hæc con-
firmatur quidem illa veritatis celestis
diuinitus patefacta doctrina. Sapientia
autem humana profectò in his veluti
salebris prorsus adhærescit. Atq; me ea
repetentem animo quæ audiueram ex
te, percusserunt similia quædam de alijs
cognita. Nam quod tu de consuetudi-
ne spirituum quadam occulta ceteris,
ipsis illis infelicibus mulieribus mani-
festa, exposuisti, perquam multa alijs
temporibus atque locis pariter depræ-
hensa, & atrocibus supplicijs vindicata
esse constat. Extatq; liber cuiusdam ri-
tulo Mallei maleficarum, & Francisci
Pici alter de Strigibus, in quibus huius
generis exempla & plurima numero &
factis teterrima leguntur. Atque ego
me aliquando paulò antequam cubi-
tum irem librum Pici percurrentem,
memini noctem illam habuisse valde
grauem ac difficilem, obuersantib. ani-
mo terroribus varijs de ijs quæ ibi refe-
runtur.

runtur. Sed in vestris actionibus illud fuit in tristitia ridiculum de cuculla. Mihi verò post tuum discessum de istis ita multæ & variæ cogitationes obstrepere non destiterunt, vt non possem facere quin de tota re anquirere, & considerare accuratius & diligentius instituerem. Ac primùm si Democriti auctoritas atq; rationes, quem Epicurus secutus est, aliquid valere deberent, res ista tota vt commentitia & inanis pro nihilo duceretur. Qui esse quidem statuit omnia simulacris seu imaginib. (ipse *εἰδωλα* appellauit) referta, sed inani- bus atq; cauis, quæ si inciderent mirifica & absurda, animos imperitorum illis valde perturbari. Itaq; ad hæc visa (quæ Catius quispiam Insuber, vt Cicero ostendit, Spectra appellauit) discutienda, iudiciũ & sententiam confirmari debere censuit, & ipsum in bustis eam ob rem sæpè pernoctasse, etiã interdum aliquid scripsisse accepimus. Cumq; aliquando terrendi ipsum causa adolescentes quidam ornatu furiarum circum bustum, in quod intrasse eum scirent, perstreperent atq; tumultuarentur, placidè ille fertur, nihil com-

motus omnino iussisse ipsos ab ineptijs
 istis desistere. Aristoteles quoq; natu-
 ram esse aliquam animæ & spiritus ta-
 lem, quæ sine corpore suo atque pro-
 prio obuersari, aut corpus sibi aliquod
 fingendo circumdare posset arbitrio
 suo, haud scio an nequaquam conces-
 serit. Platonici verò de his mirabilibus
 rebus ita mirabiliter differuerunt, vt
 in philosophiæ disputationes ea, quæ &
 aliena neq; consentanea essent, impli-
 cuisse videantur. Atq; vt quisq; recen-
 tissimus fuit horum & ab eo cultu nu-
 minis diuini, quem Plato celebrat, alie-
 nissimus, sic maximè ab hominū com-
 muni sensu abhorrentia commentus
 est, atque confinxit. Tota autem ratio
 illa inde ducitur: Esse naturas quasdam
 medias inter diuinam atq; humanam
 interiectas, quas Dæmonum nomine
 appellarunt. Hos autor *δημονιδος*, id
 est, appendicis librorum Platonis de
 Legibus, (nam de hoc dubitatum esse
 constat) cum tertia & media in regio-
 ne collocasset, aërium genus planè fa-
 cit. Et tribuit his tam læticiæ quàm tri-
 stitiæ affectionem, cuius diuinum ge-
 nus expers esse ait, facitq; eos interpre-
 tes

tes hominum ad Deos. Sed posteriores ex igne etiam & aquis hoc genus produxere. Extantq; Pselli de his spiritibus, quos planè animalia, id est, ζῷα antiquitas fecit, scripta, cuiusmodi illa quidem, licet iudicent legentes. Neq; multum discrepant ab his ea, quæ passim in Philonis Iudæi scriptis de his Naturis diuinitatis cuiusdam humanitatisq; , participibus leguntur: magis Platonis illius quidem opinione & sententia, quàm sermone & elocutione. Atq; hæ disputationes omnino corpora attribuunt spiritib. istis. Cum autem Animæ natura sit Platoni quoq; sine corpore, alia erit nimirum istorum spirituum, & alia Animarum per se natura. In Phædone quidem, & simula-cra cerni quædam non quarumcunque sed futilium tantum & improbarum animarum legitur, quibus corporis inhærentes sordes speciem quandam umbratilem videndam exhibeant, & Dæmones, quos genios aliqui interpretati fuere, Cicero dubitanter ille quidem Lares, adiungit Plato exeuntib. è corporibus singulis, eos nimirum qui cuique sortito obtigerunt, secundum fabulam

bulam expositam in ultimo libro Re-
 rumpublicarum. Atq; huc id pertinere
 possit, de quo M. Antonium à quo-
 dam vaticinatore admonitum fuisse
 scribitur: caueret sibi ab Octauiano
 Cæsare, Nam genio ipsius, genium Cæ-
 saris esse formidolosum. Hunc Dæmo-
 na esse eum, singulari quadam ratione
 asserit Plutarchus in libello de Socratis
 Dæmonio, qui in anima quidem insit,
 sed extrinsecus adueniat, & ab anima
 diuersam habeat naturam, quam Men-
 tem communiter nominemus. Sic au-
 tem interpretor eum, qui Græcis νόος
 est. Fecerunt autem bonum genium,
 id est, ἀγαθὸν δαίμονα, & κακὸν, malum.
 Vnde & εὐδαίμονες felices, & infelices
 κακοδαίμονες dicti fuerunt. Nam & for-
 tunæ & fati significationem habet no-
 men Græcum. Vt δαίμονι δ' ὁσος ἐνδθα. Et
 πάρος τοι δαίμονα δάσω. Et Phœnissis, ἔδω-
 κε τῇ τύχῃ τὸν δαίμονα. Hesiodus quidem
 Saturniæ ætatis sobolē dæmones eua-
 sisse ait, custodes generis mortalis. Ni-
 mirum bonos hos. Nam, vt diximus,
 malos quoque esse aliquos perhibue-
 runt, naturas quasdam, vt tradidisse
 Xenocratem Plutarchus scripsit, in li-
 bro

bro de Ifide & Ofiride , ingentes illas quidem ac potentes , sed fœuas atque tristes. Quorum cultus effet obseruatio eorum dierum, qui atri à Latinis , *ἑρμῆδες* à Græcis sunt appellati , & aliæ quædam operationes sacrorum lugubres aut obscenæ. His enim istud genus delectari , & interea ab alijs grauioribus malis vacare. Atq; disputat ibidem ille autor , apud Homerū Dæmonis nomen ita vsurpari, vt indicetur mista quædam atque inæqualis natura ac voluntas. Sed est sine dubio hic poëta nomine eo de Dijs vsus. In conuiuio Platonico exponitur definitio seu descriptio quædam huius naturæ, & perhibetur , quicquid Dæmonium sit , id esse medium interiectum inter Deum & mortale genus, eamq; habere potestatem atq; vim , vt interpretes sit atque deferat ad deos & homines aliqua. Nam simpliciter Deum & hominem coniungi non posse. De qua & alijs similibus mentionibus dæmonum , Platonici illas longas atq; obscuras & inextricabiles telas narrationum detexunt. Quod autem dicitur in nono libro legum , non esse animas pauciores

mundum hunc administrantes duabus,
 vna benefica, & altera contraria, aliam
 fortasse etiam sententiam habeat, ma-
 lorum tamen bonorumq; genera atq;
 causas omnino indicat. Et est istud
 Platonicum genus dæmonum omnino
 anima quædā cum corpore aërio. De
 imaginibus verò seu simulacris siue vi-
 sis atq; spectris, qui Platonica scripta
 suis commentationibus explanare vo-
 luerunt, quàm mirificè disseruerunt?
 Docent hi inter alia: Simulacra seu vi-
 sa illa res quasdam esse consistentes,
 quas quadā arte dæmones fabricentur.
 Sic enim Proclus: καὶ πλάτωνα, αἱ ἐμφάσεις
 ὑποστάσεις εἰσὶν εἰδώλων τινῶν δαιμονία μηχανῇ
 δημιουργοῦνται. Quæ sanè audacter dici
 in philosophicis disputationibus viden-
 tur. Atq; hoc modo nihil loci relinque-
 tur vllarum causarū vestigationi, cum
 ad omnia in promptu sit diuina quædam
 efficientia. Neq; malè responderit, qui
 in scholis derisus fuit, cum interroga-
 tus: quo pacto existeret nix? diceret:
 Quia Deus sic voluit. In disputationi-
 bus autem philosophicis, ad captum
 ingenij humani bene & vtiliter distin-
 ctæ fuerunt nominibus res diuersæ, vt

con-

PROOEMIUM.

consistentes & veræ, *ὑποστάσεις* : appa-
rentes & vanæ, *ἐμφάνσεις* vocarentur. Vt
facies hominis, verbi causa, *ὑπόστασις*
est, in speculo autem huius imago, *ἐμ-
φανσις*. Hæc confundi ineruditum, & fa-
cere ex somniorum etiam visis res con-
sistentes atq; veras, ridiculum quoque
videtur. Haud etiam scio an aliena ista
sententia in Platonica decreta implice-
tur. Quæ, ut exculperent quod vellent
quiq; , quàm variè & dissentaneum in
modum enarrarunt? Nam & *λογικῶς* ,
id est, argumentando tantùm illa co-
nantur explicare, & exemplis illustrare
πραγματικῶς. Et *διολογικῶς* indicare, quæ
sunt fabularum poëticarum applicatio-
nes, & demonstrare *φυσικῶς* , id est,
caussis redditis naturalibus, & cumu-
lare hæc omnia Aegyptiacis commen-
tis. Pudet me sanè nequaquam abhor-
rentem à Platonica philosophia talium
explicationum, quibus miscendo & in-
uoluendo omnia quasiq; præstigijs fu-
cisq; faciendis illa familia delectata fu-
it, non illustrans sententiam auctoris,
quem sequi se profiterentur, sed ob-
scurans. Ac miror si illi ipsi explicato-
res habuerunt certi exploratiq; ali-
quid,

quid, quo tanquam firmitate fundamento
 cogitationes eorum niterentur. Et scri-
 ptores tamen quidam ecclesiastici nu-
 gas has amplectentes, in doctrinam sa-
 nam celestis veritatis ista, veluti ægro-
 torum somnia, inculcarunt. Quæ vo-
 lentibus perscrutari negotij faceßere
 & laboris exhibere plurimum pote-
 runt, cum in summo studio attentio-
 neq; id vnum hinc percepturus aliquis
 sit, vt quo pertinacius in ea incubuerit,
 hoc maiore dubitatione de rebus di-
 uinis & humanis compleatur. Atque
 sunt omnino Platonis nonnulla scripta
 & Platoniorum plæraque omnia eius-
 modi, cuiusmodi fuisse ille autor perhi-
 bet priorum, Zenonis, Parmenidæ,
 Heracleti, Empedoclis. Qui commu-
 nis modi hominum multitudinem, atq;
 etiam doctorum vulgus paruipenden-
 tes, vel despiciendo etiam negligentes,
 nihil curarint assequi ne possent, hi le-
 gentes scripta sua, quid sensissent, an
 non possent, cum nihilo minus ipsi per-
 rexerint enarrando à se quisque insti-
 tuta. Itaq; ex his ipsis vel ætate vel ani-
 mo iuuenili exultans aliquis, scientiæ
 copiam se putat haurire singularem, &
 ea ad-

PROOEMIUM.

ea admodum gloriatur. Qui verò indagant singula accuratius, & comprehendere stabilem atq; veritate fundatam cognitionem volunt animis sedatioribus, ij exhiberi plurima sic experiuntur, vt secundum prouerbiū Græcorum, iubeantur retinere diligenter id quod non acceperunt. Sed nos de Platoniceis dæmonibus quod restat persequamur. Platonem igitur: siquidem animam probam, iustam, sapientem, & alteram improbam, iniustam, insipientem introducit: facere itidem & bonos & malos dæmones, non fuerit dissentaneum. Verum in Cratylo cum nominis originem ille deducat à scientiæ & intelligentiæ verbis, & prudentiam huic generi tribuat, qua præditi *φρόνιμοι* à Græcis appellantur, & argumentetur: Qui ita sint, eos bonos omnino esse, cum præsertim ab aurea hominum ætate Hesiodus dæmonum nationem quasi propaget: Has igitur ob causas planè genus totum bonitate comprehendit. Sed hæc fortasse explicari sic possint, vt tam animæ communis quàm huius singularis dæmonum, senserit Plato naturam esse præclaram atq;

PROOEMIUM.

atque bonam, corruptelam verò & la-
bem ab vtriusq; voluntate praua acce-
dere, & , vt ita loquar, inolescere. De
quibus hoc loco plus verborum fieri
non conuenit. Dæmonib. quidem cer-
tè administris vtitur vniuersa supersti-
tio vaticinationum & aruspicinæ, au-
spiciorum, consecrationum & execra-
tionum, carminum quibus aliquid in-
cantatur & excantatur, ariolorum de-
nique & Magorum. Id quod Plato in
Symposio duobus verbis *μαντεῶν* & *γο-
νιῶν* indicauit. His & dæmonium So-
cratis adiungatur, de quo quidnam
fuerit, multi quæsiuerunt, cum ipse in
Phædro vocem prohibentem aliquid
audire se esse solitum dicat. Sed de his
fortasse postea plura. Nunc ad anima-
rum mentionem reuertamur, earum
quidem quæ & in hominum mortalia
corpora aduenire, & inde recedere, ex
veteribus Pythagoras, & hunc secutus
Plato perhibuerunt, de sententia pri-
sca Chaldæorum, vt fertur. Quæ si &
cernuntur, & ipsæ aliquid perpetiuntur
ab ijs rebus quæ solidæ sunt, vt ferrum,
ignis, vepres, aquæ, quemadmodum
de cruciatibus harum traditur, vel cor-
pus

P R O O E M I V M.

pus eas, vel corporis reliquias aliquas habere oportet. Nam illud ætherium vehiculum, id est, ὄχημα, animæ, quod corporis instar in his esse quidam volunt, & auræ simplicis ignis, secundum poëtam, non esse potest eiusmodi ut externas tales plagas sentiat. Sed hæret in quibusdam, quæ sese in corpus penitus implicuerunt, de hoc ipso plus aut minus scilicet. Nam quemadmodum Poëta ait, Etiam

Supremo cum lumine vita reliquit

Non tamen omne malum miseris, nec funditus omnes

Corporeæ excedunt pestes, penitusq; necesse est

Multa diu concreta modis inolescere miris.

Ergo exercentur pœnis, veterumq; malorum,

Supplicia expendunt, aliæ panduntur inanes

Suspensæ ad ventos, alijs sub gurgite vasto

Infectum eluitur scelus, aut exuritur igni.

Sed poëtarum & philosophorum similes fabulas omittamus. Ad quas enar-

rando conformandas, cum ingenio est

acri, tum multiplice studio & singulari

industria opus, quæ in hanc conferri

partem haud scio an nequaquam de-

beant à studiosis sapientiæ. Cicero

præclare scripsit: Ut Deos esse natura

opina-

P R O O E M I V M.

opinamur, sic permanere animos arbitramur. Sentit enim esse insitum hoc naturaliter omnibus, quod sit numen diuinum, & similiter animæ natura immortalis. Cetera composita ad puerorum & imperitorum terrorem putat. Homericæ quidem animæ similes umbrarum aut visis somniorum, & simulacrum illud Herculis apud inferos, qui ipse frueretur coniugio Iuuentatis in celo, vt commenta sunt fabularum, sic credendum, aliquam esse causam, qua de causâ illa conficta fuerint. Nam non modò dormientibus, sed vigilantibus quoq; species aliquas obuersari, si quis neget, is nimis audax vel temerarius potius esse videatur. Quod Pentheo erroris obiectum fuisse, quod Mæ-nadas illas ad scelera immania incitasse Tragœdiæ perhibent, Nunquid ad externam aliquam maleficam vim referendum? Orestis verò furias, & his similes exagitationes, quamuis M. Cicero ad animorum terrores cruciatusq; referat: non ideo tamen, nihil istiusmodi reuera existere atq; accidere, assequerari debeat. Cum autem carminibus quibusdam, & sine etiam his vltro figuræ quasi

ræ quasi excitatorum mortuorum ante
 oculos ponerentur, ex eo de anima-
 rum natura corporibus relictis super-
 stite, sententia confirmata est, & super-
 stitio conualuit euocantum has, & sa-
 crocrû, vt ita loquar mortualium. Qua-
 lis est Homerica *νεψα*, & quæ *νερομαν-
 τεία* vocatur, & *ψυχαγωγῶν* atque *νερο-
 πομπῶν* præstigiæ. Loca etiam his actio-
 nibus peculiaria dicata fuere, vt, verbi
 causa, Tænari in Laconica. De quibus
 omnibus ad explicandum oratione ef-
 fet opus proluxa, requirente illa qui-
 dem peculiarem tractationē, cui mo-
 dō non est locus. Homerum quidem
 non vmbras vocasse animas monent
 Grammatici, quod Maro fecit, sed
 quasi vmbras, & somniorum visa. De
 his igitur imaginibus seu simulacris ea
 est antiquitatis quàm longissimè retrō
 opinio, & omnium persuasio, vt qui
 deridere hæc cum Epicureis audeat, is
 improbus & leuis, qui seriō argumen-
 tando euertere conetur, nimis confi-
 dens esse videatur. Quales autem istæ
 imagines, & cuiusmodi vel visa vel spe-
 ctra illa sint, ratione perquirere, non
 fuerit à studio sapientiæ & veritatis

B

alie-

alienum. De Euthymo pugile & superato ab ipso fugatoq; dæmone Temesæo, quid traditum sit, explicatores docent prouerbij: Temesæus dæmon. Extat Philostrati liber, cui autor nomen fecit Heroica. vbi de Protefilæo, cum quodam Elæusio familiariter versante, & Palamede cum Iliensi altero mira narrantur. Sed de Achille & Helena & Patroclo, qui insulam Leucen incolerent, multò etiam mirabiliora tam ab hoc quàm ab alijs. Horrenda etiam ab hoc, de Iliaca puella adhuc sola reliqua ex Priamidarum & Dardanidarum gente atq; sanguine, ab Achille discerpta, & Amassonidibus in insula sua deletis, quæ fanum spoliare vellet. Hæc non dissimilia sunt fabulis poëticis, vt Polydori Euripidei, & Hectoris Maroniani. In Luciani autem dialogo, qui inscribitur φιλοφειδῆς ἢ ἀπιστῶν, quamuis derideantur ab illo sub Tychiade persona omnia, cum alia incredibilia narrantur, tum eadem quæ in quadam Plinij epistola ad Suram. Iam ille apud eundem Pelichus vlciscens furem stipis suæ, & Heroës Delphici profligantes Gallicas copias, quid ali-

ud fe-

P R O O E M I V M.

uid feruntur fecisse, quàm quod de nostrati quodā dicitur Præsule, qui quendam principem virum, detrahentem aliquid de possessionibus consecratis, percussum claua, mortuus viuum interfecerit. Nonne autem Plutarchus Cimone scripsit, quodam in patria sua Damone per fraudem interfecto in gymnasio, diu esse simulacra ibi conspecta, & auditos gemitus atq; eiulatus. Foribusq; tandem eius loci obstructis, nihilo minus ibidem postea cum visa apparuisse, tum sonos auditos esse absurdos atq; terribiles. Quæ autem in eodem de Cimone libro à Plutarcho de Pausania Spartiata commemorantur, placuit conuersa in Latinum sermonem subijcere. Fertur Pausaniam Byssantij virginem nobili genere natam, Cleonice nomine, accersisse ad turpem consuetudinem. Atq; parentes necessitate quidem ac metu filiam suam dimisisse, Eam verò ab ijs, qui ante conclaue seruabant, impetrasse, vt lumen remouerent, atque ita in tenebris cum silentio accedentem ad lectum, Pausania iam dormiente, offendisse ad candelabrum, idq; euertisse inuitam.

P R O O E M I V M.

Perturbatum autem strepitu Pausaniam eduxisse appositam ficam, & quasi inimicum adorientem se percussisse, & prostrauisse virginem illam. Quam de ictu eo mortuam, non fuisse acquiescere Pausaniam, sed simulacro quodam noctu obuersantem ipsi in somno, pronuntiasse iracundè versum heroicum hunc:

Ius subeas, valde est iniuria res mala cunctis.
Id facinus vel maximè ægrè ferentes focij, duce Cimone oppugnando ipsum eiecerunt. Isq; amisso Byssantio, cum, vt fertur, pergeret visum illud turbare eum, confugit ad Necyomantium Heracleæ. Vbi anima Cleonices euocata, iram illius fuit deprecatus. Hæc verò & conspectui ipsius sese obtulit, & breui fore dixit, vt malum illud cessaret, vbi Spartam rediisset, tacitè nimirum indicans mortem ipsius. Fuit auorum nostrorum memoria, bellator gloriosus Scythicæ gentis Tameralanus, immani crudelitate & sæuitia celebris. Is in vna à se condita vrbe collocarat vndique adductos ex deuictis populis opifices, qui ibi seruili conditione suam quisque artem exercere cogeantur.

tur. Mortuo autem Tamerlano, audita sunt lamenta miserabilia ad sepulcrum ipsius totis noctibus. Tum sacerdotes monuerunt filios mortui, ut seruitute opifices illos liberarent. Quo facto, nihil postea auditum amplius esse accepimus. De C. autem Cæsare, cognomento Caligula, hæc Suetonius scripsit: Cadauer eius clam in hortos Lamianos asportatum, & tumultuario rogo semiambustum leui cespite obrutum est, postea per sorores ab exilio reuerfas erutum, crematum, sepultumq;. Satis constat priusquam id fieret, hortorum custodes umbris inquietatos. In ea quoq; domo, in qua occubuerit, nullam noctem sine aliquo terrore transactam, donec ipsa domus incendio consumta sit. C. verò Gracco, quemadmodum scribit Cicero, quaesturam petenti, T. frater visus est in somnijs dicere: Quam vellet cunctaretur, tamen eodem leto, quo ipse interisset, esse ei pereundum. Sed de somniorum visis nunc non differemus, de quib. & aliorum extant disputationes, & Synesij liber. Persuasum autem fuit omnibus sæculis, & ubique locorum ferè ac gentium,

tium, aliquibus, mortuorum animas
 ipsas post vitæ exitum adhuc obuersari,
 & sæpè cerni specie hac aut illa, plerunq;
 autem vel miserabili, vel terribili, sæpè non cerni, sed audiri tantum
 voces, sonos, strepitus, fremitus, tumultus.
 Itaque & Saulum Regem Iudæorum legimus Samueli animam curasse euocandam, quam & videre, & prædicentem quædam audire se crederet. Neq; est ambiguum, quin talia acciderint, cum & nostra ætas experta sit, & nunc quoque istiusmodi passim fieri comperiatur. Neque tantum certis in locis conspectum & auditum tale quippiam esse scimus, sed certò cognouimus quasdam personas affectata esse illa simulacra, à quibus ipsis solis cernerentur. Cuiusmodi si vellem, omnia nota atq; comperta & audita fortè ab alijs, lectaq; in multorum libris inferre, facile possem ingens volumen perscribendo efficere. Sed cum res ista satis planè demonstrata sit, plurib. commemoratis nihil opus fuerit. Atq; ea res sanctam quoque Ecclesiam Christi non parum conturbauit, introducta assertionem Platoniarum nugarum de purga-

PROOEMIUM.

purgationibus animæ, quæ è corpore excessisset, & constituta veneratione mortuorum quorundam hominum, pietate quidem religiosa atque virtute excellentum, sed nihil tamen nisi hominum: In quibus errores superstitionis ijdem sunt, qui aliarû gentium animos occupauerunt. Quid enim obsecro differre aliquis putet à Trophonij Lebadix antro, specum Patricij in insula Hibernia: aut fabulam Thespesij Solensis apud Plutarchum in libello de ijs, qui seras pœnas darent numini diuino, à fabula Tondali cuiusdã? Nunquid verò vt quondã in templo Aesculapij & alijs incubantes, & huius illiusue Dei auxilium petentes, aliquam vim senserunt superantem humanam: Sic mutato cultu illo numinis diuini, nihilo minus tamen ad fana confugientes, & implorantes opem eorum, quibus illa facta & dicata essent, ea fieri experti sæpè sunt, quæ ab hominibus effici non possent. Quibus quidem timidiores perniciofa superstitionis labe infecti, audaciores ad impiam confidentiam prolapsi fuerunt, adeò vt illi in falso metu, neq; animis acquiescerent, &

non dubitarent facultates suas profundere arbitrio eorum, qui istarum fabularum essent architecti, & singularia vitæ genera persequi: Hi nihil esse reliquum post mortem in terris ab homine statuerent, & hinc ad rerum diuinarum humanarumq; contemptum & incuriam prouherentur. Quod si quis non dubitet nunc quoq; affirmare, visa ista inania esse, & similia atq; vniusmodi ea, quæ dormientibus & vigilantibus offerantur, quemadmodum Epicuro placuit: Eum tam multa refellere possint, vt argumentatione nihil opus esse videatur. Quid enim huic loci? vbi de quo agitur, id sensibus depræhenditur. Sed Epicuri tamen rationes videamus. Qui cum affirmet, iudicium sensuum esse certissimum, vsq; adeò, vt sit:

--*Quod in quoq; est his visum tempore verum,*
quemadmodum Lucretius ait, censet tamen non omnia quæ nos afficiant, quæque intueamur, veritatem semper habere. In quo hoc est bellum, Sensus non falli retinendum esse, quamuis cur quadrata è longinquo rotunda videantur, ratio afferri nequeat: & præstare, secundum eundem Lucretium, men-

dofè

dosē reddere causas, quā violare fi-
 dem sensuum, quod fundamentum sit
 vitæ salutisq; . Sed non est nunc propo-
 situm in doctrinā vllius accuratē in-
 quirere. Epicurea igitur persequamur.
 Cum ea autem vim iudicij tribuant sen-
 sibus vniuersam, hoc tamen etiam,
 Sensus, inquiunt illa, mollis res est, &
 fluxa, & erroris capax. Cogitatio au-
 tem ipsa animi multo etiam acrior atq;
 celerior, quæ sensum commouere so-
 let, ac conuertere ad quamlibet speci-
 em inanem, & rei nequaquam consi-
 stentis. Nam vt faciliè cera figura expri-
 mitur, sic cum animus hominis com-
 præhendat id quod effingit & quod ef-
 fingitur, in promptu maximè est tunc vt
 ipse variando quiduis conformet. Per-
 spici id posse de somniorum in dormi-
 entibus conuersione multiplice, parte
 illa, in qua visa repræsentantur, quod
φαντασικόν Græci vocarunt, leui initio
 sese conuertente, & existentib. somnio-
 rum varijs affectionibus ac simulacris.
 Atq; partis illius eam esse naturam, vt
 moueatur continuè, & motum illum
 esse visa quædam atque cogitationem.
 Longum autem esset simulacrorum seu

P R O O E M I V M.

imaginum cōmenta Epicurea percen-
 sere, quas omnibus ex rebus emitti,
 & ante oculos volitare illa sapientia in-
 faniens, secundum Oratiū, ait. Cum
 constet autem, non esse visa ista prorsus
 inania atque vana, idq; ijs in sensibus
 incurrentibus comprobetur, missa faci-
 amus simulacra Epicurea, & alia con-
 sideratione de his utamur. Scribit Dio-
 dorus Siculus lib. 3. in Africæ locis su-
 pra Syrtin, certis temporibus & maxi-
 mē tranquillis ac serenis, conspici in
 aëre variarum animantium apparentes
 species, alijs quiescentibus, alijs se com-
 mouentibus, ita vt modò fugiant, mo-
 dò insequantur. Magnitudine autem
 esse ingentes, & mirabiliter terrere at-
 que perturbare insuetos. Quos enim
 affectu corripuerint, eorum has cor-
 poribus circumfundi cum frigore &
 trepidatione. Hoc externi propter in-
 solentiam cum percellantur vehemen-
 ter, incolas nihil moueri, atque totum
 istud vsu familiare ab eis contemni.
 Narrant nauigatores, in ijs locis quæ
 extra æquinoctialem circulum Occa-
 sum versus, incoluntur ab hominibus
 feris, & qui interfectorum carnib. ve-
 scun-

P R O O E M I V M.

scuntur, vagari istiusmodi monstra, atque grauiter populos illos affligere. Qui nulla alia re magis defendantur, quàm igne. Iam quis dubitat verum esse, quod de Suedicis monstris perhibetur, in quibus sunt & ministrorum assiduæ & vtilis operæ. Audiui ego de patre meo, qui diceret sua memoria talem ministrum habuisse ex nobilitate Equestri nostræ gentis vnum, & quodam tempore fugientem eum hostes ereptum præsentî periculo, abducente ministro illo per amnes & siluas, montesq; inuios, atq; ita cognitum fuisse, quod conditio ipsius humanam superaret. Dimittente autem eum nobili illo, & interrogante, quid mercedis sibi dari vellet, petiisse hunc aliquid de corpore heri. Quo respondente : ne capillum quidem se traditurum, nihil illum ministrum dixisse profuturum sibi capillum, qui cauus esset, præcisos tamen ungues accepturum se esse. Ludibria sunt ista, quis nescit? Sed de hoc non quæritur, ac illud modò ad ostendendum propositum est, versari in terris, & hominum rebus negocijsq; immisceri quasdam naturas potiores & robu-

P R O O E M I V M.

robustiores, neque esse hæc commenta tantum fabularum, neque istas species inanes solum atq; imagines, sed & res quasdam consistentes, & effectiones manifestas. Multa leguntur incredibilia in libris de Apollonio Tyaneo Philostrati Lemnij. Irrideantur sanè ea, quæ de Lamijs memorantur, Empusæ & Hecata fabulæ ad terrorem puerorum & imperitorum confictæ putentur, tota vetustas mentita existimetur de Lemuribus & Laruis. Omnia visorū monstra, in quibus Marci Bruti inprimis celebratur, pro nugis ducantur. Neq; quicquam verè horum omnium dici aliquis aiat, quia ipse non viderit. Quis paulò prudentior hoc laturus esse videatur? Nam vt de historijs, quid verè aut falsò proditum sit, de assensione sua constituere, sic de opinione decernere facta aut non facta in hoc genere, nimis arrogans, neq; longè à dementia absfuturum sit. Eadem audacia negatur externa vi sese insinuante, vel vaticinari in furore aliquos, vel alia mirifica facinora facere. Quid? totam oraculorum veterum facultatem nunquid contineri & efficacem esse tali qua-

P R O O E M I V M.

quadam incitatione extraneæ naturæ
 oportuit? De quibus & aliorum com-
 plurium mentiones, & narratio verbosa
 atq; terribilis Lucani extat libro quin-
 to. Qui verò fuere apud veteres fana-
 tici? quosq; ἐνθουσιῶντας & νυμφολήπους,
 id est, vt opinor, Ceritos & Laruatos
 Latini vocarunt. An verò Thyades il-
 las, non furore dæmonio instigatas:
 non Panicos tumultus excitatos simili
 væcordia censemus? Iam fascinorum
 & carminum, id est, ἐπωδῶν, & eorum,
 quæ amuleta appellarunt, qualis Syllæ
 paruula imago aureola fuit Delphico
 Apollini consecrata, & annulorum, &
 quæ Græco nomine φεῖαπτα sunt, vires
 nullas vel fuisse vel esse, quis audeat af-
 firmare, cum effecta tam multa esse &
 effici constet. Sigilla, quæ Græcis σοι-
 χεῖάματα sunt, & his similia, quorum
 effectus ad siderum vires atq; potesta-
 tes referuntur, non exagitabo, propter
 præclaram de Astrologica arte existi-
 mationem meam. Etsi me non fugit,
 superstitione esse & hæc & istiusmodi
 alia fœdissimè contaminata. Quam ex-
 ecrantes, naturæ veritatem studebimus
 asseri. De quo nunc plura dicere non
 est

est opportunum. Olim tabe aut aqua, quam intercutem vocant, interemptorum liberi in aquam pedes demergere iuebantur, donec cōbureretur mortuus, vt tuti essent ab illis morbis. Et nuper medicamentum diuulgatum fuit, quo vulnus quamuis longè absentis sanaretur, si quis illo gladium aut telum certa obseruatione perunxisset, quo vulnus esset inflictum. Quid? quod carminib. certis consecrati ictus cogniti sunt mortiferi, quamuis longè absentibus, sed ita, vt si fortè aliqua salutare vi illam pestiferam vim propulsante muniretur is, cui strueretur calamitas, in machinatorem exitij conuerteretur interitus. Consulti aliqui de rebus ignotis, in crySTALLIS conspiciunt ea manifestò, de quibus quæsitum fuit. Cuius rei exemplum, non possum facere, quin hoc loco recitem, de narratione optimi, pietateq; & prudentia præstantis viri Lassari Spengleri Norici, non ab alijs audita, sed à seipso cognita referentis. Fuisse aiebat sibi notum vnum ex præcipua familia Norimbergæ, virum honestum ac grauem, quem hac in mentione nominatim indicandum

dum non putauimus. Eum quodam tempore venisse ad se, & attulisse in serico panniculo inuolutam gemmam crystallinā figura rotundam, & dixisse, donatam sibi illam fuisse à quodam ignoto, qui se ante multos annos de hospitio compellasset fortè conuentum in foro, quemq; ipse domum suam adduxisset, & triduò habuisset secum. Fuisse autem ab illo discedente & relinquente munus hoc ad significationem grati animi, edoctum se crystalli vsum talem: Si qua de re certior fieri vellet, vt promeret crystallum, & puerum marem castum iuberet aspicere, & ex eo perconctaretur, quid cerne-
ret? Fore enim vt de apparentib. puer-
ro visis omnia, quæ requireret, indica-
rentur. Atq; affirmârat hic, se nulla in
re vnquam fuisse deceptum, & mirabi-
lia de puerorum indicijs rescivisse, cum
ceterorū nemo quisquam aliud, quàm
nitidam & puram gemmam intuendo
videret. Quodam tamen tempore,
cum grauida ipsius vxor puerum ma-
rem gestaret in vtero, illi quoq; species
in crystallo oblatas. Primò autem om-
nium formam viri sese exhibere soli-
tam,

tam, eo habitu quo tum communiter
 vterentur, in quo insigne esset capitis
 integumentum, cum fasciis depen-
 dentibus, (Cappas nostri veteres laci-
 niosas vocarunt) & ita deinde appa-
 ruisse, de quibus interrogatum esset,
 cetera. Explicatisq; cunctis, illam rur-
 sum viri figuram discessisse, & evanuisse
 reliqua. Discedentem autem eam,
 quam diximus, figuram viri, visam sæ-
 pè urbem perambulare, & ingredi in
 templa. Fuerat autem fama passim dis-
 sipata de illis indicijs, vt negantibus
 aut dissimulantibus suis delictum ali-
 quod vulgò minarentur, se relatu-
 ros de eo ad illum in crytallo se ostenden-
 tem virunculum. Quin etiam com-
 pertum est, fuisse à doctis quibusdam
 de dubitationib. suis in litterarum stu-
 dijs aliquando, nescio quid proposi-
 tum, & in crytallo lectum. Sed his &
 alijs huiusmodi compluribus comme-
 moratis, dixit Spenglerus hunc ad se
 aliquando venisse cum tali oratione:
 Arbitrari se tempus esse, vt à crytalli
 tali vsu tandem abstineret. Nam & sibi
 iam persuasum, eo ipso non leuiter
 peccari, & animi perturbati cruciatus
 grauif-

PROOEMIUM.

grauissimos se diu sanè perpeſsum eſſe, itaq; decreuiſſe, ſe deinceps nihil cum illo experimento velle negocij habere, & tradere nunc ipſi quod accepiffet, de quo meminiffè poſſet, quid ſæpè ei demonſtraſſet, neq; neſciret, qui rumores in tota ciuitate percrebuiſſent. Permittere autem vt faceret de illo quod collibuiffet. Tum Spenglerus (valde enim ſuperſtitiones oderat) collaudato eo, accepiffè aiebat ſe cryſtallum, & in minutiffimas partes contudiſſe, & vnà cum ſerico inuolucro in latrinam abieciſſe. Quid? quod hominis mortui caput, poſt certos conſecrationis ritus, & ipſum reſponſa dediſſe interroganti, non cuius illud quidem, ſed ſuo conſecratori tantùm, ſcimus. Atq; hæc ſunt in iſto genere præcipua atque inſignia, quo occulta ac futura explorantur. Cum alij alia aſſumant, quibus quaſi instrumentis prædictionum & cognitionis vtantur, ſpecula, vngues, cribra, paxillos. De quibus ſi ocij temporisq; tantum fuerit, noſtras rationes aliquando ipſi quoque exponemus. Quàm ſunt admirabiles nunc quoque effectiões, & olim ſortilegorum om-

C nium

nium fuerunt? Veniamus ad materiam sermonum nostrorum, & quid depræhensum prolatumq; fuerit nuper apud vos, consideremus. Neq; est res ista nova, sed priscis quoq; temporibus nota atq; vsurpata. Nomina tantum & voces mutantur, cetera sunt eadem. Vidi puer in ædib. paternis hominem nobis ex plebe familiarem, & audiui narrantem, se aliquando à vicina sua fœmina, appetente consuetudinem ipsius, inuitatum sub vesperam ad lactis, more nostræ gentis, secundas mensas. Cum ego inopinatò ianua fortè aperta, accessissem, cerno illam, inquit, de cultello in parietem infixò, lac copiosum emulgentem, cum me ipsa adesse non animaduerneret. Subdixi igitur me statim clanculum, & postridie excusavi, expostulante ea mecum, negotia mihi subito tum oblata. Sagas appellarunt veteres genus istud. Ad quas pertinent *ἐγγραπίμβοι* & *στεγομάντις* circumferentes *ὀρευχέα*, secundum Platonem. Et Hebraicum nomen talium habere significationem scientiæ atq; cognitionis perhibetur, quale in nostrati quoque sermone eis tribuitur. Sunt autem superstitiosæ

PROOEMIUM.

stitionis inprimis, & prædicentes futura, & concilians secundos euentus, aduersos auerruncantes. Ad quæ sacrificia, cæsarum pecudum & sanguinis effusio olim adhibebatur. De quib. disputarunt Platonici, Spiritus illos nondum prorsus liberos à corporum mole, nidore cum hostiæ adolerentur, & gustatu sanguinis delectari & capi. Quorum his temporibus nihil in usu est, cum tamen obsequantur isti spiritus voluntati magorum per alias superstitiones obseruationes. Illa verò qualia & quàm tetra fuerint, & quàm habuerint incredibiles effectiones, adeò, ne alia referam, vt formas hominum aliarumque animantium mutarent, ac mortuis quoque corporibus restituerent vitam, eam sanè, quæ non modò non vera, sed ne certa quidem atque firma esset, quamuis brevis: Hæc, inquam, si excerpta de ijs, quæ passim extant, scriptis veterum exponere vellemus, permultæ essent cartæ complendæ eorum commemoratione, quæ à plurimis tradita sunt. Oratij autem de Canidia, & Lucani de illa, quam Erichtho vocat, narrationes, & Apuleiana sunt

in medio, quibus ad huius rei indicium
nunc contenti esse poterimus. Vidi ego
istum aliquando apparatus, qui nunc
vsurpatur vniuersum, vincula, carce-
rem, tripodem. Nam Magi bonis spi-
ritibus ministris vti se asserunt, itaque
his aduersantes malos prius impediri
includendo oportere aiunt. Id quod
fieri volunt circumscriptione notarum
certarum, & figurarum. Ad terrorem
autem stringitur nunc quoq; ferrum,
quod aciem illi spiritus huius reformi-
dent, propter id quod corporis instar
eis adhæret. Atq; haud scio an Hercu-
lis & Alcestidos morti ereptæ fabula,
poëtæ eorū aliquid innuere voluerint,
quæ à Magis mirabiliter effici videren-
tur. Sed de Sagis istis plura dicamus.

Scripsit Plutarchus Marium Impe-
ratorem summum habuisse secum in
exercitu, quæ gestaretur lectica, Sy-
ram mulierē Martham nomine. Hanc,
quæ Romam aliquando venisset, & va-
ticinandi facultatem ostentasset, reie-
ctam à Senatu fuisse. At illam in ma-
tronarum consuetudinem sese insinuas-
se, & Marij inprimis coniugis. Ad cu-
ius pedes assidens in spectaculo quo-
dam

dam gladiatorum , cum qui superiores
 quique inferiores futuri essent, prorsus
 respondente exitu, prædiceret, admi-
 rata, inquit Plutarchus , Marij coniunx
 ad maritum eam curauit deducendam.
 Qui ipsam præcipuo secum loco habuit.
 Prodigabat autem ad rem diuinam faci-
 endam, cum puniceo amiculo duplice
 infibulato, hastam gestans, cum limni-
 scata corona. Alia omnino nunc & di-
 cuntur & geruntur, ab ista misera & de-
 mente caterua superstitiosarum mulie-
 rum, siue hæ futura se prædicere posse,
 seu occulta atq; tecta indicare profite-
 antur, seu etiam mirabiles res efficere
 polliceantur, vt tempestates ciere,
 morbos immittere & depellere, euo-
 lare aliquò ad cœtus familiares, in qui-
 bus Dæmones voluptuarij absint, &
 hilariter iucundeq; & vnâ conuinen-
 tur, & illis consuescant. Compertum
 est quendam nocte lanium, qui sunt fe-
 rociore plariq; & audaciores, iter per
 nemus quoddam facientem, audijisse
 intra arbuſta colloquia quædã lasciuia
 plena cum risu & iocis. Ibi ille, quem-
 admodû ipse postea recitauit, primùm
 consistere, deinde accedere ppius atq;

introspicere, & tandem etiam introire. Tum verò subito euauisse conspectas ab ipso humanas species virorū & mulierū, relictis mensis exstructis, cum poculis & ceteris vasis epularum & vini in quib. & scyphi argentei viserentur: No-
 voluisse autē se ita simpliciter discedere dixit, & venisse in mentem sibi aliquid de ea copia, quæ ante oculos versaretur, esse auferendū. Sublatis igitur scyphis duobus, ita tum abiisse. Manē verò ad Magistratum oppidi sui scyphos eos detulisse, & quomodo illi ad se peruenissent, demonstrasse. Magistratus signa agnouit eorum, qui in consilio publico conuenire deberent. Accersit igitur eos, & scyphos cognoscere iubet, si ipsorum sint. Agnoscunt, & esse suos aiunt, & mirari quid de ijs factum sit. Iubet ergo domum eos ire & videre, nunquid suos fortē apud se reperi-
 ant. Eunt, non inueniunt. Redeunt, & ereptos sibi esse indicant. Ita mulieribus ipsorum in suspicionem venientibus, compræhensæ illæ, & indicato sodalitio præcipuarum in eo oppido fœminarum, mirificæ res & incredibilia facinora exquisita cognitaq; fuerunt.

Idem

Idem aliquanto post Lanius, cum idem nemus sub vesperam fortè equo vectus transiret, & ad illum locum à se dudum disturbatæ societatis peruenisset, obuiam habuisse se narravit, equitem terribili specie, & impetum stricto gladio in se fecisse, cum quo, nam & se suum gladium eduxisse, fermè dimidium noctis dimicando consumsisse. Fuisse autem eam defatigationem suam, vt postridie decumbens, multis diebus in morbo lecto affixus iacuerit. Vidi arborem magnam & ramis densam, sed planè aridam ante oppidum, cuius in hac mentione nomen ponere non est visum, in qua conuenisse tale sodalitiũ, compræhensæ in maleficio quædam indicassent. Iam suam aliquas Sagas formam in animalis alterius figuram mutasse, vt verbi causa, felis, traditum scimus, Et hoc etiam, amputato talis felis membro, Sagam repertam esse mutilatam. Possem alia scædiora & magis horrenda referre, sed rem esse notatam satis habemus. Tanta est enim exemplorum huius generis copia, vt eis toti plurimarum cartarum libri compleri hi quidem possent, sed enumerari

merari illa non possent. De epulis quidem lautissimè collatis & apposis, non fingi quæ nunc quoq; memorantur, prouerbiū testari etiam possit, Pafetis dimidium oboli, quod aîsis ferme erit precium. Habui notos homines, neq; leues, & non indoctos, qui affirmabant, se audisſe secum colloquētes disertè, eos, quos tunc intervallo multorum milium pass. abesse certò scirent. Proditum etiam scriptis veterum, & narratione multorum nostris temporibus cognitum est, fremitus, strepitus, sonos tam lætos quàm tristes, Musicas etiam symphonias, & citharæ modos, apparente nemine vsipiam, venationesq; in siluis auditas, obiectos etiam errores, & exercitus visos monstrosos constat. Ad quæ antiquitas Satyrorum & Faunorum appellationes accommodauit. De Hieronymi autem Moroni summi aliquando viri in Mediolanensis principatus gubernatione, annulo loquente, non fabula, sed certa historia alibi à me est exposita. Iam illa parua dæmonia obuentia domesticas operas, pueriliq; specie sese interdum ostendentia, &c
siue

siue grauius offendantur, seu tracten-
 tur lautius & exquisitius, statim disce-
 dentia, cum præsentè infortunio inco-
 larum, si negare aliquis audeat obuer-
 sata, visa, audita, opera ipsorum mani-
 festo depræhensa esse: Is licet nihil cre-
 dat omnium verum esse, nisi quod ipse
 suis sensibus aliquando percepit: Et
 falsa confictaq; omnia, quæ de exter-
 nis locis, animantibus, hominum mo-
 ribus & vita traduntur: Et, quemad-
 modum Cicero ait, ea genera, quæ in
 rubro mari, Indiae gignuntur, nulla
 esse dicamus, quia nunquam vidimus.
 Sit igitur nobis vel minus præfractis
 atq; duris, vel magis in his consideran-
 dis diligentib. & attentis, nequaquam
 dubium: Non modò naturalibus caus-
 sis multa mirabilia effici, vel esse potius
 omnia in vniuersa natura admirabilia
 non negligentibus neq; vecordibus,
 sed alia etiam accidere, quæ omnino
 aliunde, quàm de rerum natura orian-
 tur, neq; huius quasi limitibus defini-
 antur. Voco autem naturam in ijs, quæ
 subiecta sunt sensibus, motionis varie-
 tatem, & perpetuam agitationem, or-
 dine & ratione congruentem, & com-
 plecten-

plectentem ortum occasusq; , & multi-
 plicem in cunctis vniuerſi mundi par-
 tibus mutationem. De quibus omni-
 bus , cum intelligentia atq; ſagacitas
 mentis humanæ plæraq; aſſequi com-
 præhendereq; nequeat , nihil vetat ,
 quin qui diſputare & argumentando
 perquirere plurima velint , ij quàm pau-
 ciſſimorum ſcientiam adipiſcantur at-
 que teneant. Quamuis enim ea , quæ
 oratione ad ſimilitudinem veri defle-
 ctuntur , aures perſuadendo comple-
 ant : non tamen his veritas etiam ſimul
 continetur , & firma ſtabilisq; ſententia
 animis inferitur. Quod nō eò pertinere
 volo , quaſi eam ſapientiæ partem , quæ
 naturam & cauſas indagat improbem.
 Eſt enim ea in reb. humanis præclarif-
 ſima. Sed vt intelligatur , intra ſuos fines
 illam conſiſtere debere , & ita perqui-
 rere occulta , ne euidentia conturbet
 atq; obſcuret. Quod , qui veterū diſpu-
 tationes , de rebus præſertim diuinis ,
 quibus tractatus *οὐσίης* , id eſt , eius na-
 turæ , quæ ſemper & ſimpliciter eſt , in-
 pri mis continetur , leget , is non fruſtra
 ad moneri intelliget. Ex poſterioribus
 Platoniciſ ſcio an exiſtimatione
 valde

P R O O E M I V M.

valde bona dignus sit Synesius. Is, vt aliorum commentationes omittam, quid? Eam vim, quæ est in hominis animo visorum atque imaginum, Græci *φαντασίαν* dixere, spiritum ait esse animæ. Et hunc vel attentione conseruari atque vigere, nec non reddi meliorem, negligentia autem corrumpi atq; deprauari, & ita fieri, vt vel felicitatem assequantur homines, vel ad hanc certè appropinquent, quem finem esse religiosæ pietatis perhibet, cum alterum illud genus pœnas persoluat impietatis & contemptus numinis diuini, quod diuinitatis intra se particulam contaminarint. Cogitatio, inquit, & mentis intentio, acuit spiritum, & tenuem subtilemq; efficit, qui talis idoneus deinde est ad diuinum spiritum attrahendum cognatione sua, quo animus consuescat. Sed ille animi suus spiritus vbi densior atq; concretior, moleq; sua coactus minor fuerit, quàm vt ea loca, quæ fabricatrix hominum prouidentia assignauit, complere possit, (sunt autem ventriculi isti quidam in cerebro) ibi, cum natura in nulla re admittat vacuitatem, spiritus tunc
malus

malus ingeritur. Quid autem non acciderit? aut non perpetiatur animus? in familiari usu tam diri & execrandi mali. Hæc atq; huiusmodi ferè Synesius differit. Aliorum autem his similia qui volet, ipse cognoscat, quibus plarisque omnibus diuina humanaq; confundi animaduvertere licebit. Quid autem obsecro dicemus, de ijs ipsis, qui supra modum quasi acuere cogitando, & à terrena concretione, quemadmodum istis placet, quàm longissimè abstrahere illam imaginum vim conati fuere, cum ex ipsis, instinctus malorum spirituum in plurimis plurimum loci inuenerit. Sed de his verba facere superfedebimus. Redeoq; ad rem: Et esse aio aliquid, de quo humana sapientia veritatem nunquam reperire potuerit. Quod in hoc mundo excerceat vim potestatemq; suam mutando, peruertendo, distorquendo cursum naturæ. Vno omnino aeterno & præpotente numine diuino, (qui est solus & verus Deus, is, quem Christiana religio colit atq; veneratur & adoratur) gubernante & moderante & regente cuncta, ita quidem, vt eius voluntati inserviant
atq;

P R O O E M I V M.

atq; præstò semper sint tanquam ministri, spiritus boni: permittente autem & concedente eo, mali spiritus multifariam exagitent, labefactent, conuellant, destruant, lædant, perdant creata atq; condita ab ipso. Quorum tamen conatus longius progredi nequeunt, quàm patiatur Deus æternus. Patitur autem hic, & finit interdum quasi laxando vincula, quibus astringuntur, excurrere sæuitiam illorum eò vsq; , vt, qui considerant, mirificè perturbari soleant. Compertum est interitum calamitatemue, quæ magica superstitione strueretur vni, conuertisse in alterũ: atq; etiam exitum pestemq; paratam hominibus ad bestias redundasse, sic tamen, vt interim homines quoq; corripereantur. Quale est, quod exempli causâ breuiter duxi referendum, cum huiusmodi narrationes crebras huic nostro scripto inserere non sit consilium. Quodam in oppido venit Iudæus ad mulierculam anum, & petit ab illa, acquirat alicunde sibi lac muliebri, promittitque donum, si afferat. Hæc sibi notam alteram accedit, & rem ei exponit, quidq; in mentem venerit sibi,

P R O O E M I V M.

sibi, vt Iudæus eludatur, & donum tamen accipiatur, indicat. Habebat mulier illa scropham lactantem, eam mulgent, & lac defertur ad Iudæum. Qui id quod statuerat cum cœpisset agere, audit grunnitum, & intelligit quid factum sit. Atq; tota ea in vicinia sues fœda tunc lue interierunt. Re autē cognita, & de Iudæo & illis mulierculis supplicium tanquam veneficis in dolore recentis damni, quod homines eius regionis fecerant, sumtum fuit. Quod autem attinet ad naturam spirituum quorundam eiusmodi, vt tametsi intra corporum moles non includantur, cum libeat tamen speciem atq; figuram corpoream circumdare sibi possint, Hebræorum scripta & esse tales, & horum discrimina planè tradunt. Quibus tanquam celestibus oraculis, & Dei ipsius verbis fides est adhibenda. Non autem hoc tantum à nobis affirmatur, qui Christiani perhibemur, quorum religio autoritate & fundamento illorum scriptorum nititur, sed veteres etiam Græciæ sapientes crediderunt, cum audiissent istius populi in venerando numine diuino pietatem & obseruantiam

P R O O E M I V M.

tiam suorum quoque Deum responsis celebrari. Ex quibus versus huius sententiæ refert Eusebius:

Soli Chaldei sapientiam habent & Hebræi,

Quippe Deum proprii generis castè venerantes.

Sed testimonijs istiusmodi nihil est opus sacris diuinisq; scripturis. Quibus religiosa fides simpliciter assentiri debet, curiositas animi adminicula, quæ quasi fulciant illa, quærere non debet.

Atq; Hebræi castos & sanctos & illustres Dei æterni voluntati obcædientes spiritus, eccellente appellatione Nuntios vocarunt (Græco nomine hi Angeli sunt) significantes bonos Spiritus inferuientes iussis diuinis, cui semper ad obtemperandû & fungendum muneribus suis præstò sint. Vnde eos & λειτουργικά πνεύματα dici inuenimus.

Quinetiam filium Dei patris æterni λόγον συνάιδιον, exequentem arcani consilij decretum atq; sententiam de humani generis & naturæ rerum ortarum instauratione, Hebraicam Esaia de ipso mentionem conuertentes in Græcum sermonem septuaginta Hebræi, vt aiunt, μεγάλης βουλῆς ἄγγελον nominarunt. Atque hi sunt cætus celestes & æthe-

ætherij & beati. Contrarij autem & ho-
 stes Dei æterni, inprimisque filij Dei
 inimici & aduersarij spiritus, prolapsi
 per impietatem à naturæ suæ integri-
 tate, & tenebricosi, & mali, & huius
 mundi principes vocantur, infelices, &
 condemnati ad supplicia sempiterna
 caliginis horrendæ, quàm Abyssi no-
 mine significarunt, respondente ei Tar-
 tari Græcorum voce. Atq; eius cater-
 uæ quasi caput Hebræi Satanam, Græci
 Diabolū appellarunt. Et Spiritus istos
 religiosa pietas Dæmonas atq; dæmo-
 nia, interpretans Hebraica significa-
 tia alicubi commentitiam diuinitatem,
 quæ diuinitus nequaquam esset, quasi
 deridendo ficta numina aliarum gen-
 tium, alicubi calamitatis damnorumq;
 & omnis miseræ causam, alicubi etiam
 vim quandam impetu suo quasi inuo-
 lantem, & tanquam fulmen percellen-
 tem atq; vastantem. Vtriusque autem
 generis ea vis ac potestas est, vt volente
 atque permittente Deo æterno, cum
 non exhibendo offerendūq; se conspe-
 ctui forma cadente sub sensus, tum
 quam placuit figuram ostendendo, mi-
 rificas res efficiant. Atq; ante id tem-
 pus,

P R O O E M I V M.

pus, quo patefacta est arcana sententia
 Dei. de genere humano liberando &
 reconciliando, quando secundum hanc
 Filius Dei in hunc mundum se demisit,
 & sibi naturam humanam ita copula-
 uit, vt natus in terris virginē matre,
 vnus Iesus verē esset Deus & homo:
 ante hoc, inquam, tempus, pestiferum
 ac malum ac scelestum genus spirituum,
 quos dæmonias & dæmonia appellari
 diximus, maiorem quasi dominatio-
 nem quandam habuit in homines, &
 his audacius licentiusq; illudit. Quippe
 cum fraudes omnes occultæ & tectæ
 essent, atq; sub diuinitatis opinione la-
 terent, adeo vt consuetudines cum his
 sexus vtriusq; prædicabiles & gloriosæ
 haberentur. Vt (ne singilatim multis
 recensendis, longior sim, id quod mo-
 dō vitare constituimus) cum nymphis,
 & ijs quæ Deæ perhiberentur concu-
 bitus: Et tam celestium quàm terre-
 strium marinorumq; numinum cum
 mortalib. mulierib. Hinc enim illud:

*Huic mater quamuis atq; huic pater asit:
 Orphi Calliopea, Lino formosus Apollo.*

Et hoc:

Regina sacerdos

D

Marte

P R O O E M I V M.

sibi, vt Iudæus eludatur, & donum tamen accipiatur, indicat. Habebat mulier illa scropham lactantem, eam mulgent, & lac deferitur ad Iudæum. Qui id quod statuerat cum cœpisset agere, audit grunnitum, & intelligit quid factum sit. Atq; tota ea in vicinia sues fœda tunc lue interierunt. Re autē cognita, & de Iudæo & illis mulierculis supplicium tanquam veneficis in dolore recentis damni, quod homines eius regionis fecerant, sumtum fuit. Quod autem attinet ad naturam spirituum quorundam eiusmodi, vt tametsi intra corporum moles non includantur, cum libeat tamen speciem atq; figuram corpoream circumdare sibi possint, Hebræorum scripta & esse tales, & horum discrimina planè tradunt. Quibus tanquam celestibus oraculis, & Dei ipsius verbis fides est adhibenda. Non autem hoc tantum à nobis affirmatur, qui Christiani perhibemur, quorum religio autoritate & fundamento illorum scriptorum nititur, sed veteres etiam Græciæ sapientes crediderunt, cum audijssent istius populi in venerando numine diuino pietatem & obseruantiam

PROOEMIUM.

tiam suorum quoque Deum responsis celebrari. Ex quibus versus huius sententiæ refert Eusebius:

Soli Chaldaei sapientiam habent & Hebraei,

Quippe Deum proprii generis castè venerantes.

Sed testimonijs istiusmodi nihil est opus sacris diuinisq; scripturis. Quibus religiosa fides simpliciter assentiri debet, curiositas animi adminicula, quæ quasi fulciant illa, quærere non debet. Atq; Hebræi castos & sanctos & illustres Dei æterni voluntati obœdientes spiritus, eccellente appellatione Nuntios vocarunt (Græco nomine hi Angeli sunt) significantes bonos Spiritus inseruiantes iussis diuinis, cui semper ad obtemperandû & fungendum muneribus suis præstò sint. Vnde eos & λειτουργικά πνεύματα dici inuenimus.

Quinetiam filium Dei patris æterni λόγον σωαΐδιον, exequentem arcani consilij decretum atq; sententiam de humani generis & naturæ rerum ortarum instauratione, Hebraicam Esaia de ipso mentionem conuertentes in Græcum sermonem septuaginta Hebræi, vt aiunt, μεγάλης βουλῆς ἄγγελον nominarunt. Atque hi sunt cætus celestes & æthe-

ætherij & beati. Contrarij autem & ho-
 stes Dei æterni, inprimisque filij Dei
 inimici & aduersarij spiritus, prolapsi
 per impietatem à naturæ suæ integri-
 tate, & tenebricosi, & mali, & huius
 mundi principes vocantur, infelices, &
 condemnati ad supplicia sempiterna
 caliginis horrendæ, quàm Abyssi no-
 mine significarunt, respondente ei Tar-
 tari Græcorum voce. Atq; eius cater-
 uæ quasi caput Hebræi Satanam, Græci
 Diabolū appellarunt. Et Spiritus istos
 religiosa pietas Dæmonas atq; dæmo-
 nia, interpretans Hebraica significan-
 tia alicubi commentitiam diuinitatem,
 quæ diuinitus nequaquam esset, quasi
 deridendo ficta numina aliarum gen-
 tium, alicubi calamitatis damnorumq;
 & omnis miseriæ causam, alicubi etiam
 vim quandam impetu suo quasi inuo-
 lantem, & tanquam fulmen percellen-
 tem atq; vastantem. Vtriusque autem
 generis ea vis ac potestas est, vt volente
 atque permittente Deo æterno, cum
 non exhibendo offerendūq; se conspe-
 ctui forma cadente sub sensus, tum
 quam placuit figuram ostendendo, mi-
 rificas res efficiant. Atq; ante id tem-
 pus,

P R O O E M I V M.

pus, quo patefacta est arcana sententia
Dei de genere humano liberando &
reconciliando, quando secundum hanc
Filius Dei in hunc mundum se demisit,
& sibi naturam humanam ita copula-
uit, vt natus in terris virginē matre,
vnus Iesus verē esset Deus & homo:
ante hoc, inquam, tempus, pestiferum
ac malum ac scelestum genus spirituum,
quos dæmonias & dæmonia appellari
diximus, maiorem quasi dominatio-
nem quandam habuit in homines, &
his audacius licentiusq; illufit. Quippe
cum fraudes omnes occultæ & tectæ
essent, atq; sub diuinitatis opinione la-
terent, adeo vt consuetudines cum his
sexus vtriusq; prædicabiles & gloriosæ
haberentur. Vt (ne singilatim multis
recensendis, longior sim, id quod mo-
do vitare constituimus) cum nymphis,
& ijs quæ Deæ perhiberentur concu-
bitus: Et tam celestium quàm terre-
strium marinorumq; numinum cum
mortalib. mulierib. Hinc enim illud:

*Huic mater quamuis atq; huic pater aſſit:
Orphi Calliopea, Lino formoſus Apollo.*

Et hoc:

Regina ſacerdos

D

Marte

P R O O E M I V M.

*Marte grauis geminam partu dabit Ilia prolem.
De quibus disputatio copiosa extat in
Plutarchi Numa.*

Quid de familiaritate quadam talium spirituum loquar? qua & lætatos quosdam, & rebus difficilib. adiutos, quosdam etiam ab irritatis atq; offensis afflictos, attritosq; esse accepimus. Quæ quidem eiusmodi fuere, vt quasi concessio quodam iure in orbe terrarum regnarent spiritus illi, oppressis hominum mentibus atq; corporibus, vt neq; iudicium, neque intelligentia, neq; ratio, neq; voluntas, libertatem integritatemq; haberet, & sensus affectionesq; corporis arbitrio alieno seruirent. Nato autem filio Dei in terris, cum ille ita adiunxisset diuinæ naturæ suæ humanam nostram, vt ambæ in vno homine Iesu copularentur, qui & destinatus ab initio, & diuinis oraculis promissus fuerat, rex omnium gentium ex Dauidica stirpe in terris ortus, nomine Hebraico Messia, quem Christum Græci interpretati sunt: In quo ipso etiam improbitas atq; malitia spirituum istorum peruertendo & euer-tendo nihil omisit omnium, quod vel
clam

PRO O E M I V M.

clam machinari, vel apertè moliri possent. Atque ab his caussa tandem data fuit mortis, qua per summam contumeliam tolleretur è medio. Qua quidem morte eorum vis & potestas perempta est, & mortuus hic atq; sepultus, cum mox diuina potentia excitatus reuixisset, vitam amissam reconciliata Dei æterni gratia hominibus restituit. Tunc igitur & potentia ista fracta, & regnum ereptum, & in contrarium cuncta fuere conuersa. Neq; me fugit non defuisse ex veteribus quoq;, qui & consuetudinem & congressus illos, de quibus diximus, spirituum istorum, vel fuisse existimarent errores quosdam apprehendentium vera pro falsis, & visafinania pro rebus certis, vel obtinuisse flagitijs suis ista vtrunque sexum quasi vela, vt vitia aliquibus oblata, aut suscepti liberi honestarentur, & carerent probro. Scio & hoc traditum, præstantiam potentiæ, virtutis, sapientiæ, esse diuinitatis nomine commendatam. Atque fateor & olim fuisse & nunc esse præstigiæ & inanitatis atque fallaciarum in his omnibus plurimum, neque non essent in promptu

argumenta, quib. hoc demonstraretur. Sed omnino excercuisse vires suas efficacitate manifesta in hominibus Spiritus malos, & id fecisse aliquando audacter atque aperte, negari non posse existimo, tam evidente sua coniunctione cum hominib. versando, quam occultiore in vsus vitæ huius implicatione. Quales totius eius, quam diuinationem vocarunt, euentus fuere. De quibus vt supra dixi, longa enim & varia multiplexq; disputatio est, aliàs fortasse aliquid non prorsus vulgare neq; tritum aut commune differemus. Verum nunc mendacijs & fraudibus detectis, & tyrannide illa malorum Spirituum deleta, plæraq; exoleuerunt, vsque adeò vt penitus ignorentur, in quibusdam adhuc experitur, quamuis debilitatas atq; fractas vires illa turba malorum Spirituum. Id quod ad quandam quasi palæstram humanorum studiorum, vt periculum fiat fidei constantiæq;, certo diuinæ providentiæ iudicio permittitur. Est autem in omnibus pernicies & interitus neq; dubius neq; obscurus, in quibusdam etiam ludibria nugatoria sunt atque ridicula.

Quis

Quis enim, qui istorum spirituum vsum
 quempiam admisit, non cum suo dam-
 no atq; exitio aliorum detrimenta atq;
 mala ferè coniunxit? An autem magis
 ridiculum carmen putandum illud,
 quod repressa asini vrina eliceretur,
 ἀλέκτωρ πίνει καὶ οὐκ οὐρεῖ, μύξος οὐ πίνει καὶ οὐρεῖ,
 innumerabilibus veteribus alijs & no-
 uis horum temporum? Sed quicquid
 adhuc conceditur potestatis istis spiri-
 tibus ad malefaciendum, id in bonum
 pijs conuertit, qui ex eo ipso perspici-
 unt & ita commonefiunt, quantum illi
 nunc etiam in mundo hoc possint, &
 ex apparentibus cùm abstrusas insidias
 tum in animis labes, quarum autores
 hi sint, animaduertunt. Sunt sagarum
 & veneficorum agitationes & impulsus
 vehementes atq; formidandi, Sunt ve-
 xationes horribiles eorum, in quorum
 corpora penetrauit extrinsecus spiritus
 malus, quos δαιμονῶντας vocant Græci,
 cuius pestis ne beluarum quidem ge-
 nus expers esse scimus. Sed multò de-
 teriores & sæuiiores & pestilentiores
 sunt motus incitationesq; animorum
 ad flagitia atque scelera, quæ nulla nisi
 instinctu talium spirituum & voluntatis

improbæ atq; prauæ obsequio suscipiuntur ac fiunt. Atque antiquitas aliarum gentium omnium, excepto populo Iudaico, vt Dæmonum notionem, cum Dei notione confudit, & opera amborum permiscendo implicuit opinionione suâ, sic ad effectiones in rebus actionibusq; humanis quascunq; , voluntatis arbitrijq; assensionem applicuerunt. Itaq; modò in Deos, modò in homines, euentuum causas à sapientibus veteribus conferri videmus. Vnde hoc factum :

Non mihi tu caussa es, Dÿ sunt mihi caussa malorum. Et istud :

Nemo hominum est autor sibi, Cyrne, boniûe, maliûe,

Sed caussam sortis dant vtriusq; Dei.

Contra verò hoc, quemadmodum & ipsum sicut priora nos conuertimus :

Cur tamen accusant mortales numina celi ?

Autores etenim perhibent nos esse malorum,

Illâ sibi his præter fatum accersentibus ipsis.

Et istud :

Cuncta euersa iacent et perdita. Nec tamen horû

Caussam esse ex aliquo, Cyrne, putato Deo :

Sed sua vis, mens lucri auida, atq; iniuria multos

Præuauitq; bonis, implicuitq; malis.

Ex

Ex quibus & alijs huiusmodi, quæ passim occurrunt legentibus scripta veterum poetarum inprimis, facile patet, & statuisse illos esse aliquam vim impellentem ad mala, & tribuentem bona: eam tamen vim naturæ humanæ ita quasi afferri, ut adhibeatur ad rationem, qua homines sunt præditi, & voluntatis alliciat obsequium ab arbitrio ipsorum. Sed cum de dæmonibus verba facere cœperimus, de bonis & salutaribus hominum consilijs actionibusque, & euentis prosperis ac felicibus non habebitur iam à nobis oratio prolixior. Dæmonas autem & causas dare malorum semper, & esse perniciosos hominibus, quamuis conatu & effectu dissimili & inæquali, vel sumimus tanquam concessum, vel aliquo etiam modo demonstratum, neque iam ulli magnopere esse dubium confidimus. Ut autem omnia mala, sic istud quoque eò est deterius atque periculosius, quò occultius ac latentius. Distribuitur autem variè, nam etiam spiritualis illa prauitas quasi prouincias suas habet, quas gerit diuersas. Neque omnes omnia tentant & conantur, cum vniuersi

quidem naturæ bonitatem corrumpere, & huius proprietate ad perniciem abuti studeant. Alij igitur horum ad alias turpes, flagitiosas, sceleratas actiones adigere homines solent, ut ad quasque aliquos proclives esse intelligunt, & singularum occasiones offerunt: in quibus plurimum momenti ad lapsus & peccata esse norunt. Et utuntur ad ea sensuum cogitationumque adiumentis. Est alicuius ingenium mollius & magis quasi tenerum, in hoc libidinum flammæ accenduntur. Sunt alij indulgentiores in sese, & delicijs capiuntur, horum ad fruendum voluptatibus ijs, quibus corpus & cuticula, ut dicitur, bene lauteque curatur, cupiditates incitantur. Aliorum natura est asperior, & sunt animi motus vehementes & acres, & ad iracundiam propensi, hi impelluntur ad labefactandam Rempublicam, aut vim iniuriæque faciendam alijs, ad rapinas atque cædes. Quidam, quorum ingenium est tristius, cogitationesque sunt profundiores, ad machinationes etiam occultiores & magis horribiles conatus instigantur, adeo, ut aliqui horum sibi inter-

interdum ipsis manus inferant. Tam inertes & lenti velutiq; somniculosi, in quæ flagitia prolabi, & in qua fœditate aliquando quasi porcorum genus voluntari cernuntur? Ad quæ omnia ab istis maleficis spiritib. naturæ quædam constitutio, & materiæ in primo ortu veluti coagmentatio assumitur, pro eo atq; in hoc sanguinis fluxio liquidior est, in illo bilis flava copiosior, in altero atra abundantior, in vno quopiam pituita tenacior. Vnde ad elationem superbiæ, ad libidinum flammæ, ad iracundiæ furores, ad luxuriæ dissolutionem, ad socordiæ negligentiam data occasione, opus, ita consentiente voluntatis prauitate cum spiritus mali artificio, facile efficitur. Quia sunt autem animorum duo præcipua discrimina, vnum magnorum & excellentium, paruorum & humilium alterum: In hoc genere peccata communia ferè designantur, & sunt delicta mediocria, avaritiæ sordes, aut contra, indiligentia atq; profusio, procliuitas ad iucunda, vt secundum subulcum Homericum habeant homines:

Quod comedantq; bibantq;

D 5

Et vt

Et vt ait Latinus poëta,

Viuant in amore iocisq;

Deniq; ea, quæ Comœdia ob oculos
ponit. Magnæ autem naturæ & ingenia
alta, honorum imperijq; & potentia
cupiditatibus flagrantia, aggredi & pa-
trare audent atrociora, secundum hoc:
Maiores mihi moles, maius miscendum est malum.
Et similia, quibus Tragœdiæ sunt re-
fertæ. Iam in ijs, quorum ad feritatem
quandam humanæ naturæ modus de-
tortus est, perspicuè cernitur vis exter-
na quædam peruertens rationem, &
ad immanitatem animos adigens, vt
in Thyesteis epulis, & fraude mortife-
ra Antiæ & Phædræ. Et tyrannicæ cru-
delitatis facinoribus, qualia Phalari-
dis, Caligulæ, Neronis, Heliogabali
perhibentur, & aliorum complurium,
& superiore ætate cuiusdam dynastæ in
Mysia Dracolæ. Quis autem non in-
telligit? non simpliciter humanam esse
posse vel audaciam ac temeritatem,
vel desperationem & exanimationem
eorum, qui ipsi sibi violentas manus af-
ferunt, quique Respublicas atque ci-
uitates nefarijs consilijs actionibusque
lacerant & euertunt. Idem dici po-
test

PROOEMIUM.

test de ea impuritate, cuius meminisse etiam nefas putatur, & cogitatione pudici erubescunt. Iam corrumpentes veritatem inprimis rerum diuinarum & sanctæ religionis, & huius lucem obscurantes, & commentationibus callidis, & fallacijs argutiarum, nouas absurdasq; opiniones spargentes, & differendo confirmantes, habere humanæ improbitatis magistros, arbitrari nemo debet. Itaque ad talia antiquitas adhibuit Atas, & Furias, & Diras, Et compertum est, ostendisse sese aliquando specie quoq; manifestos Dæmonas, suasores autoresque scelerum capitalium, atque nefariorum, in quibus præ ceteris sectæ, sacrilegia, parricidia, incendia notata sunt, vt cum vnus interitu multorum clades exitiumq; coniungeretur. Cuius generis horribile exemplum cognitum est nostra ætate conflagrationis oppidi, cui nomen Schiltachium, sed sunt & alia quoque in medio. Verum quamuis iusto iudicio Dei æterni istud permittentis fiat, vt quasi aperto Marte, quemadmodum dicitur, homines oppugnet Dæmonum violentia, & hæc terribilis
sit

fit atq; sæua, non minus tamen eiusdem
 Dei æterni animaduersione hoc con-
 cedente, insidiosæ & fraudulentæ ag-
 gressiones illorum, vel magis etiam
 metuendæ sunt, & grauiores plagas
 impingere solent, cum illa vis occupat
 tanquam arcem naturæ humanæ, & in
 suam potestatem ditionemque redigit
 mentem, qui fons est rationis consilio-
 rumq; vnde actiones in hominum vita
 omnes manant. Quàm enim est mise-
 rum & deplorandum accidere hoc,
 quod ex Tragœdia affertur? Vt læden-
 te & urgente aliquem Dæmonum ira:
*Primum omnium ex animo auferatur sanitas
 Mentis bonæ, in prauam hac versa sententiam,
 Peccare sese vt ipse non intelligat.*

Hæc enim exitiosa est peruersitas, aut
 ruere contemptu atque contumacia in
 peccatis, aut astutam malitiæ ad hæc
 quasi fulcienda defensionem adhibere.
 Itaq; prisca religiosæ pietatis consue-
 tudo, non solum in ijs efficacem perhi-
 buit esse vim dæmonum, (Græco hos
 verbo ἐννοεῖς appellarunt) qui fu-
 rore bacchantes insidentiū in sese dæ-
 monum stimulis manifestè concitaren-
 tur, sed in patrantibus quoq; & excer-
 centibus

P R O O E M I V M.

centibus ea, quæ religiosæ pietatis vñus
& Christiani nominis sanctitas auerfa-
tur atq; damnât. Verùm de his, si quis
ea explanare vellet, alia atq; noua or-
dienda esset oratio. Et nos iam extra
propositum excessimus, & fuimus ver-
bosiores quàm in præsentia debere-
mus. Vt igitur ad rem reuertamur :
Tuæ, Albine Adriane, narrationes, illas
cogitationes, quas exposui, commo-
uerunt, easq; vt scripto complecterer,
ne quasi euanescerent, cùm alia me im-
pulerunt, tum quod eas ipsas abs te le-
gendo cognosci cuperem. Recordatus
autem inter ista fui disputationũ qua-
rundam huc magnopere pertinentium
Plutarchi Cheronensis viri docti, & va-
ria multipliceque rerum præcipuarum
scientia instructi, compræhensarum
potiss. libellis tribus. Vno cuius titulus
est de Iside & Osiride (quem in latinũ
sermonem conuersum esse his diebus
proximis primũ audiuius,) Altero
de oraculis quæ defecissent, & tertio
de consecrata figura EI Delphis. Ego
quidem cœperam illum de oraculorũ
defectu, in latinũ ipse quoq; vertere, &
magno labore ppter exēpla cùm men-
dosa

dosa tum mutila, iam interpretatione mea dimidiatum libellum confeceram, cum amici eundem hunc ab Adriano Turnebo conuersum afferunt. Repressi statim calamum, & manum sustuli, & auidè percurri Turnebiana, illustrata etiā præclara appendice. Atq; fuit mihi inter alia hoc periucundū, quod vtriusque nostrum coniecturas & rationes in plurimis easdem fuisse perspiciebā. De opera autem interpretationis illius, nō est opus à me dici aliquid. Cum iam pridem ea celebritas sapientiæ, doctrinæ, eruditionis Turnebi, vt prædicatione altera nequaquā indigeat, & bonarum artium ipse sit Princeps, de quo hoc posse videor verè commemorare, quod de fratre suo Comicus adolescens ait : *Nunquam ita magnificè quicquā dicam, id virtus quin superet ipsius.* Sed hoc iam nō agitur. Curauimus autē iterum apud nos modò exprimendā interpretationē istam Turnebi, quòd exempla non facillè reperirentur, & addidimus nostram de illa Delphica figura, luctati quidē non leuiter cum plerisq; locis, nōtam per se ad intelligendū difficilibus, quàm propter menda & librariorum errata obscuris,

P R O O E M I V M.

scuris, vnde esset tamen aliquid eruendum & pferendum. Recordor autē me audijsse ex magistro meo Ricardo Croco Britano, qui quosdā libellos Plutarchi explicare nobis pueris solebat, editioni illi scriptorum Plutarchi in officina Manutiana præfectum Cretensem quendam Demetriū, qui videret vt illa ab operis diligenter & accuratè exprimerentur: Eum igitur audire memini Crocum narrantem, maxima cum negligentia atq; incuria prouinciam istam gessisse, hominem neq; laboriosum, & leuiusculum. Ad id tum vt puer (annus enim iam à Croci disciplina ætatis meæ agitur quadragesimus octauus) non admodum animum reuocaui, vt cogitarem quale esset, sed postea nimis verum esse cum indignatione legens scripta illa comperi: Neq; temere esse aut falsò à Croco dictum, vel ex epistola, quam Demetrius iste præposuit libro edito, depræhendi, Est enim illa mendosè expressa. Quis autem suspicari possit secundum Epigramma Græcū?

κακὸς κεραιμύχον ἀνδρα
τοῖς ἰδίοις ἔθ' ὡς ἐν ἐν ἀλλοτρίοις.

Sed de his satis, quæ cum in mentem

tem mihi ista scribenti venissent, non volui omittere. Quod autem ad rem ipsam attinet, habes, Adriane Albine, meam sententiam de ijs, quæ & tractata sunt sermonibus nostris te præsentem, & his Plutarchi libellis disputantur, habes operam quoq; interpretationis. Quibus quædam notatione animaduersioneq; & consideratione liberali digna adieciimus. Quæ omnia tibi grata acceptaq; futura esse viro ei, qui sapientiam erudita doctrina vel comparandam vel augendam putasset, certò scio, alios, si qui illa fortè legerint eruditi & docti, confido studium diligentia meæ non esse improbaturos. Sed nunc deinceps Plutarchi scripta legendo cognoscantur, prius quidem Adriano Turnebo, posterius verò me interprete. Et illud vt omnibus, quemadmodum dicitur, numeris absolutum, hoc nostrum vt non prorsus contemnendum atq; vulgare, neq; etiam, vt dicam aliquid gloriosius, numerandum in multis. De quo tamen & tuum & aliorum iudiciũ futurũ est, & esse debet, neq; me plura addere oportet. Hoc igitur ea, quæ præfari visum est, sine cõcludantur.

PLVTARCHI

CHÆRONEI DE

ORACVLORVM DEFE-

ctu Liber , Ab

ADRIANO TVRNEBO

LATINITATE DONATVS,

& annotationibus quibusdam

illustratus.

ILLVSTRISSIMO

CARDINALI CAROLO

Lotharingo , Adrianus Turnebus

S. P. D.

NVllius ferè rei, Cardinalis illustris. homines maiore studio & cupiditate ducuntur, quàm futura præfagiendi : humanusque animus , cum præterita recordando complectatur , præsentia sensu vsurpet , augurio etiam posterum & consequens prænoscere conatur. Sed verendum est, ne, quemadmodum hominibus immortalitatis irritum desiderium est, (ea enim conditione nati sunt vt moriantur) ita præfensionem istam & præfagitionem falso sibi promittant, cum sine Dei beneficio, quod ante pedes est, vix videre possint. Ea certè res magnæ fraudi est & hominib. & religioni, cum

E

homi-

2
homines improbi partim quæstu capti, par-
tim, vt credo, malorum geniorum furijs
agitati, nostra illa futuri auiditate ad artificia
diuinationum condenda abutantur, non
humanis tantum legibus interdicta, verum
etiam sacris effatis improbata. Nec verò
cessat nefarius ille genius errorem propa-
gare, sed se interponit, & partes suas dili-
genter agit, infinita q̃ genera diuinandi &
vaticinandi suggerit, & vel noua excogitat,
vel vetera renouat, vt illo errore implicati
nec Deum agnoscamus, nec colamus. Ita-
que quis non ægerrimè ferat eas tenebras
olim salutaris Euangelij luce fugatas, ac tot
sæculis intermortuas, hoc potissimum tem-
pore reuiuiscere? Quis enim non hodie
plus prope fidei mathematicis & Chaldæ-
is, quam sacris libris habet? Quis non ex
hora sua seriem euentorum suorum trahi
putat, & rectè facta ac vitia sideribus potius
quàm sibi ascribit? Quinetiam, quod om-
nem impietatem superat, eò progressus est
cuiusdam vesanus & sceleratus furor, vt ho-
ram natalitiam Seruatoris nostri describe-
ret, & eum siderib. subijceret, cuius numini
non modò sola terrarum, verum etiam re-
rum summa paret. Nos tamen ita dormita-
mus & stupeamus, vt eiusmodi scelera impu-
nita dimittamus, quæ si saperemus, acerrimè
vindican-
da erant. Quanquam si quid
vntquam veri prædicerent, ac non omnia
impu-

impudenter mentirentur, ignosci nobis posset, qui eos ferremus : nunc cum ita è mendacio toti concreti sint, vt prodigij simile esse videatur, si quid aliquando veri eis excidat, quid causæ dicemus, cur eos consuli sinamus? Liquet mihi iurare, de Syluio, quo & quanto viro, dij immortales? audiuisse me, non magis fidem astrologis istis habendam, quàm hominibus vanissimis & fallacissimis esse. Vt enim, mihi dicebat, semel statuas, quantum eis tribuere debeas, quid dicam attende. Tantum abest, vt natio ista hominũ euenta vitæ prædicere queat, vt ne de anni quidẽ constitutione & habitu, qui tamen certiores habet vices, ad verum decernere quicquam possit, præter ea quæ vel idiotis nota sunt. Nam præter quadripartitas anni commutationes omnib. notas, non dubitem reliquarũ prope rerũ præfensionem eis detrahare. Sæpenuerò quo fidem artis illius experirer, statim anni initio in ephemeride, vbi pluuium illi scribebant, ego sudum notaui : vbi illi tranquillum, ego ventosum : vbi illi serenum, ego nubilũ : & euentum obseruaui, annoq; vertente sumina feci vtriusq; prædictionis, ac me multis partib. meliorem & certiozem astrologũ reperi: vt scias qualis illa sit ars, quam qui negligat & irrideat, artifex propemodũ videri queat. Mihi quidem, Illustriss. Cardinalis, mirum esse videtur, quenquam hodie eorum esse,

qui post anni superioris prædictiones, cui similem ætas nostra non vidit, frontem suam hominibus ostendere ausit. Totus eius anni status eluiones & inundationes habuit: assiduis imbribus agri natarunt: segetes partim mersæ interierunt, partim in pabulum eluxuriarunt: vix anni humore & frigore non maturuerunt. nihil horum ante exitum astrologi viderunt. Nihilò spectatior eorum hoc anno fides fuit, qui siccitate exuperat, vt ille humore redundauit: ac, vt opinor, ne inducias quidem hodie haberemus, nisi sæuissimum nobis bellum essent in hunc annum minati. Hæc ego breuiter disserui contra eam diuinationem, quam hodie maxime vigere intelligo: alia etiam infinita diuinandi genera, ridicula, superstitiosa, anilia, inepta, antiqui susceperant, quorum vanitas vetustate euauuit, à stultis quibusdam hodie reuocatur. Vnum ex ijs erat in oraculis positum, magna diuinitatis opinione, cum in ijs deorum oratio inesse putaretur. Atqui ea non deorum, sed vel dæmonum, vel impostorum, vt Eusebius ait, oratio erat, ad hominum captionem & fraudem fallaciter comparata. Proinde oracula quoq; tandem extabuerunt, & magnam hominibus eruditibus, in ijsq; Plutarcho, quæstionem attulerunt, quænam caussa ea deleuisset: alijsque ferè iam tacentibus, Ciceronis ætate Pythium, quod omnium celeberrimum & clarissimum

rissimum fuerat, iam diu minori dignitate & gloria erat: & , vt Satyra loquitur, Delphis oracula cessabant. Postremò religione Christiana Constantini pietate propagata, clausisq; gentium templis, Apolline ex adyto extracto, in totum ambigua illa & flexiliorum qua oracula siluerunt, & illud venerabile gentibus Apollinis simulachrum Delphis deuectum, ludibrio expositum, Constantinopoli in hippodromo iacuit. Quamobrem nos omnia diuinationis genera, quæ sacris effatis recepta non sunt, improbemus, & vel hominum calliditate, vel dæmonum scelere reperta censeamus, nobisq; gratulemur, qui diuinitus edocti, multo plus hîc videmus, quàm doctissimus Plutarchus, qui vix exilem lucem dispicit in ista de oraculorum defectu disputatione, quàm à me è Græco in Latinum conuersam, tibi nuncupauit, Card. Illustriss. qui in hoc orbis terrarum gymnasio, litterarumq; domicilio, ingenuam doctrinam, humanitatisq; artes, musarum patronus hac tempestate solus foues atque sustines, vt de te canere illud merito debeamus:

*Et spes & ratio studiorum es Carole tantum:
Solutus enim tristes hac tempestate Camænas
Respexisti.*

Nam absque te foret, de illis actum esset, & florentissimum hoc regnum ea gloria care-

ret. Homines enim nonnulli, boni illi quidem, sed malè nati & peius instituti, supercilij seueritate & ordinis auctoritate freti, odium in bonas literas conceptum intimis pectoribus fouentes, clandestinas insusurrant calumnias, quibus tu nunquam aures patefecisti. Debebunt hoc tibi Camœnæ, quod hinc profugæ non exulabunt, nec nouas sedes quærere cogentur. Tu è regio stemmatè sanguinem ducis, multæq; victoriæ & trophæa claras maiorum tuorum imagines nobilitant & insigniunt, non erit tamen indecorum generi vestro istam defenfarum litterarum

Inter victrices hederam tibi serpere lauros.

V A L E.

P L V.

PLVTARCHI CHAE-

RONEI DE DEFECTV

Oraculorum Liber.

ADRIANO TVRNEBO

interprete.

Aquilas quasdam, Prisce Terenti, vel olores, ab vltimis terrarum oris fabulantur mediterranea petentes, eòdem Pythia conuolasse, qua vmbilicus dicitur. Quodam postea tempore ferunt Epimenidem Phæstium, cum apud Deum eam fabulam reprehenderet, oraculumq; obscurum et ambiguum accepisset, dixisse:

Non est vmblicus quisquam terrarum marisque:

Sed si quis, notus Dijs, haud mortalibus vllis.

Ergo eum merita poena Deus multauit, qui fabule priscae, tanquam tabula picta, manus adferebat. Paulò autem ante Pythia, quæ magistratu Callistrati commissæ sunt, nostra memoria à contrarijs orbis terrarum extremitatibus viri duo sancti Delphos conuenère, Demetrius Grammaticus domum cupiens, è Britanniaq; Tarsum repetens, & Cleombrotus Lacedæmonius diu in Aegypto & Troglodytica terra peregrinatus, & longè in rubrum mare nauigatione prouectus, non mercaturis faciendis, sed visendi, claritatisq; paranda studio. Nam vir locuples & copio-

E 3 sus,

sus, nec rem familiarem, quod larga foret, pro
 magno habens, otium ijs in rebus ponebat, histo-
 riamq; colligebat, tanquam materiam Philoso-
 phia, quæ Theologiam, ut ipse vocabat, finem
 sibi propositum haberet. Is nuper ad Ammonem
 profectus, cetera haud sanè admiratus esse ma-
 gnopere videbatur: verum de lucerna perpetua,
 rem attentione dignam à sacerdotibus narrari
 memorabat. Nam omnibus deinceps annis mi-
 norem olei consumptionem esse dicebat, & illos
 ex eo augurari annorum inaequabilem varia-
 tem, quæ posterum arctioribus quàm antegres-
 sum temporis angustijs includat. esse enim con-
 sentaneum minori spacio minus consumi. Hic
 omnibus, qui praesentes aderant, obstupescit,
 cum Demetrius ridiculum esse iactaret, minutis
 è rebus tam magna inuestigare, non, ut inquit
 Alcaeus, ex vnguibus leonem pingentes, sed è
 scirpo & lucerna celum & rerum summam im-
 mutantes, & mathematicorum scientiam fun-
 ditus euertentes: Tum Cleombrotus, Nihil, in-
 quit, horum viros illos commouerit, nec subtili-
 tate & accuratatione mathematicis cesserint,
 quos, in tanta praesertim motuum & conuersio-
 num longinquitate, tempus facilius effugerit,
 quàm ipsos olei modus fefellerit, quem semper
 ex rei prodigio, & euentu insolito perdiligenter
 obseruant. Non concedere autem, Demetri,

parua

parua sæpenumerò rerum magnarum indicia
 esse, multis artibus officit, cum præsertim rerum
 multarum demonstrationes hinc, prædictionesq;
 tollantur. Atqui cum apud Homerum nouacula
 legis, haudquaquam exiguum est, quod
 argumentamini, heroas olim corpus nouacula
 leuasse: sed et pecuniam eos fœnerasse, quia quo-
 dam loco nomen deberi haudquaquam paruum
 ve recens ve dixerit: proinde quasi debendi,
 quod est deberi, augeri significet. Quid quod
 cum Solis, id est, citam dicit noctem, perliben-
 ter vocabulo adhaeretis, & ab eo significari dici-
 tis terra vmbra à globofo corpore meta forma
 fastigiatam reddi? Quis porro ex eorum nume-
 ro, qui parua rerum magnarum signa negant esse,
 medicinam sinet ex araneorum multitudine, &
 vernis fici frondibus cornicis pedem referentibus,
 astatim præfagire pestilentiam? Quis feret, vt ad
 aqua congium vel heminam Solis magnitudinem
 metiamur? Quis postremò patietur illum later-
 culum, cuius angulus acutus ad planitiem incli-
 natus, elationis illius mensura esse dicitur, qua
 vertex, qui semper apparet, ab orbe finiente
 eleuatur? Hæc ab Ammonis flaminibus licebat
 audire. Itaq; alia quedam in eos dicamus, si vo-
 lumus solis, more institutoq; patrio, receptas vi-
 ces, immutabiles ratasq; reddere. Coram ergo
 philosophus Ammonius exclamauit, ne Solis tan-

tum, verum etiam vniuersi celi diceret, cum sit
 necesse spatium lustrationis à brumali reuersione
 ad solstitium contrahi, nec iam tantam esse fini-
 entis orbis partem, quantam Mathematici pra-
 dicant, sed semper ad Boream minui, cum Au-
 stralis pars in angustum adducatur: ætatem
 etiam nobis breuiorem & frigidiorē esse, cum
 interius se ipse Sol inflectat, & grandioribus cir-
 cinationibus puncta reuersionis attingat. Iam
 verò Syenæ Solis vmbilicos, quos Græci *ὑπόμω-
 ρας* vocant, sine vmbra solstitiali die non videri:
 sed è stellis inerrantibus multas, interualli inop-
 tia, sub alias successisse, quasdam inter se conti-
 nuatas & confusas esse. Quod si dicant in pari
 reliquorum constantia, Solis vnius cursum erra-
 re, ne causam quidem istius accelerationis ex
 tot sideribus in vno Sole commemorare pote-
 runt, multarumq; rerum, quæ sub oculos ca-
 idunt, perturbatio consequetur: eiusq; inprimis
 cum Luna vicissitudines non respondebunt, vt
 nihil olei mensura ad dissimilitudinem coarguen-
 dam egeamus. Nam id defectiones ostendent,
 cum & ipse in Lunam sæpè incidat, & Luna
 vicissim in vmbra terræ: nec sanè pluribus
 sermonis illius vanitas euoluenda est. Antiqui
 Cleombrotus, Mensuram, inquit, his oculis vi-
 di: multa enim monstrabant: ac anni modus non
 parum ab antiquis aberat. Suscipit iterum Am-
 monius,

monius, & , Istuccine, inquit , reliquos tandem
 mortales latuit , apud quos ignis colitur , im-
 menso propè tempore seruatur ? Quòd si quis id
 verum esse statuatur , nonne satius obsecro fuerit ,
 alicui frigori aeris aut humori caussam ascribe-
 re , Quo ignis extabescens multum alimenti neq;
 conficiat , neq; requirat , aut contra siccitati vel
 calori ? Equidem audiui , qui dicerent , ignem
 hyeme , appulsu frigoris in se collectum atq; den-
 satum , aucto robore acrius , ardere : ipso contra
 aestu remissum imbecillitate quadam & infirmi-
 tate languere , ac si in Sole accendatur , maligni-
 us depasce , lignumq; molliter libare , & lentius
 consumere . Accedit quòd huius rei caussa oleo
 vel maxime attribuenda esse videatur , cum in-
 credibile non sit olim è nouella stirpe expressum ,
 minus alimenti , aqua plus habuisse , postea tem-
 pestiua maturitate è iusta perfectaq; arbore na-
 tum , valentius ex modo pari fuisse , & vberius
 aluisse . Sic apud Ammonios oportuit rem illam ,
 quamuis admirabilem & prodigij similem , de-
 fendi . Cum finem fecisset Ammonius , hic ego ,
 Quintu, inquam , Cleombrote , de oraculo nobis
 potius explicas : nam olim permagna fuit illic
 diuinitatis opinio : nunc exolescere quodam mo-
 do videtur . Hic tacente Cleombroto , terramq;
 intuentem , Demetrius , Nihil , inquit , opus est de
 illo percontari , atq; querere , cum hic oracula
 prater

præter vnum aut alterum omnia obscurata esse, defecisseq; videamus. Verum illud potius videndum, quanam causa sic ea debilitauerit. Atque alia quidem quid commemorare opus est, cum Bœotiam olim, quod ad oracula attinet, tam vocalem, hoc tempore oracula tanquam latices deseruerint, & magna diuinationis siccitas squalorq; regionem occuparit? nusquam enim nisi Lebadea, Bœotia desiderantibus diuinationis haustum suppeditat. Reliqua vel silentium, vel immanis solitudo inuasit. Attamen temporibus Medicis, non minus florebat Amphiarai oraculum: atq; vtriusq; fidem experti sumus. Nam apud Lebadiam operti Vates lingua Aeolica vti solitus, ita Barbaris oraculum edidit, ut nemo sanctorum religiosorumq; virorum intelligeret: diuini furoris afflatum ad Barbaros non pertinere: eos audientem dicto Græcam vocem habere non posse. Missus autem ad Amphiaræum seruus, secundum quietem visus est Dei ministrum videre, à quo primum, ut Deo non presente, voce pelleretur, deinde manibus extruderetur: postremo cum restitaret, grandi saxo in capite feriretur: quæ quidem tanquam futurorum obnuntiationes fuerunt. Nam Mardonius victus est non à Rege, sed à tutore administratoreq; Regio Græcorum duce: & lapide ictus, ut in somnis Lydus cadi se viderat, occubuit. Illa quoq;

tempe-

tempestate Tegyris oraculum florebat, vbi Apollinem etiam natum esse tradunt: riuig³ duo praterlabuntur, quorum vnus palma, alter olua, hodieq³, vt nonnulli pradicant, vocatur: Ac sane Medico bello, Echecrate antistite, victoriam bellig³, decus penes Gracos fore illic Deus respondit. Bello autem Peloponnesiaco, Delijs insula eiectis, allatam ferunt Delphis sortem, qua iuberet, locum, vbi natus esset Apollo, requirerent, & sacra quadam facerent. Hic admiratione percussis, rogantibusq³, an non apud ipsos, verum alibi vsquam Deus natus esset, Pythiam denudò respondisse, Cornicem locum ipsis indicaturam. Illos igitur abeuntes Charoneam petisse, cauponamq³, forte audiuisse quandam cum peregrinis Tegyras proficiscentibus, de oraculo colloquentem: qui cum in discessu mulierem consalutassent, Cornicemq³, quod eius erat nomen, vocassent, oraculum intellexisse, Tegyrisq³, operatos sacris non multò post restitutionem obtinuisse. Sed & recentiores his extiterunt illorum oraculorum claritates, cum planè hodie defecerint, vt mutationis causam non sit indignum apud Pythium ipsum querere. Iam à fano paululum progressi, ad fores conciliabuli Gnidiorum veneramus. Ingressi amicos, ad quos ibamus, sedentes, nosq³, expectantes offendimus: & ab alijs, quòd ea esset diei hora, silentium erat, cum vel

vnge-

vngerentur, vel athletas spectarent. Tum Demetrius renidens, Mentiar, inquit, an verum magis proloquar, nullam mihi magnopere viduum memorabilem questionem in manibus habere. Nam magna cum animi remissione vultusq; hilaritate vos sedere conspicio. Hic Megarensis Heracleon: Non enim, inquit, querimus, verbum βαδδω, quod est, iacio, vtrum Lambda de duobus in futuro amittat: nec à quibus nominibus simplicibus peius & melius, pessime & optime formentur. Hac enim & his similia vultum adducunt & contrahunt: de reliquis licet immoto supercilio, leni, non truci obtutu, non insensos ijs qui assint, philosophari atque quærere. Nos ergo, Demetrius, sessum, inquit, recipite, & nobiscum disputationem accipite; quæ nobis incidit, tum huius loci propria; tum verò quæ Dei causa omnes attingat. Sed ne in differendo supercilia ducatis, etiam atq; etiam videte. Vt igitur consedimus, & Demetrius questionem in medio proposuit, Didymus Cynicus, cognomento Planetiades, id est, erro, continuo exiliens, terra bis aut ter baculo percussa, Eheu, ehheu, exclamans, Enimvero rem, inquit, disceptatu difficilem, & magna conquestionis indigentem nobis affertis. Scilicet mirandum est tanta prauitate suffusa, si non solum pudor & nemesi, vt Hesiodus cecinit, vitam hominum reliquerunt,

querunt, verum etiam Deorum providentia ora-
 culis, tanquam vasis collectis, hinc aufugit. Quin
 contra questionem vobis ponam, cur non quoq;
 defecerint, nec iterum Hercules aut alius aliquis
 Deus Cortinam fœdis & impijs oppletam inter-
 rogationibus, quas à Deo percunctantur, sub-
 duxerit. Alij enim vt Sophistam tentant, alij de
 thesauro, hereditate, incestis nuptijs interro-
 gant: vt manifestò conuictus Pythagoras tenea-
 tur, qui tum denique longè optimos homines
 fieri dicebat, cum ad Deos accederent. ac vide-
 licet honestum erat, cum animi morbos & per-
 turbationes coram seniore vel negares, vel obte-
 geres, ea tamen vltro ad Deum nuda & aperta
 deferre. Cum is plura pararet, Heracleon lici-
 nia palij eum prehendit: & ego, qui omnium ei
 ferè familiarissimus eram, Desine, inquam, cha-
 re Planetiade, Deum irritare: iracundus enim
 est, minimeq; lenis. summè tamen propitium se
 mortalibus præbere, vt Pindarus ait, damnatus
 est: ac siue Sol est, siue Solis dominus & pa-
 rens vltra omnem aspectabilem naturam, eum
 non est verisimile, hoc tempore homines voce
 sua dedignari, quibus auctor sit ortus, victus,
 status, sensus: nec verisimile est providentiam,
 qua vt benigna & indulgens mater omnia nostra
 causa paret atque conseruet, in sola diuinatione
 iniquam & maleuolam esse, vt eam, quam initio
 dona-

donauerit, adimat : proinde quasi tum in maiore hominum frequentia, non maior quoq, improborum turba esset, cum multifariam in terris oracula extarent. Hic igitur rursum, sede sis, & cum vitio, quod semper oratione insectaris, Pythicas pactus inducias, aliam nobiscum causam defectus oraculorum exquire, Deumq, bona cum gratia beneuolum & placatum retine. Ista locutus, eatenus profeci, vt Planetiades foribus egrederetur tacitus. Secuto deinde aliquandiu silentio, Ammonius me compellans, Vide sis, inquit, Lampria, quid agamus, & ades animo, vt ne Deum ab huius rei causa remoueamus. Nam qui alia aliqua vi, non Dei numine oblitterata oracula defecisse putat, is profecto assert, vt ea nec extitisse, nec esse Deo auctore, sed alio quodam modo suspicemur. Non enim alia vlla fuerit vel superior vel praestantior vis, qua diuinationem, Dei praesertim opus, euertere ac delere possit. Nec vero mihi Planetiadis oratio probatur, cum ob alia, tum quod inconstantiam in Deo ponit, quem nunc auersantem & aspernantem vitia, nunc admittentem & fouentem facit : perinde ac si rex aliquis aut tyrannus improbos alijs foribus excluderet, alijs intromitteret, cum ijsq, colloqueretur. Sed cum opus id demum sit e Deorum dignitate, quod amplissimum, quod expletum, quod nusquam superuacaneum,

caneum, quod ubiq³ sit satis, si quis hoc posito dicat communis hominum infrequentia, quam superiores seditiones & bella in orbem terrarum inuexerunt, maximam partem sensisse Graciam, vix vt hodie tria millia militum armare vniuersa possit, quot olim ad Plateas vna Megarensium ciuitas miserit: ac si quis interpretetur, nihil aliud esse multa deserui a Deo oracula, quam solitudinem Gracia coargui, equidem ei plus satis orationis suppeditare possum. Quid enim commodi asferret oraculum, quod olim Tegyria & Ptoi vigeat, vbi interdum hominem inuenires pecus pascentem? Nam et hoc Apollinis opertum tempore vetustissimum, fama illustrissimum narrant a Dracone foemina bellua dira obsessum, diu desertum, hominibusq³ interclusum fuisse, vastitatem non recte, sed praepostere interpretantes. Solitudo enim potius belluam illexerat, quam bellua solitudinem fecerat. Posteaquam Deo visum est, vt Gracia conditis vrbib. conualesceret, locusq³ hominum multitudine frequentaretur, duabus vti coeperunt antistitis vicissim descenditibus, tertia tanquam supernumeraria designabatur. Nunc sacerdos est vnica, nec conquerimur, cum sit vna consulentibus satis. Neq³ vero Deus ipse culpandus est, cum quod diuinationis adhuc superest, omnium desiderio satisfaciat, absolutosq³ domum dimittat. Quemadmo-

dum ergo nouem pracones adhibebat Agamemnon, vixq; concionem hominum turba tumultuantem continebat : hic autem paucis post diebus vocem vnā ad omnes permanantem videbitis : sic pluribus tum vocibus plures alloquebatur diuinationio. Nunc verò contrā mirari potius conueniret, si Deus diuinationem inutiliter aqua more labi sineret, aut, vt saxa & cautes, pastorum & pecudum voci in solitudine resonantem obstrepere permitteret. Quā cū Ammonius dixisset, & silerem, Cleombrotus me appellans : Ita ne tu, inquit, istorum oraculorum Deum concedis & conditorem & euerforem esse ? Minime verò, inquam : nullum enim opertum, nullum oraculum auctore Deo deleri praedico : sed quemadmodum cū alia plurima ad nostrum commodum, opportunitatemq; moliat, & pareret, quibusdam tamen interitum labemq; natura affert : immò verò materia ipsa, quae labes est quaedam & priuatio, fugitans saepenumero soluit, quod praestantior caussa coagmentauit : sic fatidicas ipsas potestates arbitror aliunde obfcurari & extinguī, Deo multa, eaq; praclara hominibus largiente, immortale tamen nihil : adeo vt, quod Sophocles scribit, quae à Deo proficiuntur, omnia moriantur, non Deus. Earum autem rerum naturam atque vim censeam non incallidos natura & materia inter-

pretes

pretes ita inuestigare debere, vt Deo tamen,
 quod equum est, principium seruetur. Per enim
 ineptum sit & puerile, Deum ipsum existimare,
 velut engastrimythos, id est, genios e ventre
 hariolantes, quos olim Eurycleas vocabant,
 nunc Pythonas dicunt, in vatum se corpora con-
 dentem, eorum ore & voce, ceu instrumentis,
 vtentem profari. Nam qui Deum negotijs hu-
 manis interponit, eius amplitudini non parcit,
 maiestatem virtutisq; magnificentiam eius non
 tuetur. Tum Cleombrotus: Rectè tu quidem,
 inquit: sed quoniam perdifficilis est explicatio
 & præscriptio, quemadmodum & quatenus pro-
 uidentia sit adhibenda, idcirco & qui nullius
 omnino rei auctorem Deum, & qui vniuerso-
 rum dicunt, vtrique à mediocritate & decoro
 aberrant. Scitum quidem est, quod nonnulli præ-
 dicant, ex inuentione elementi, qualitatibus quæ
 gignuntur, subiecti, quod tum materiam, tum
 naturam appellant, à Platone philosophos ma-
 gnis et multis difficultatib. esse liberatos: sed mihi
 maiores & plures dubitationes ac scrupulos exe-
 misse videntur, qui Dæmonū (Latine Lares aut
 Genij dicuntur) genus inter homines et Deos in-
 teriectū, qui quodam modo societate nostram in
 vnum concilient atq; coniungant, inuenere: siue
 magorum & Zoroastris istud inuentum est, siue
 ad Thraces ab Orpheo manauit, siue Aegyptiorū
 fuit,

fuit, siue Phrygum, vt ex vtrorum initijs conij-
 cimus, in quibus sacrorum ceremonias & ritus
 admixtum nescio quid mortale & luctuosum pra-
 se ferre videmus. Ac de Gracis quidem Homerus
 promiscuè nominibus vti videtur, & Deo non-
 nunquam Damonum vocabulo afficere. Hesiodus
 autem princeps dilucide & distinctè quatuor ge-
 nera animantium ratione präditorum explica-
 uit: Primum Deos, innox Damonas multos &
 bonos, deinde Heroas: postremo homines, vnde
 mutationem ducere videtur, aurei quidem gene-
 ris in Damonas multos bonosq̃, semideis in he-
 roum partem secretis. Alij non aliter ac in cor-
 poribus, mutationes in animis cieri & effici di-
 cunt: vt quemadmodum ex terra humorem, ex
 humore animam, ex anima ignem materia supe-
 ra capeffente generari cernimus: sic ex hominib.
 in heroas præstantiores animi, ex heroib. in Da-
 monas mutantur: ex demonibus autem animi
 perquam pauci, virtutis ope, longa temporis diu-
 turnitate prorsus expurgati, diuinitatem conse-
 quantur. Nonnullis etiam euenit, vt impotes-
 sui, & incontinentes sint, rursusq̃ sese demitten-
 tes, & ad mortalia corpora relabentes, obscu-
 ram & tenebrosam vitam seu exhalationem du-
 cant. Quinetiam Hesiodus censet certis tempo-
 rum curriculum Damonas interire. Nam in per-
 sona Naidis, etiam tempus illud significans ait,

Terna

*Terna virescentium ter vincere garrula cornix
Secula virum iusto viuendi limite fertur :*

*Et quater egreditur cornicis secula ceruus :
Alipedem ceruum ter vincit coruus , at illum
Multiplicat nouies Phœnix , Iouis alma pro-*

pago,

*Quem decies vestro Nympha praeuertitis aeo.
Temporis huius immensam summam conficiunt ,
qui seculum perperam accipiunt , cum sit annus ,
vt si in assem colligas , nouies mille septingenti
viginti anni Daemonum vita tribuendi sint : vt
mathematicorum plurimi summam aui mino-
rem censeant : maiorem , ne Pindarus quidem
dicat , quia equali arborum & confatali aui fine
canit nymphas frui , ac proinde Hamadryadas
eas appellat. Eo adhuc loquente sermonem susci-
piens Demetrius , Ecquonam tu tandem , inquit ,
pacto , Cleombrote , hominis seculum annum esse
dictum arbitraris ? neq₃ enim virescentis , neq₃ se-
nescentis , vt quidam in Hesiodo legunt , tempus
hominis tantulum est. Sed qui virescentum le-
gunt , seculum de Heracliti sententia , triginta
annis definiunt : quo quidem spatio parens , quem
procreauit , ad generandum idoneum exhibet :
contra qui senescentum , non virescentum scri-
bunt , seculo octo & centum annos tribuunt :
nam quinquaginta quatuor annos , dimidiatam
hominis vitam , compositos esse ex vnitatem , pri-*

mis duobus planis, duobus quadratis, duab. tessellis, quos etiam numeros ad animi procreationem Plato adhibuit. Ac sanè videtur id ab Hesiodo per anigma ad significationem exustionis dici: quo tempore verisimile est Nymphas cupi humore perituras esse,

queis & saltus habitantur amœni,

Et fluuiialis aqua fontes, atq; herbida prata. Et Cleombrotus: Equidem ista de multis, inquit, audio, & planè Stoicam deflagrationem, vt Heracleti & Orphei monimenta, item Hesiodi versus occupasse, & fucum facere intelligo. Sed neq; orbis interitum, quem prædicant, approbo, nec, quæ fieri non possunt, quaq; voces ipsa, maxime tamen cornix & ceruus, admonent, in tantam annorum superlationem excedere patior. At verò annus initium & summam omnium, quæ vel tempora ferunt, vel terra parit, continet, vt non incommode hominis seculum appelletur. Nam & vos hominis vitam, seculum ab Hesiodo appellari fatemini. An non ita est? Et annuente Demetrio: At qui istud quoq; Cleombrotus, perspicuum, inquit, est, sæpenu-merò mensuram, & ea quæ metimur, eodem vocabulo nuncupari, velut heminam, choenicem, quadrantal, medimnum. Quemadmodum igitur vnitatem, quæ omnium numerorum mensura est minima, & principium, numerum vocamus: sic

annus,

annus, quo primò vitam hominis metimur, quadam nominis societate, & gentilitate eius rei, quam metitur, seculum nominauit. Nam quos illi numeros ponunt, nihil habent, vt in numeris, vsitata claritatis atq; splendoris: at hæc summa nouies mille septingentorum & viginti, compositione ex quatuor numeris iam inde vsq; ab unitate deinceps quater multiplicatis nascitur. Utroq; enim modo quadraginta efficiuntur, quæ quinquies in triangulos redacta, propositam summam absoluunt. Sed nihil nobis necesse est hisce de rebus cum Demetrio digladiari. Nam siue longinuiore, siue breuiore tempore, siue constituto & rato interuallo, siue fortuito & temerario, Demonis animum et Herois vitam Hesiodus immutari censet, quod tamen vult illustri antiquorum auctoritate & testimonio ostendetur, naturas esse quasdam, tanquam in confinio hominum & Deorum interpositas, mortalibus perturbationibus, necessarijsq; mutationibus obnoxias, quas more institutoq; maiorum Demonas existimare, nominare, colere, ius fasq; sit. Cuius rei Xenocrates Platonis sodalis, exemplum posuit triangulos: lateribus æquabili, Deum: inæquabili, homines: cruribus exæquato, Demonas comparans. ille enim est omni ex parte par et æqualis, iste totus vndiq; dispar, hic partim æqualis, partim inæqualis, vt Demonum natura,

qua & mortalium perturbationem, & Deorum potestatem miscet: sed & natura imagines sub sensum cadentes, & similitudines aspectabiles representat, Deorum Solem ac sidera, mortalium fulgores, stellas cincinnatas, faces: quemadmodum Euripides expressit:

Modò hic vigescens corpore, vt celo cadens

Sidus repente extinctus est, & atheris

Efflauit animam per plagas spirabiles.

Mixtum autem corpus, & Daemonum planè simulachrum, Lunam. Itaq; cum erroribus Daemonum, Lunam diminutionibus, accretionibus, mutationibus obnoxiam, consentire viderent, partim astrum terrenum, partim Olympicam tellurem, partim terrestris & celestis Proserpina possessionem appellauerunt. Vt igitur aërem Luna terraq; interfusum, si quis de medio tollat & subtrahat, continuationem & consociationem vniuersitatis labefactarit medijs spatij inanitate & dissolutione: ita qui Daemonum genus non relinquunt, omnem rationem atq; commercium hominum ac Deorum tollunt, cum interpretem, vt ait Plato, naturam & administram remoueant: aut omnia nos miscere & perturbare cogunt, qui Deum affectibus & negotijs humanis adhibeamus, & vt Thessala mulieres Lunam deripere dicuntur, ad hominum vsus detrahamus. Sed illarum calliditas in vulgus mulierum fidem

ex ea

ex eo inuenit, quòd Aglaonice Agetoris filia, si-
 derum perita, vt aiunt, in Luna laboribus semper
 eam fingeret suis veneficijs & cautionib. deduci.
 Nos autem nec eos audiamus, qui diuinationem
 aliquam esse censent numinis expertem, neq; qui
 initia aut orgia vlla à Dijs negligi predicant,
 neq; tamen in ijs Deum versari, interesse, impli-
 cari censeamus, sed quibus ius fasq; est Dcorum
 ministris ea attribuentes, tanquam accensis &
 scribis, Damos quosdam arbitros diuinorum
 sacrorum, & initiorum auspices & auctores,
 alios scelerum grauium & immanium vindices
 terram lustrare putemus: quosdam etiam Hesio-
 dus ritè sanctos, munificos, regale hoc munus ha-
 bentes, appellauit, quod bene mereri regium sit.
 Est enim vt in hominibus, item in Damonibus
 virtutis dissimilitudo: partisq; patibilis & ratio-
 nis expertis, in quibusdam etiamnum obscura &
 exiles reliquiae remanent, ceu excrementū quod-
 dam, in alijs multum reliquiarum inest, quae non
 facile restringi queant: quarum rerum vestigia
 & notas, nonnusquam sacrificia, initia fabulae
 inspersas & insignitas seruant & custodiunt.
 Sed de mysterijs, in quib. significatur, & ex qui-
 bus perspicitur luculentè Damonum veritas, mi-
 hi, vt Herodotus ait, lingua fauendum est: cete-
 rum ferias & sacrificia, tanquam dies, nefasta
 & tristia, in quibus epulae crude, & laniatus,

ieiunia , & planctus , sæpenumerò etiam verborum obscenitates versantur , furoris quoq; & ululatus concitationes cum capitis iactatione , nemini Deorum , sed ad depulsionem malorũ Dæmonum fieri affirmauerim , vt placentur , atque leniantur . Et verò vetusta illa sacrificia humanarum hostiarum , neq; Dijs optanda , neq; grata fuisse verisimile est , nec temere Reges & duces suos dabant liberos , eosq; ipsi mactabant atq; iugulabant : sed vt iracundiam & acerbiteriam dirorum geniorum auerruncarent , atq; satiarent : nonnullorum etiam insanos & tyrannicos amores explerent , qui cum corporibus , & per corpora consuescere , cum neq; possint , neq; velint , vt Hercules amore puellæ captus Oechaliæ obsedit , sic præpotentes , violentiq; Dæmones hominis animum corpore clausum dedi sibi poscentes , cum corporis interuentu eo frui non possint , ciuitatibus pestilentias , & agrorum sterilitates inuehant , bella & seditiones miscant , donec delitijs & amorib. suis potiantur . Nonnulli contrà , vt in Creta diu commoratus animaduerti , vbi quandam feriarum celebrationem sanequam abhorrentem vidi , quibus simulachrum hominis sine capite ostendunt , aiuntq; talem fuisse Molim Merionis patrem , qui cum nymp hæ per vim probrum obtulisset , sine capite sit inuentus . Iam verò quotquot in fabulis & hymnis celebrant , &

canunt

canunt Deorum raptus, errores, latebras, fugas, seruitutes, non Deorum, sed Dæmonum casus sunt, & euenta ex personarum potentia & virtute memorabilia: ac sanè sic dixit Aeschylus:

Et castum Apollinem exulem à celo Deum.

Sic Sophocleus Admetus:

Illum excitabat gallus ad molam meus.

Plurimum autem à vero aberrant Delphorum theologi, qui quidem credunt hîc Deo cum serpente de oraculo certamen fuisse, atq; ista sinunt poetas & Oratores in theatri commissionibus dicere, velut de industria testimonio ea oppugnantes, quæ in religiosissimis sacris faciunt. Hic admirante Philippo (historicus enim ille aderat) & quenam sacra ab eis, qui componerentur in theatro, tanquam testimonio oppugnari putaret, rogante: Enimuerò ea, inquit, quæ ad hoc oraculum pertinent, quibus hac ciuitas ad Tempe vsq; progressa omnes ultra Pylas modò Græcos velut initiauit. Nam & tabernaculum, quod in area excitatur nono quoq; anno, non est latebrosus draconis cubile, sed tyrannica aut regie arcis simulachrum: & tacita in tabernaculum per Doloniam, vt vocant, irruptio, mox pueri patrimi & matrimi cum ardentibus thedis inductio, et tabernaculi succensio, euersioq; mensæ, & celerrima nunquam retrò respicientium et per sani fores se proripientium fuga, postremò pueri

pueri errores & seruitus, eiusq; ad Tempe expiatio, magni cuiusdam sceleris & facinoris suspicionem non carent. Esset enim, mi Philippe, per ridiculum, Apollinem interfecta bellua in Gracia fines ad piacula profugere, ibiq; libationibus quibusdam perfundi, eaq; obire, qua homines Daemonum illorum iracundiam deprecantes, atque placantes, quos Alastoras, id est, quanquam minus aptum videri potest, lemures, & palamnaos, id est, laruas appellant, vt nunquam obliuiscendorum & veterum scelerum atq; fraudum recordatione cruciantes, agere solent. Quod autem aliquando audiui de ista fuga, atq; migratione, est illud quidem abhorrens valde atq; admirabile: sed si quid in ea veri est, ne exiguum esse putemus, nec vulgare facinus, quod tum ad oraculum patratum est. Verum ne, vt est in Empedoclis sententia, differere videar,

Annectens diuersa alijs fastigia summis,

Sermonum nec idem sectans iter: quaso finite vt prima, suo congruentiq; sine concludam. Iam enim ad eum re profligata peruenimus: audemusq; post multos & ipsi dicere Daemonibus, qui opertis & oraculis prepositi sunt, deficientibus, ea pariter deficere: tum autem fugientibus aut demigrantibus, vires oraculorum cessare: deinde longo reuersis interuallo, vt instrumenta sonare, quod presto sint, qui tractent & vtantur.

tur. Cum ista Cleombrotus disseruisset, Hera-
 cleon, Nemo hîc, inquit, superstes adest è pro-
 fanis nec initiatis: nemo, cuius sententia de Dîs
 cum nostra cohærescere non possit: ipsi modo de-
 mus speram, ne inepta & magna principia im-
 prudentes in disputatione posuisse videamur. Et
 Philippus: Rectè tu quidem, inquit: sed cuius te
 tandem maximè eorum, quæ Cleombrotus posu-
 it, pudet ac piget. Hîc Heracleon, Nempe ora-
 culis, inquit, non Deos, quos à rebus terrenis
 immunes & liberos esse decet, sed Damonas
 Deorum ministros præsidere, bellè mihi dici vi-
 detur: verùm Demonibus istis, abruptè propè
 dixerim ex Empedoclis versibus, offensiones, ca-
 lamitates, errationes diuinitus inferre, ad po-
 stemum mortales, vt homines decernere, maio-
 ris aliquando audaciæ & barbariæ existimo. Tam
 Cleombrotus Philippum interrogauit, Ecquis
 adolescens ille, & cuias? auditog; nomine & ci-
 uitate: Minimè verò nos, inquit, imprudentes,
 ô Heracleon, in isto sermone absurdo versamur:
 sed fieri non potest, vt quis in magnis rebus sine
 magnorum institutione principiorum fidem &
 probabilitatem opinione consequatur. Quin tute
 potiùs ipse imprudenter, quod concedis, id tol-
 lis? nam qui esse Damonas fateris, cum tamen
 neq; improbos, neq; mortales esse censeas, iam
 hoc ipso ne Damonas quidem tueris. Quid enim
 inter

inter Deos & Demonas intererit, cum, si naturam spectemus, interitus: si virtutem, perturbationum atq³ peccatorum sint expertes? Cum quid ad hæc Heracleon posset, tacitus secum cogitaret, ad eum Philippus: Atqui maleficq³, inquit, Demonas esse, mi Heracleon, non solum Empedocles scriptum reliquit, verum etiam Plato, Xenocrates, Chrysippus: sed & Democritus, cum salutare & faustas imagines sibi precibus optat, satis indicat alias se importunas & diras nouisse, quæ animi quadam propositione appetitioneq³ prædita sint. De Demonum porro obitu narrationem quandam de homine nec stulto nec vano accepi. nam Aemiliani Rhetoris, ex quo nonnulli etiam vestrum hoc audierunt, Epitherses pater fuit, municeps meus, Grammaticæ professor: is narrabat cum aliquando Italiam cogitans nauigium conscendisset, quod non solum mercium magnam vim, sed vectorum etiam magnam turbam ferret, sub vesperam ad Echinadas insulas penitus flatum siluisse, nauig³ in sa-lo fluitante, & tandem ad Paxas delata, plurimis tum vigilantibus, multis etiam post cenam compotantibus, e Paxis repente vocem auditam esse cuiusdam, Thaumum inclamantis, ita vt admirarentur. Erat autem Thamus Aegyptius gubernator, multis, qui in naui erant, nomine ignotus. Bis igitur inclamatum siluisse, tertium vo-

canti,

canti, paruisse : illum maiore vocis contentione imperasse, vt cum ad Palodes peruectus esset, Pana magnum mortuum esse nuntiaret. Hoc audito Epitherses consternatos omnes stupore dicebat : cumq³ deliberarent, quod imperatum erat, faciendū esset necne, hac de re sic Thamum censuisse, si flatus spiraret, silentio prateruehendū esse, sin à ventis esset eo in loco quies & tranquillitas, quod audierat, esse prædicandum. Igitur ad Palodes perlatis, cum aura nulla esset, nec vnda, prospectantem e puppi Thamum in terram, exclamasse vt audierat, Pana magnum esse mortuum : continuoq³ cum vixdum finisset, secutum esse ingentem non vnius, sed multorum gemitum admiratione mixtum : & quod multi affuissent, narrabat rei famam celerrimè dissipatam esse Roma, Thamumq³ à Tiberio Cesare accersitum : Tiberium verò vsq³ adeò huic rei fidem adiunxisse, vt quis ille Pan esset, interrogaret & quæreret. Doctos autem homines, quos circum se frequentes habebat, censuisse, Pana eum esse, qui ex Mercurio et Penelope natus esset. Atq³ hac quidem Philippus, quorundā etiam, qui aderant, memoria attestante, qui de Aemiliano sene se audiuisse dixerunt. Demetrius autē narrauit earum insularū, quæ sunt propter Britanniam, plerasq³ desertas & sparsas esse, quarum nonnullas Demonibus & heroibus esse dicatas ;

se se

seſe autem cognoscendi viſendiq; cauſſa Imperatore mittente nauigaſſe ad vnam deſertis proximam, paucis habitatam cultoribus, quos Britannis ſacroſanctos et inuiolatos omnes eſſe: non multò autem poſtquam eò veniſſet, ſœdam celi perturbationem, & prodigioſam tempeſtatem eſſe coortam: procellas in abruptum lapſas cecidiſſe, ardentium fulminum iactus fuiſſe, quibus ſedatis Inſulanos dixiſſe, aliquem è præſtantioribus interſiſſe. Nam vt lucerna dum accenditur, noxia nemini eſt, dum extinguitur, multis terræ odorem afflat: ſic animos magnos, dum accenduntur, propitios et innoxios eſſe: dum extinguuntur & intereunt, ſapenumero, vt modò, ventos & procellas miſcere, interdum peſtilentilue celum inſicere. Iam verò illic inſulam quandam eſſe, in qua Saturnus carcere clauſus à Briareo cuſtodiatur ſopitus, ſomnum enim illi pro vinculo eſſe: multos autem ei Demonas eſſe circum pedes atq; ſeruos. Tum Cleombrotus: Ipſe etiam talia quadam, inquit, commemorare poſſim: nunc ſatis eſt propoſito nihil repugnare: neq; impedimentum ſic ei vllum afferri: Quamquam non me latet, inquit, Stoicos non ſolum mecum de Demonibus ſentire, ſed etiam in tanto Deorum populo, vnum ſempiternum & immortalem alios natiuos et interituros exiſtimare. Nam Epicureorum irriſiones & cachinnos nihil moror,

moror, quibus etiam contra prouidentiam, fa-
 bulam appellantes, abutuntur. Nos contra fa-
 bulosam potius infinitatem dicimus, quæ mun-
 dum, in tanta eorum innumerabilitate, Dei pro-
 curatione nullum administratum habet, sed om-
 nes fortuito & temere genitos atq; congmenta-
 tos. Quod si in Philosophia locus risui est, profe-
 ctò ridendi sunt, qui, vbi locorum imagines sur-
 da, cæca, inanima, infinitis annorum curriculis
 maneant, emergentes & quoquo versum eua-
 gantes, tum autem partim è viuis, partim iam-
 pridem crematis aut putridis emanantes, meras
 nugas & umbras in rationem naturæ inducunt :
 qui tamen, si quis Dæmonas esse dicat, qui non
 solum naturæ, sed etiam ratione incolumitatem
 & permanſionem diuturnam habeant, agrè ſe-
 runt. Hac autem cum dicta essent, Ammonius,
 Rectè quidem, inquit, Theophrastus pronuntiaſ-
 se mihi videtur. Quid enim vetat vocem recipere
 sanctiſſimam, maximeq; philosophicam? Nam
 si reiſcitur, multa, quæ euenire queunt, nec cer-
 ta tamen argumentatione concludi poſſunt,
 euertet: ſin ponitur, nihil quicquam, quod vel
 fieri, vel extare non queat, ſecum eliciet & tra-
 het. Quod tamen ſolum Epicureos audio afferre
 aduerſus Dæmonas, quos Empedocles inducit,
 fieri non poſſe, vt ſi improbi & vitioſi ſint, bea-
 tam longauamq; ducant vitam, cum præſertim

caca temeritate vitium rapiatur, & in labefactantium impulsione offensionemq; incidat, stultum & ineptum est. Ista enim ratione Epicurus deterior Gorgia sophista: & Metrodorus Alexide comico videbitur. Nam iste quàm Metrodorus amplius altero tanto, ille quàm Epicurus plus sesquitercio vixit. Aliter enim firmam esse virtutem imbecillum vitium dicimus, non ad permansionem & dissolutionem corporis referentes: quando & in animalibus tardi multa animi & stupidi, multa intemperantia & petulantia dedita, diuturnioris & viuacioris sunt vita, quàm intelligentia & callida. Itaque Deo non rectè aternitatem tribuunt ex cautione & repulsione offensionum. In eius enim, quod beatum est, natura, mali & interitus immunitas, sine sollicitudine vlla inesse debuit: sed in absentes declamare, animi fortasse non ingenui neque equi esse videatur. Proinde Cleombrotus orationem illam de migratione & fuga Daemonum, à qua aberravit, repetat. Tum Cleombrotus. Atqui mirer, inquit, profectò, nisi ijs, quæ ante dicta sunt, ineptior vobis esse videatur: tametsi naturæ rationem sequitur, eiusq; primordium à Platone profectum est, qui, etsi non disertè pronuntiauit, sed timide ex opininatione quadam exili & obscura, velut per ænigma, suspensionem iniecit, tamen magnis etiam aliorum Philosophorum

phorum clamoribus exagitatus & vexatus est. Sed quoniam fabulis & sermonibus temperatus crater in medio positus est, & beneuolentiores quis auditores nactus, hos fortasse sermones, vt peregrinam pecuniam probauerit, haud equidem verebor vobis id gratificari, quod de barbaro homine audiui, quem ad mare rubrum semel quotannis cum hominibus colloquentem, reliquo tempore cum agrestibus Nymphis & Dæmonibus, vt ipse dicebat, commorantem, multis erroribus, magna indicij mercede, vix tandem repertum conueni, ad sermonem ab eo admissus & comiter exceptus. Erat autem ille quidem omnium, quos vnquam viderim, specie formosissimus, & singulis semel mensibus quendam herba fructum medicatum & amarum gustans, se sine vlla valetudinis tentatione tolerabat: idem multas linguas excercebat, ac mecum magnam partem Doricè loquebatur quodam penè carmine, eoq; loquente mirifica odoris suauitas ex ore toto loco spargebatur. Ac reliqua quidem doctrina & eruditio semper aderat, ceterum ad vaticinationem omnibus annis semel afflabatur, & ad mare descendens, fata pradicebat, eò conuenientibus dynastis, regumq; scribis, deinde discedentibus. Ille igitur diuinationem ad Dæmonas referebat, & quod Delphi narrant, iucundissimum ei erat,

nihilq³, quod de Libero patre homines hîc lo-
quuntur, vel sacris operantur, ignorabat. Sed
& ista magnos esse Damonum casus dicebat, &
illa quæ de Pythone traduntur. Nec verò percus-
sori nouem annorum exilium ad Tempe fuisse,
sed eum huius orbis solum alio orbe mutasse, &
illinc nouem magnorum annorum anfractibus
purgatum, & verè Phœbum, id est, mundum re-
uersum, oraculum, quod interea à Themide cu-
stodiebatur, accepisse. Eiusdem generis esse res
Typhonis & Titanum. Damonum enim contra
Damonas fuisse pugnas: mox eorum, qui victi
fuerant, fugas esse secutas, & à Dijs irrogata
ijs supplicia, qui talia deliquerant, qualia in Osi-
rin Typhon, in celum Saturnus commisisse fer-
tur: qui aut obscurius honorantur, aut quia in
alium orbem demigrarunt, prorsus obsoleuerunt.
Nam & Solymos Lycijs finitimos audio Satur-
num eximie coluisse, verum posteaquam casis eo-
rum principibus, Arsalò, Dryo, Trosobio, pro-
fugit, & quocunq³, tandem terrarum concessit,
(neq³, enim dicere habent) eos Saturnum ne-
gligere cœpisse: Arsalum autem, Dryum, et Tro-
sobium sauos Deos appellasse, & in eorum nomen
publicè priuatimq³, execrationes concipere soli-
tos esse. Multa eiusdem modi sumi possunt ex ijs,
quæ de Dijs feruntur. Nec verò, si vsitatis Deo-
rum vocabulis Damonas aliquos afficimus, mi-
randum

randum esse hospes dicebat. Cui enim Deo attributus quisq³ est, & à quo potentiam & honorem habet, eius se nomine vocari gaudet. Nam & in hominibus alius Iouius est, alius Athenæus, id est, Minervius, alius Apollonius, alius Dionysius, id est, Liberalis, alius Hermæus, id est, Mercurialis. Ac nonnulli quidem, quanquam fortuito, rectè tamen sunt appellati: multi tamen non aptè, sed perperam ex Deorū vocabulis nominati sunt. Cum tacuisset Cleombrotus, eum sermonem admirari omnes, cœperunt: cumq³ Heracleon rogasset, ecquid hac Platonem attingerent, & equonam modo is huic rei primordium dedisset, hîc Cleombrotus, Probè tu quidem meministi, inquit: nempe quod mundorum infinitatem protinus improbauit, verum de eorum certa definitaq³ multitudine dubitauit: & qui numero ad quinq³ de singulis elementis singulos constituerent, credibilitatem eis concessit, sese tamen in vno tenuit. Idq³ Platonis proprium videtur esse, cùm alij tantopere multitudinem reformident: proinde quasi eos, qui materiam vno mundo non definiant, sed excurrant, statim interminata asperaq³ infinitas excipiat. Tum ego, Hospes ne ille, inquam, item vt Plato de mundorum numero definiebat, an verò toto consuetudinis tempore hac de re eum non conuenisti, neq³ quid sentiret, tentasti? Egone Cleombrotus, si nihil,

G 3

inquit,

inquit, aliud, non hac in re saltem diligens & sedulus auditor esse debui, praesertim cum se sic facilem praberet & traderet? Ceterum ille neque infinitos mundos, neque vnum, neque quingz esse dicebat, sed centum octoginta tres, et serio collocatos, ut trianguli formam efficiant, cuius singula latera sexagenos habeant mundos, qui reliqui tres sunt, singulos angulos obsideant: eos porro inter se deinceps contingere, ac velut in chorea leniter se torquere. Aequor autem trianguli communem esse omnium focum, & campum veritatis vocari, quo in loco rationes, forma, exemplaria cuiusque rei genita & gignenda immobilia sint posita: cumque ea circundet aui aternitas, labentem eius in mundos tanquam defluxum tempus esse: arbitros autem & spectatores esse decies millesimo quoque anno humanos semel animos earum rerum, si honeste vitam egerint. Quin augustissimas hinc ceremonias illius ritus ac ceremoniae, veluti somnia quaedam esse: ac propter illius loci pulcritudinem, aut certe frustra, homines de litteris commentari philosopharique memorabat. Istos, inquit, his de rebus explicatus diligenter audiebam, cum interim, ut in sacris & initiatione assolet, nullam certam rationis conclusionem, nullam probationem afferret. Hic ego Demetrium appellans, Cedo sis, inquam, versus procorum in arcus tractatione. Vlysssem

lyſſem admirantium : quos vt ſuggeſſit, Enimue-
 ro, inquam; eos in mentem mihi venit de hoſpite
 uſurpare : Ille quidem venator erat, furaxq; de-
 cretorum rationumq; variarum, vt litteras mul-
 tũ peruagatus, nec Barbarus natione, ſed Græ-
 cus multa Græcorum eruditione tinctus. Eum
 quidem certè mundorum numerus planè indi-
 cat, qui nec Aegyptiorum eſt, nec Indorum, ſed
 Dorum ex Sicilia, ab homine Himeræo Petrone
 proſectus, cuius libellum non ſanè legi, atq; haud
 ſcio an extet : Hippys tamen Rheginus, cuius
 Phaniæ Hereſius meminit, iſtam narrat Petro-
 nis opinionem atque rationem, centum octogin-
 ta tres eſſe mundos mutuo ſe elemento tangen-
 tes. Sed quid elemento tangere vocet, neq; de-
 clarat, neq; aliam probabilitatem vllam adhibet.
 Excipit Demetrius, &, Ecqua verò, inquit, iſtis
 in rebus credibilitas eſſe poſſit, cùm Plato, et ſi
 nihil aut conſentaneum aut credibile afferebat,
 tamen planè eam opinionem euerterit. Et Hera-
 cleon : Atqui vos, inquit, Grammaticos audimus
 ad Homerum opinionem iſtam referre. Quod
 eum dicatis vniuerſitatis diſtributionem in quinq;
 mundos ſeciſſe, celum, aquam, aërem, terram,
 olympum : quorum duos communes reliquerit,
 terram omnium inferorum, olympum omnium
 ſuperorum, tres interiectos tribus Deis attri-
 buerit. Similiter Plato videtur pulcherrimas

& primas corporum formas & figuras, vniuersorum dissimilitudini distribuens, quinq; mundos vocare, mundum terræ, aquæ, aëris, ignis: vltimum hos continentem & arcantem dodecaëdri mundum, longè lateq; diffusum, & volubilem, vt figuram animorū volubilitati & motui aptam ac decoram, reddidit. Tum Demetrius: Quorsum, inquit, in præsentia Homerum citamus? fabularum enim plus satis est. Plato autem plurimum ab eo abest, vt quinq; illas mundi dissimiles naturas, quinq; mundos appellet: atq; vbi eos oppugnat, qui infinitos mundos esse statuunt, singularem eum & vnigenam Deoq; charam, ex tota materia corporea integrum & perfectū, seipsoq; contentum, esse procreatum dicit. itaq; iure quis miretur, quid factum sit, vt cū verum ipse dixerit, incredibilis tamen & ratione carentis sententia alijs auctor fuerit. Nam qui mundum vnum non teneat, is quodammodo causam argumentumq; eius rei habeat vniuersi infinitatem: qui tot circumscriptè statuatur, nec plures quinq;, nec pauciores ponat, omnino præter rationem, fidemq; faciat: nisi, ad me conuersus inquit ille, tu forsā quid ad hæc? Tum ego: Siccine, inquam, placet omissa ista de oraculis instituta disputatione, vt iam profligata & confecta, aliam assumere? Minime verò, inquit ille, omissa, sed hæc tamen non prætermissa, quæ tanquam manum

manam nobis inijcit. Neq³ enim immorabimur, sed eatenus attingemus, quoad probabile aliquid eliciamus: deinde mox ad institutū reuertemur. Tum ego: Primum, inquam, quæ mundorum infinitatem prohibent, ea quo minus vno plures faciamus, nihil impediunt. nam vt in singulari, ita quoq³ pluribus in mundis, diuinitas poterit extare, prouidentia, exiguus fortuna interuentus, in plurimis maximisq³ rebus ordo & constantia, ortus præterea & commutatio, quorum nihil in infinitatione potest esse. Deinde consentaneum profectò magis est, nec vnigenam, nec soliuagum esse mundum. Nam cum probitate perfecta excellat, nullius certe virtutis indiget: minime autem omnium iusticia & amicitia, quæ non solum ipse pulcerrima sunt, verumetiam Dijs decora. nihil porro frustra Deus aut inutile habere solet. Quare alij sunt foris Diij & mundi, in quos virtutibus illis in communitate & societate positus vititur: neq³ enim aduersum se aut aliquam sui partem, iusticia, gratificatione, bonitate quis vititur: sed aduersum alios. Quamobrem verisimile non est, mundum hunc amicitie, vicinitatis, coniunctionis expertem, in infinita inanitate tanquam fluitare: cum præsertim naturam videamus singula generibus & formis, tanquam vasculis & seminū folliculis, continere. Nihil enim in rerum natura solitarium vnumq³

numero reperias. Neq₃ verò communis alicuius rei ratio esse, neq₃ communis appellationem adipisci potest, quæ non communiter, quale aliquid est, sed propriè declarat: atqui mundum negant esse communiter qualem. Ecquo igitur tandem pacto qualis sit ex dissimilitudine, quæ inuicem intercedere cum alijs cernatur, qui sibi vni cognatus atque vnius modi, talis esse procreatus agnoscitur? Nam si neq₃ homo singularis, neq₃ equus est in rerum natura, neque stella, neque Deus, neq₃ Demon, quid vetat non vnicum in natura mundum, sed plures extare? Etenim qui affert in eo vnicam esse terram, vnicum mare, quod promptum & perspicuum est, non videt, res esse aliquas, quæ partium similitudine censeantur. Terram enim in partes eiusdem nominis diuidimus, & mare: at mundi partes non item mundus vocantur, cum ex diuersis naturis sit coagmentatus. Nam quod nonnulli tantopere formidant, atque ideo vniuersam materiam in hunc mundum consumunt, ne, si quid foris eius reliquum sit, impulsione & plagis huius coagmentationem labefactet & disturbet, temerè formidant. Plures enim si mundi sint, ac priuatim cum sua quisq₃ substantia & materia modum & terminum certum definitumq₃ sortiatur, nulla vacabunt tanquam reliquie vel ordinis vel descriptionis expertes, quæ extrinsecus inferantur.

tur. Quippe cum cuiusq³ ratio materiae contri-
buita compos atq³ moderatrix, nihil erumpere
& euagari in alium, nec ex alio in se sit per-
missura: praesertim cum eorum turbam nec in-
termittatam nec infinitam habeat natura, neq³
motum temerarium & inordinatum. Quod si
quid ab alio ad alium permanet, id cognatum
blandumq³ est, & cuiq³ accommodatum misce-
tur, vt siderum fulgor & mutua temperatio:
tum autem beneuolo conspectu inuicem se mun-
di intuentes oblectantur, & Deis plurimis &
optimis vnumqueng³ incolentibus, congressus &
inuitamenta conciliant. Nihil enim horum fieri
non potest, nihil horum fabulosum est, nihil ho-
rum à ratione alienum. nisi fortè quis Aristote-
lis decreta veretur, vt naturalia: quod cum,
vt ait, corporum quodq³ suum propriumq³ obsi-
deat locum, necesse sit terram vndique ad me-
dium ferri, quam humor, suo pte nutu leuiori-
bus subsidens, inundet. Quocirca si plures sint
mundi, futurum, vt multifariam terra igni sit
& aëre superior, multifariam inferior: similiter
vt in alijs aër & aqua in naturali sede consistant,
in alijs minime: quod cum factu sit nefas, vt
censet, neq³ duos, neq³ plures mundos esse putat,
sed hunc vnum ex vniuersa materia compositum,
ita natura collocatum, vt corporum dissimilitu-
dini conuenit. Verum id credibilius quam verius
dictum

dictum esse videtur. Sic enim, mi Demetri, rem considera. Cum corporum partim ad medium & deorsum ferri dicit, partim à medio & sublime, partim circum & in orbem, cuius tandem comparatione medium sumit? non enim inanis, quod de eius sententia nullum est, & de quorum est, medium tamen non habet, ut nec principium, nec extremum. Nam hi sunt termini, cum infinitas sit interminata. Quod si quis eum oratione cogat audere infinitum inane fateri, ecqua in eo tamen motionum differentia corporib. cieri possit? Neg, enim in inani corporum vis inest, neg, corpora impetum aut propositum habent, quod medium appetat, & eo vndiq, contendat: verum inexplicabile est intellectu, corpora inanima ad incorporeum & indifferens ferri, & vel ex se ipsa cieri, vel ab illo trahi & allici. Relinquitur igitur medium, non loci ratione, sed corporis dici. nam cum mundus hic ex plurimis diuersisq, corporibus vna continuatione & consensione cohereat, dissimilitudo alias atq, alias motiones necessario ciet: quod vel ex eo perspicuum est, quia, quorum natura immutatur, eadem quoq, protinus locum commutant. Quippe cum dissipatio materiam à medio subuolantem circum distribuatur, concretio atq, densatio pessum deprimat, in mediumq, compellat: qua de re pluribus hic differendum non est. Quam enim cunq, quia
ista-

istarum affectionum & mutationum causam ef-
 fectricem & tanquam architectam esse statuet,
 ea sanè mundum quemq; in suo statu continebit.
 Singulis enim suum erit mare, singulis sua ter-
 ra, cum suum quisq; medium habeat, mutatio-
 nes, affectiones, naturam, potestatem, quæ eo-
 dem in statu quemq; tueatur atque conseruet.
 Quod enim extra est, siue nihil excedit, siue im-
 mensa infinitas patet, medium, vt dixi, præbere
 non potest: at verò si multi mundi sint, suum
 quisq; medium habebit, vt proinde motus sit pro-
 prius alijs eò, alijs inde, alijs circum id, vt ipsi
 partiuntur. Qui autem postulat, vt in mediorum
 multitudine, omnium vndiq; ponderum momen-
 ta in vnum depellantur, nihil ab eo discrepat,
 qui in tanta hominum frequentia, in vnā ve-
 nam vndiq; omnem sanguinem confluere debere
 censeat, vnaq; membrana omnium cerebrum
 contineri, nefas videlicet arbitratus, si non om-
 nia quæ natura nostris in corporibus solida sunt,
 vnā obtineant regionem, vicissimq; mollia
 vnā sedem. Nam & iste ineptus sit, & ille in-
 sulsus, qui moleste ferat, quod quæ integra sint,
 suas habeant partes situ naturali & ordine col-
 locatas. Illud enim stultissimum esset, si quis di-
 ceret aliquem esse mundum, qui lunam ita loca-
 tam haberet, vt si in calcibus homo cerebrum
 gereret, cor in temporibus. Sed qui multos fa-
 ciunt

ciunt mundos interuallis inter se disunctos, si eadem opera totis illis & integris sic disunctis partes dirimant & distribuunt suas, improbe non faciant. Nam cuiusq; terra, mare, celum, ita vt natura conuenit, posita erunt: tum supera, infera, ambitum, medium, non alterius collatione, neq; extrinsecus habebit, sed intra se quisq; suiq; comparatione. Quem enim extra mundum lapidem nonnulli fingunt, is non fere vllam status aut motus facultatem affert. Quo enim modo aut grauis insisteret, aut ad mundum, vt reliqua pondera, feretur, cum nec pars eius numeretur, nec ei sit contributus? Terra autem, qua in alio mundo colligata & constricta teneatur, dubitare non oportuit, quid fiat vt huc non suo pondere abrupta transferatur, praesertim cum videant naturam & firmitatem, qua quaq; partes continentur. Quod si non ex ipso mundo, sed extrinsecus supera & infera sumemus, in easdem difficultates, in quas seipse Epicurus, nos etiam induemus, qui quidem omnia indiuidua corpuscula in regiones pedibus subiectas detrudit: proinde quasi aut inane pedes habeat, aut in infinitate quicquid, quod supra subterq; sit, cogitare possumus. Itaq; mirari Chrysippum licet, atq; adeo quaerere, quid ei venerit in mentem, vt diceret mundum in medio locatum esse, eiusq; naturam vsurpato ex aternitate medio loco, maxime constabili-
litam

litam & confirmatam esse ad permansionem & velut incorruptam quandam perpetuitatem. Ista enim lib. quarto *ἡ δὲ δυνάμις*, id est, de eo quod fieri potest, dicit: cum medium loci infiniti non recte somniet, insulsamq; permansionis mundi caussam ab eo medio, quod nullum est, repetat: præsertim cum alibi sæpe dixerit naturam ijs motibus, quibus aut ad medium suum, aut à medio suo cietur, tanquam dispensari atque contineri. Iam verò reliqua, quæ Stoici obijciunt, rogantes, ecquonammodo fatum vnum, vna providentia mansura sit, ac non potius multi Ioues futuri sint in mundorū multitudinem, quis pertimescat? Primum enim si multos esse Ioues ineptum est, an non obsecro, quæ ab eis dicuntur, multò ineptiora erunt? Nam Soles, Lunas, Apollines, Dianas, Neptunos in infinitis mundi conuersionibus infinitos faciunt: Deinde cur necesse est multos esse Ioues, si multi mundi sint, ac non potius in vnoquoq; Deum quendam principem ac præsidem totius summa esse, mente et ratione præditum, cuiusmodi est, qui apud nos omnium dominus & pater vocatur: aut quid vetat Iouis providentia & fato omnes obtemperare, eumq; vicissim omnes lustrare atque moderari, omnibus principia, semina, rationes eorum, quæ gerantur, largientem? Non enim hic vnum sæpe corpus è deiunctis corporibus coaceruabitur, velut

concio,

concio, excercitus, chorus, quorum in quoq; & vita & intelligentia & disciplina insit, vt Chrysippus censet, & in vniuersitate decem vel quinquaginta, vel centum mundi, qui vna vtantur ratione, ad vnumq; principium pertineant, inesse non poterunt: immò verò descriptio talis & designatio inprimis e Deorum dignitate fuerit. Quippe cum minimè deceat, vt examinis duces, item Deos nunquam extra prodeuntes inducere, nec sepimento quodam materia clausos, immò verò circumuallatos tenere: velut isti Deos, cum aëris certos quosdam habitus faciant, aqua & ignis certas quasdam potestates credant in ipsis fusas, pariter cum mundo & generant & exurunt, non tamen solutos & liberos, vt aurigae & gubernatores, sed vt signa sua basi affixa, & tanquam adplumbata cohaerescunt, sic in corpoream molem inclusos habent, & tanquam cu-neolis quibusdam iniectis illigatos, tandiu cum ipsa consociatos, dum interitus, dissolutio, vniuersaq; commutatio sequatur. Illa verò ratio est, vt existimo, & practior & magnificentior, vt Tyndarida tempestate iactatis opem ferunt, aduentu suo statim violentiam ponti precipitesq; ventorum flatus mulcentes, cum tamen haudquaquam vnà nauigent & periclitentur, sed salutares sospitesq; superueniant: sic Deos remoto omni herili imperio liberos suisq; iuris, aliàs alium subire

subire mundum spectaculi voluptate captos, & cum ipsa natura ad regendum conspirantes. Nam Homericus Iupiter non admodum longè oculos à Troia in Thraciam desleclit, & Nòmadas Istrum accolentes: at verus Iupiter honestas habet & decoras multis in mundis vices, non in vacuum infinitum extra intuens, nec de seipso, nulla autem alia de re, vt nonnulli arbitrantur, cogitans: sed plurima Deorum & hominum opera, motus astrorum & cursus, quorum statæ sunt conuersiones, aspiciens. Nec enim Deus à mutationib. odio quodam abhorret, sed si quid ex ijs, quæ sub oculos cadunt, augurari licet, celestibus vicissitudinibus & conuersionibus vehementer oblectatur. Quo fit vt infinitas modis omnibus amens sit & inconsiderata, nusquamq; Deum adhibeat, verùm in omnib. rebus fortuna & temeritate vtatur: sed mihi in definita mundorũ multitudine & numero procuratio & prouidentia nullum habere munus illiberalius nec laboriosius videtur, quàm ea, quæ vni implicata est corpori et innexa, quod infinite aliter atq; aliter interpolare, instaurare, renouareq; soleat. Quæ cum dixissem, finem feci. Hic Philippus non multo post, Equidẽ istis, inquit, de rebus, vtrum ne ita sit an secus, nihil affirmare ausim: sed si Deum extra vnum educimus mundũ, cur quinq; solũ mundorum, non plurium effectorem eum

H

moli-

molitoremq³ faciamus, & quæ huic numero cum
ea multitudine ratio intercedat, libentius intelli-
gam, quàm quo consilio hic u^o consecratum sit.
Neg³ enim triangulus est, aut quadratus, neg³
perfectus, aut tessellatus, neg³ vllam aliam osten-
dit elegantiam ijs, qui talia amplectuntur & su-
spiciunt: illa autem ab elementis profecta ratio,
quam subobscurè Plato ipse innuit, omnino intel-
lectu difficilis est, nullumq³ argumentum præ se
fert, quod eum induxerit, vt diceret, quemad-
modum quinq³ corpora angulorum, laterū equo-
rum aequalitate comprehensa in materia gene-
rantur: item quoq³ equum esse protinus totidem
mundos ex ijs effici. Tum ego, Enimuerò Theo-
dorus, inquam, Solensis explicans ea, quæ apud
Platonem mathematica sunt, non male eam ra-
tionem videtur hunc in modum tractare: Pyra-
mis, octaëdron, icoſaëdron, dodecaëdron, quæ
prima Plato ponit, cùm omnia pulcra sunt, &
commensione proportionum et æquabilitate, tum
nihil naturæ ijs præstabilius, nec aliud quicquam
simile relictū est, quod vel condat vel coagmen-
tet: nec tamen sunt omnia vnā coagmentatio-
nem sortita, nec similem originem habent, sed
omnium minima est & tenuissima pyramis, ma-
ximum & partib. numerosissimum dodecaëdron.
De reliquis duobus icoſaëdron multitudine tri-
angulorum maius est amplius duplo quàm octaë-
dron.

dron. Proinde ortum omnia habere simul ex vna materia nefas. nam tenuia, parua, & tanquam fabricatione & constructione simpliciora, prima molienti fingentiq; materiam parere, & effici necesse est, & ante ea oriri quæ partibus grandioribus integrata & corporatiora sunt, quorum è numero molitionem operosiores habentiũ, est dodecaëdron. Ex quo efficitur esse corpus primum solam pyramidem, aliorum nullum, vt quæ natura sunt ortu posteriora. Huius ergo incommodi remedium præsto est, materiae distributio, & partitio in quinq; mundos. Alibi enim pyramis, prima in lucem prodit, alibi octaëdron, alibi icosaëdron: ex eo autem, quod antè extiterit, reliqua deinceps originem ducent, cum vicissitudo quadam eueniat, omnibus in omnia concedentib. per partium concretionem & dissipationem, quemadmodum ipse Plato, omnia fere percensens, declarat, nobis breuiter didicisse satis erit. Quoniam aër ignis extinctione nascitur, vicissimq; attenuatus de se ignem edit, in vtriusque tanquam seminario, & affectus & mutationes spectanda sunt. Seminarium autem ignis est pyramis, ex viginti quatuor primis triangulis: aëris octaëdron ex iisdem quadraginta octo. vnum ergo gignitur aëris elementum è duob. ignis commistis atq; coherentibus: contra aër minutatim dissipatus, in duo ignis corpora dissipatur, rursumq;

sumq³ compressus & in se considens, in humorem
abit : vt in omnibus , quod prius extat , semper
facilem alijs ex mutatione originem suppeditet ,
nec vnum sit tantum , quod primum habeatur ,
sed omnibus eiusdem nominis societas seruetur ,
cum aliud in alio corpore anteceptam quandam
& principalem originis suae vim obtineat. Tum
Ammonius, Hic quidem, inquit, & pro sua virili
& splendide Theodorus elaborauit : veruntamen
mira sunt , ni se sumtiones, quibus vsus est, mu-
tuo euertere videantur . Censet enim eodem
tempore illa quinq³ nequaquam componi , sed vt
tenuissimum quicq³ est & minimi negotij ad co-
agmentandum , ita ante alia in lucem prodire :
deinde tanquam consequens ac non repugnans
ponit, non omnem materiam primum, quod sim-
plicissimum est & leuissimum, proferre, sed non-
nunquam ea, quae ponderosa sunt & partibus nu-
merosa , e materia prima ad ortum emergere.
Ad hac cum quinq³ prima corpora subsint , ac
totidem ideo mundi esse dicantur, in quatuor so-
lis fidem facit , tesseram , vt in calculorum lusu
subducit , cum tessera in illa suapte natura mu-
tari non possit , nec illis , vt in ipsam mutantur ,
potestas sit , quod trianguli non sint eiusdem ge-
neris. Commune enim omnibus illis subiicitur se-
mitriangulum, huic singulare soli isosceles, quod
cum semitriangulo nulla copulatione tempera-
tioneq³

tioneq₃ coniungi potest. Igitur si, cum quinq₃
 corpora prima sint, totidemq₃ mundi, tessera in
 quog₃, vbi prima nata est, principatum originis
 habet, nullum aliorum existet: quippe cum in
 illa commutari tessera non possit. Omitto quod
 dodecaëdri, quod dicitur, elementum aliud fa-
 cit, non illud Scalenum, ex quo Pyramidem,
 octaëdron, icoaëdron Plato componit. Itaq₃ ri-
 dens Ammonius, Aut ista tibi sunt, inquit, dilu-
 enda, aut de communi ista quaestione proprium
 aliquid dicendum. Atq₃ ego, nihil, inquam, in
 presentia credibilius, quod dicam, habeo, verum
 satius fortasse sit in disquisitionem vocari, suam
 quam alienam opinionem praestantem. Rursus igitur
 iam inde ab ipso exorsus capite dico, naturæ
 cum subsint duæ, altera quæ sensui opinionem sui
 affert, ortu & interitu mutabilis, atq₃ vltro ci-
 troq₃ variè commeans, altera ratione & intelli-
 gentia comprehensibilis, quæ vna & eadem sem-
 per est, permirum sit sodes, cum illa, quæ ratio-
 ne sapientiaq₃ continetur, dispersita sit, & in se
 dissimilitudinem habeat, si quis corpoream &
 patibilem coherentem suog₃ nutu in se conuer-
 sam non relinquere, sed dirimi atq₃ distrabi indignè
 molesteq₃ ferat. Quippe cum manentia quæ sunt
 & diuina, arctiori se complexu tenere debeant,
 omnemq₃, quantum fieri potest, diuisionem dis-
 tractionemq₃ fugere: & tamen vis alterius at-
 tingens

tingens ea, quæ intelligentia continentur, maiores omni loci disunctione & distantia, in ijs rationis & forme dissimilitudines efficit. Quapropter Plato eos, qui vniuersum esse dicunt vnum, oppugnans, & id quod est, dicit esse, & idem & alterum, præterea motum & statum. Itaq; cum ista, quinq; sint, profectò admirandum non est, corporeorū illorum quinq; elementorum singula singulorum simulacra & imagines naturam esse molitam, non integra tamen neq; sincera, sed quodq; cuiusq; potestatis maxime particeps. Nam tessera planè status proprium corpus est propter æquorum stabilitatem & firmitatem: pyramidis autem igneam mouentemq; naturam in gracilitate laterum & angulorum acumine quiuis agnoscat: at dodecaëdri natura, quæ alias figuras complectitur, eius quod est imago in vniuersitate corporata extitisse videtur: è duobus reliquis icosaëdron alterius formam, octaëdron eiusdem adepta sunt, quorum vnum aërem, qui naturam omnem in sua specie continet, alterum aquam, quæ temperatione in plurima qualitatum genera conuertitur, edidit. Quamobrem si natura aquabilem tributionem omnibus in rebus postulat, verisimile est mundos quàm exemplaria, neq; plures, neque pauciores extitisse, vt exemplar quodq; in quoque principatus conditionem potestatemq;, quemadmodum habet in corpo-

corporibus componendis, obtineat. Sed hæc ad illos oratio pertinet, quibus mirum esse videtur, quòd naturam ortu & mutatione variam in tot genera diuidamus. Nunc ad illud mihi omnes pariter animum attendite: è supremis vltimisq; principijs, vno, inquam, & interminata dyade, hæc omnis deformitatis & perturbationis elementum, infinitas vocatur: illa autem vnius natura terminando & comprehendendo infinitatis inanitatem, à ratione vacuitatem, & interminationem informat, & vt appellationem in ijs, quæ in sensibus confidunt, demonstrationis comitem subeat & recipiat, vtrique efficit. Quæ quidem principia primum in numero cernuntur, atque adeo ne multitudo quidem numerus omni ex parte est, nisi tanquam forma, quicquid materia ex interminationis infinitate alias vberius, alias exilius inest, deciderit. Tum enim demum quæq; multitudo numerus efficitur, cum vnitatem terminatur. Sin vnitatem tollatur, rursus omnia conturbans interminata dyas, numerum ad infinitatem immensitatemq; redigit. Sed quoniam species non est materia labes & euersio, sed eius subiectæ conformatio & dispositio, necesse est in numero vtrunq; principium inesse: vnde prima & summa differentia & dissimilitudo extitit. Nam interminatum principium tanquam architectatur

numerum parem, velut principium melius impar-
 rem: in paribus autem prima sunt duo, in impar-
 ribus tria, ex quibus quinq³ nascuntur, numerus
 compositione amborum communis, potestate im-
 par. necesse enim erat, cum plures in partes, id
 quod sensum pellit corporatumq³ est, propter
 cohesionem diuidatur alterius necessitate, neq³
 primum numerum, parem esse, neq³ primum,
 impar: sed tertium ex ijs conflatum, vt ab
 vtroq³ proficiscatur principio, tum eo quod pa-
 rem efficit, tum eo quod imparē: fieri enim non
 poterat, vt alterum ab altero discederet, cum
 vtrung³ principij naturam & potestatem obtine-
 at. Ambobus igitur copulatis prestabilis prin-
 cipium, interminatione, qua dirimere solet, coër-
 cita ac superata, corporeum quod est compara-
 uit, & cum materia vtrobique distraheretur,
 media vnitatis interiectu, ne vniuersa bipertitō
 discederent, perfecit. Verum mundorum quidem
 multitudo exorta est, ex eo quod in intermina-
 tione diuersum est & differens: multitudinem
 verò imparē eius, quod idem est & definitum,
 potestas extulit: huiusmodi porro imparē mul-
 tudinem edidit, quod non longius naturam,
 quam commodum esset, progredi permisit. Nam
 si quod vnum est, merum & purum fuisset, nul-
 lum prorsus materia discessum, secretionemq³
 haberet: nunc quia dissipante dyade admistum
 est,

est, diuisionem & partitionem recipit, quæ illic impari parem cohibente instituit. Proinde ab antiquis πεντάσχαλ numerare in consuetudine sermonis dicebatur, atq; arbitror πάντα, id est, omnia, à πέντε, id est, quinq; deducta esse, non abs re, cum præsertim pentas ex primis numeris integrata sit. Nam & alij numeri cum alijs multiplicati in diuersum numerum abeunt: at quinarium si pariter sumatur, decem perfectum numerum edit: sin impariter, se rursum procreat. Omitto quod primum è duobus primis quadratis quinarium constat, vno et quatuor: deinde quod cum princeps tantundem, quantum duo eum antecedentes numeri, valeat, triangulum rectorum splendorum constituit: quod deniq; princeps proportionem sesquialteram parit. Non enim ista proposito fortasse negotio conueniunt: verum illud potius, hoc in numero vim inesse accommodatam ad diuidendum, eoq; naturam plurima partiri. Nam & quinque sensus posidemus, & totidem animi partes, naturam, sensum, cupiditatem, iracundiam, rationem, & huius numeri in vtraq; manu digitos, & fecundissimum semen quinq; partitum est. Non enim temerè proditum est, vllam mulierem plures quinq; vno vtero enixam esse, & Rheam Aegyptij quinq; Deos peperisse in fabulis narrant, quinque mundorum ex vna

materia procreationem obscure adumbrantes :
 In hac quidem rerum vniuersitate terra quinq₃
 cingulis, celum quinque circulis distinguitur, ar-
 cticis duobus, totidem tropicis, medio aquino-
 ctiali : quinque sunt etiam stellarum errantium
 ambitus, cum Sol, Lucifer, & Mercurius socia
 pariq₃ lustratione versentur. Sed & ipsa mundi
 constructio concentus est particeps, vt quod apud
 nos in fidibus intentum est in quinq₃ tetrachor-
 dorum collocationibus, summarum, mediarum,
 coniunctarum, disiunctarum, superlatarum :
 modulata quoq₃ totidem interualla sunt, diēsis,
 hemitonium, tonus, sesquitonius, ditonum. Ita
 videtur natura magis delectari rebus omnib. qui-
 nis procreandis, quā figura, vt Aristoteles cen-
 set, globosa. Dicit aliquis, Cur, obsecro, Plato
 quinq₃ mundorum numerum ad quinque figuras
 retulit, cum dixit Deum in vniuersi descriptione
 quinto corpore vsum esse ? deinde cum de multi-
 tudine quæstionem inducit, vtrum ne vnum, an
 quinq₃ genitos esse verè oporteat dicere, ecquam-
 nam propterea suspicionem præ se ferre vide-
 tur ? nempe quòd, si eius informanda credibili
 coniectura sententia est, consentaneum id esse
 cernebat : cum præsertim necessario statim mo-
 tuum dissimilitudo, comes sit dissimilitudinis cor-
 porum & figurarum illarum, quemadmodum
 ipse docet, in concretionibus & dissipationibus
 cum

cum rei mutatione locum etiam pariter commu-
 tari predicans. Si enim ex aëre nascatur ignis
 octaëdro dissoluto, & in metas dissipato: aut vi-
 cissim aër ex igne in octaëdron coacto atq; com-
 presso, fieri non potest, vt in pristina sede mane-
 at, sed alias in oras fugit & rapitur, quicquid
 occurrit & obstat, oppugnans, atq; perrumpens.
 Atq; id quod tum euenit, illustrius etiam imagi-
 ne quadam declarat: similiter atq; ea, qua ven-
 tilabris & instrumentis ad triticum purgandum
 comparatis excutuntur et euannantur, elemen-
 ta dicens materiam mouentia, & ab ea vicif-
 sim agitata, similia semper ad similia accede-
 re, aliamq; alijs sedem fuisse, vel antequam ab
 eis hæc rerum summa exornata & compta ef-
 set. Cum igitur tum sic affecta & constituta
 materia esset, vt par est illa affecta esse, vnde
 Deus abest, statim quinque primæ qualitates
 sua quæque momenta habentes, suopte nutu di-
 uersa ferebantur, non tamen omni ex parte pu-
 ra, nec sincerè mereq; secretæ, quod in omnibus
 rebus, quæ permixtæ sunt, semper quod supera-
 tur, contra naturam, ea quæ superant, sequa-
 tur. Quocirca cùm alia alio mouerentur, pares
 corporum generibus partes distinctionesq; exti-
 terunt: vna ignis non puri, ignea tamen forma:
 altera ætheris non liquidi, sed æthereæ specie:
 alia nō terræ per se mæ, terrena tamen forma:
 sed

sed vel maximè tamen aëris & aqua natura promiscua fuit, propterea quod, vt dictum est, alijs multis admixta generibus discesserit. Materiam enim Deus locis, neq₃ disclusit, neq₃ diremit, sed ipsam sua sponte diremtam, & in diuersa eundem, cum valde inordinatam accepisset, proportionis & medietatis temperatione & moderatione ordinauit atque accommodauit. Deinde cum rationem cuiq₃ vt praefectam custodemq₃ praeposuisset, mundos totidem, quot erant prima corpora, condidit. Atque hac quidem Platonis elegantia propter Ammonium nuncupata & dicata sint. Ego verò de mundorum numero nunquam affirmauerim tot esse: tametsi eam opinionem quae plures vno, nec tamen infinitos ponit, sed certos atq₃ definitos, neutra earum à ratione alieniorem puto, cum praesertim materiam natura dissipabilem & diuiduam intelligam, neq₃ intra vnum consistere, neq₃ ratione refragante in infinitos progredi posse. Quòd si quo alio in loco, hìc certè academia imprimis memores ex animis nostris credulitatem detrahamus, fidemq₃ firmam, vt in loco lubrico & periculoso in infinitate sola teneamus. Quae cum dixissem, Demetrius, Rectè quidem Lamprias, inquit, suadet: multis enim modis Dii nos, non, vt Euripides ait, captionum, sed rerum fallunt, cum tantis de rebus velut scientiam complexi aude-

mus

mus pronunciare. Sed referenda nobis oratio est, vt idem ait, ad disputationem initio susceptam. Quod enim dictum est, discedentibus & relinquentibus oracula Daemonibus, vt artificibus instrumenta, ea & ignaua iacere & muta, maiorem quandam excitat disputationem, quanam causa sit atq; vis, qua furoris instinctu afflatos, & visionum impulsione prasagos reddunt diuinos atq; diuinas. Nec enim fieri potest, vt descriptionem causam esse statuamus, cur oracula conticescant, nisi sciamus, quo pacto Dæmones ijs prasideant, atq; ea sua presentia operosa & fatidica reddant. Tum suscipiens Ammonius, Aliud ne, inquit, arbitraris Dæmonas esse, quam animos, qui de Hesiodi sententia circumeant aëre amicti? Quæ enim est hominis dissimilitudo cum homine, vel tragædiam, vel comædiam agente, mihi eam habere dissimilitudinem videtur animus cum animo, qui hac in vita corpore sit indutus. Non igitur aut mirandum est, aut à ratione abhorret, animos in animos incidentes, futuri visionem eis & imaginem obijcere: velut inter nos non omnia voce declaramus, sed & litteris, & solo tactu & aspectu, multa & præterita indicamus, & futura præsignificamus: nisi quid tibi Lampria videtur secus. Nuper enim ad nos cuiusdam sermone allatum est, te multa hisce de rebus Lebadia in peregrinis disse-

ruisse,

ruisse, quorum tamen nihil auctor ille exploratè
certoq; memorabat. Atq; ego, Non sanè mi-
rum, inquam: multorum enim eodem tempore
negotiorum interuentus & occupationum, quæ
propter oraculum et sacrificium incidebant, effe-
cit vt sermo noster disiectus spargeretur, atque
dissipatus. Et Ammonius, Atqui nunc, inquit,
& auditores nactus es otiosos, & qui omni con-
tentione remota, concertationisq; studio, venia
autem, vt vides, & libertate omni sermoni data,
ad exquirendum discendumq; parati sint. Eò
me alijs adhortantib. cum paululum reticuissem,
Enimuerò nunc fortuna quadam, inquam, tute
Ammoni, illi sermoni, qui tum habitus est, prin-
cipium ingressumq; præbuiſti. Nam si animi à
corpore secreti, aut qui nunquam corporis par-
ticipes fuerunt, de tua & diuini Hesiodi senten-
tia Dæmones sunt, sancti, terricola, atq; homi-
num custodia, cur animos in corporibus inclusos
ea virtute priuamus, qua dæmones futura præ-
noscere, & prænunciare possunt? Neq; enim ve-
risimile est potestatem vllam aut partem animis
corpore exutis accedere, quam antè non posse-
derint, sed semper easdem habere: verùm dum
corporibus immixti sunt, vitiosiores ac deterio-
res habere, partim etiam penitus exiles & la-
tentes, partim infirmas & obscuras, nec aliter
quàm qui per nebulam aspiciunt, vel in humo-
re mo-

re mouentur, in munere fungendo laboriosas atque tardas, magnam quandam eius, quod suum est, curam & recuperationem desiderantes, eius quod fallit, detractiōem & purgationem. Quippe quemadmodum Sol, non cum effugerit nubes, tum demum splendore collustratur: sed semper luminosus est, tum autem nobis in nebula caliginosus apparet, & obscurus: Sic animus, non cum è corpore tanquam nube excesserit, diuinam vim ut aduentitiam acquirit, sed ea nunc quoque præditus, cæcus tamen quodammodo est: quod cum corpore mortali confusus atq; permixtus sit. Neg, verò id admirabile, aut incredibile debet videri, cum si nihil aliud, in animo certè videamus, quantum opus memoria, quæ diuinationi è regione respondet, declaret præterita seruando atque custodiendo. præterita autem? immò verò præsentia. Nam quod fuit, nullum profectò est, nec vsquam exstat, sed actiones, sermones, perpeſsiones, tempore tanquam fluctu rapiente, simul ac orta sunt, intereunt: at hæc animi vis, nescio qua comprehensione ea, quæ præsentia non sunt, viso quodam cōformat, & tanquam in rerum natura ponit. Nam quod oraculum Theſſalis de Arna editum est, dicere iubebat: Quis surdi auditus, quæ viso cæci: at memoria nobis surdarū rerum est auditus, cæcarumq; aspectus. Quamobrem

non

non est, ut dixi, mirandum, animum, cum quæ iam non sunt complectatur, multa quæ nondum facta sunt, antecapere: quippe cum hæc magis ei affinia sint, & ab his cognatione quadam & consensu afficiatur. In posterum enim incumbit, & se applicat, & à præteritis & finem adeptis, præterquam recordando sese remouet. Cum igitur hæc vis animis natura insita sit, etsi obscura & ad visorum informationem difficilis, tamen in nonnullis animis, tum in somnijs, tum in sacris efflorescit, & exuscitatur, cum vel corpus integrum ac purum est, vel temperamento quodam ad id apto viget, aut cum ratione & cogitatione relaxata, & à rebus præsentibus liberata & auocata, pars ea, quæ ratione vacat, & visis pellitur, in futurum intenta est. Non enim, ut Euripides ait, Bene qui coniçiet, ratem hunc perhibebo optimum: sed hominem dicam non imprudentem, qui eius animi partis, quæ ratione prædita est, & probabili argumento ducit, viam sequatur: at verò illa animi pars, in qua diuinitas viget, tanquam codicillus, suapte natura, illiterata est, & rationis ac determinationis expers, quæ cum fungendo visiones recipiat & præsentiat, sine ratiocinatione vlla futurum auguratur, cum à præsentibus maxime recessit. Recedit autem, cum ea est corporis temperatio & habitus, ut immutetur in eum, quem instinctum affla-

afflatumq; diuinum vocamus. Ac eo quidem modo sponte natura saepe corpus constitutum & affectum est : at verò terra cum aliarum multarum potestatum fontes hominibus aperit , qui partim mentem e sua sede & statu demoueant , morbos & lethum inferant , partim commodi sint , iucundi , vtiles , vt , qui experiuntur , sentiunt : tum verò diuinationis astus & halitus diuinissimus & sanctissimus est , siue per aërem solus , siue cum humore scatente tollatur. Nam infusus corpori , insolitam quandam & inusitatam temperationem affert , cuius proprietatem liquidò explicare difficile est , multis tamen modis ; vt de eo suspicemur & conijciamus , ratio suppetat. Verisimile est enim , calore & diffusionem ab eo foramina quadam aperiri , in quibus vis insit , quadam impulsione futurum presagens : quemadmodum vinum excitatis vaporibus cum alios multos impetus ciet , tum reconditos animi sensus & latentes detegit. Bacchatio enim & insania , vt Euripides ait , multum diuinationis habet , cum animus concalescitur & inflammatus timorem expulit , quem prudentia mortalis secum trahens , saepe diuinum inflatum auertit , atq; restinguit. Non temere forsitan quis etiam dicat , vi siccitatis cum calore in corpus insinuantis , spiritum subtilem , atherium , purumq; reddi. Splendor enim siccus , vt Heraclitus ait ;

I

animus

animus est sapientissimus : at humor non tantum oculos & aures obrundit, verum etiam contagione sui, speculo nitorem, aëri suffusione sui, lucem eripit. Contra etiam fortasse fieri potest, ut spiritus refrigeratione & concretionem, tanquam quadam ferri tinctura, pars illa crimi, qua prasagit in nobis, exoriatur, aciemq; ducat. Quinetiam ut stanno illiquefacto as rarum & crebris foraminibus laxum, eadem opera simul astringitur atq; densatur, simul splendidius atq; nitidius redditur : ita nihil prohibet, à diuina illa aspiratione, quiddam affine & cognatum animis nostris habente, qua laxa raraq; sint, expleri, & apta inter se contineri. Nam alia alijs accomodata sunt & idonea, velut purpura colorem faba, cocci nitrum, si misceantur, elicere & ducere videntur : atq; ut Empedocles ait, Glaucus miscetur bysso crocus. De cydno quidem & sacra Apollinis secespita, qua Tarfi est, te, Demetri, narrante, accepimus, ab illo fluuio ferrum illud valentius tergi, neq; alia aqua, quam illa mundari : quemadmodum Olympia cinerem affingunt atq; obducunt ara, aqua Alphei infusa glutinantes, cum ex alio flumine id tentantes, cinerem cogere & agglutinare non possint. Quamobrem mirandum non est, cum e terra multa effluant, ab his solis animu furibundum reddi, & futuri imagines concipere : sed & sine contro-

uersia

uersa huic rationi fama suffragatur. Prodeunt enim vim eius loci tum primum cognitam fuisse, cum eò fortè fortuna pastor quidam incidisset, furentesq; voces edidisset, quibus primum ab eis, qui aderant, contemptis, postea autem, quæ ille pradiixerat, euentus fide testatis, admirationem esse sequutam: ac Delphorum eruditissimi, nomen quoq; hominis Coretam fuisse memorant. Mihi autem maximè videtur animus cum diuino anhelitu sic temperari atq; coherescere, vt aspectus cum lumine consentiente atque congruente. Nam cum oculus cernendi vi praditus sit, non tamen ad suum munus fungendum sine lumine aptus est: itidem ille tanquam animi oculus diuinationis particeps, re aliqua accommodata indiget, qua exacuatur & exuscitetur. Itaq; multi maiorum nostrorum Apollinem & Solem vnum & eundem Deum esse credebant: qui autem bellam illam & sapientem analogiam cal- lent atque colunt, quam comparationem cor- pus cum animo, aspectus cum mente, lumen cum veritate habet, eandem esse in vi Solis propor- tionem cum Apollinis natura comparatam cen- sebant, ab hoc, qui semper est, illum, qui sem- per gignitur, generari propagariq; existiman- tes. Sol enim in sensu, despiciendi vim accendit, promouet, & excitat: in animo diuinationem Apollo. Qui autem opinantur vnum & eundem

Deum esse, meritò Apollini & Terra commune oraculum tribuunt, vt qui existiment, à Sole affectionem illam & temperationem ingenerari terra, vnde diuinus anhelitus emittatur. Ipsam igitur terram, quemadmodum Hesiodus rectius quam nonnulli philosophi sentiens, firmiter omnium solum appellauit, item & nos sempiternam illam quidem esse & interitus expertem existimamus: eius tamen potestates alijs locis aboriri, alijs oriri, aliunde demigrare, aliò immigrare verisimile est, & huiusmodi vices in ea sepe numero toto auo quodam orbe volui, vt ex ijs quæ videmus, coniectura capi potest. nam lacus, & amnes, & vero sæpius aquæ calida alibi deficiunt, & in totum pereunt, alibi tanquam aufugiunt & oblirescunt: deinde longo postea temporis intervallo, vel ijsdem, vel propinquis locis scatere cernuntur: metalla etiam euanescere non mirum, vt argenti venas in Attica, & aris in Eubœa, vnde fabricabantur durati aquæ rigore gladij, vt Aeschylus ait, Aciem rigentem is ensis Euboici capit: nec ita sanè pridem vena illa Carysti molles lapidum glomos, qui in Licia deducebantur, suppeditare desuit. Nonnullos enim vestrum arbitror, mantilia, plagulas, retia, ex ea materia texta vidisse, quæ neq; amburerentur, & si usu sorderent, in flammam coniecta nitida & splendida referrentur. Nunc obsoleuit, & vix

tan-

tanquam fibra quadam & capillamenta tenuia
 in illis metallis intercurrent : atq; horum qui-
 dem omnium Aristoteles in terra effectricem esse
 tradit exhalationem, quā cum tales naturas pa-
 riter deficere, locum mutare, contraq; tanquam
 efflorescere necesse sit. Idem igitur de anhelitu,
 quo ad diuinationem inflamur, sentiendum est,
 in eo non esse vim sempiternam & senij exper-
 tem, sed vicissitudini & mutationi obnoxiam.
 nam & imbris immensis extingui probabile
 est, & fulminum iactu dissipari, potissimumq;
 cum terra mouit, & altē facta labe desedit, &
 in imo sequuta conturbatio est, exhalationes lo-
 cum mutare, aut penitus excacari, vt hīc exta-
 re magni terramotus vestigia narrant, qui etiam
 urbem euerterit. Orchomeni dicunt, grassante
 peste multos interysse mortales, ac tum oracu-
 lum Tiresia in totum extinctum esse, & ad hanc
 diem ignauum mutumq; permansisse. Idem ne
 verò Cilicia oraculis acciderit, vt fando audiui-
 mus, nemo te, Demetri, nobis melius narraue-
 rit. Et Demetrius, Haud equidem, inquit, qua-
 lia nunc illa sint, scio : iampridem enim, vt sci-
 tis, à patria peregrinor. Illic autem cum essem,
 etiam tum Mopsi & Amphilocho opertum vige-
 bat : ac quiddam de Mopso maxime admiran-
 dum commemorare possum. Cilicia praeses vt in-
 firma perfidia est, (sceleratus enim erat, & ne-
 farius)

farius) de Dijs immortalibus dubius animi & incertus harebat. Is cum haberet circum se quosdam Epicureos, qui bella illa natura ratione freti rebus huiusmodi, vt ipsi loquuntur, illudunt, libertum vt in hostium regionem speculatoris ornatu mittit, cum obsignata tabella, in qua nemine conscio scripta interrogatio erat: qui cum in delubro incubuisset, vt consuetudo est, & obdormisset, vbi illuxit, tale somnium renuntiavit, visum sibi esse hominem videre coram formosum, qui tantum loquutus nigrum, nihilq; praterea, continuo discessisset. Id verò nobis omnibus absurdum videri, & magnam dubitationem afferre. Praeses autem percussus, admirari, venerari, resignataq; tabella interrogationem ita scriptam nobis ostendere: vtrum tibi candidum bouem an nigrum immolabo? Quo factum est, vt & Epicurei erubescerent, & ille sacrificium illud faceret, perpetuoq; Mopsu coleret. Qua Demetrius cum dixisset, siluit. Ego verò hic cum vellem summa quadam concludere disputationem, ad Philippum & Ammonium, qui vnà sedebant, fortè respexi. Itaq; vt visi sunt aliquid disserere velle, me retinui. Atq; Ammonius, Habet, inquit, Lampria, Philippus quod de ijs qua dicta sunt, loquatur: existimat enim ipse, vt & pleriq; Apollinem non diuersum à Sole Deum esse, sed eundem: mea autem maior est dubitatio,

maio-

maioribusq; de rebus instituitur. Modò enim nescio quo pacto diuinationem à Dijs remouimus, & in Demonas apertè amandauimus: nunc eos hinc exigere & expellere videmur, cùm principium diuinationis, atq; adeò naturam & vim in oraculo & cortina ad spiritus vapores expirationesq; referamus. Quam enim diximus temperationem, calorem, & tanquam ferro tingendo conceptam aciem atq; firmitatem, quantò magis animos à Dijs abducunt, & talem quandam causse excogitationem inducunt, quali facit vti Cyclopem Euripides:

Tellus coacta seu velit seu deneget,

Pecus saginat graminis foetu meum.

Verùm negat ille quidem se Dijs immolare, sed sibi soli, & maximo Demonum ventri: nos autem qua tandem mente, quo consilio ob oracula, Dijs victimas cadimus, Deos precibus veneramur, si in seipsis animi diuinationem gerunt, quam amabilis quædam temperatio aut stabilis excitet. Iam antistitarum constitutio quid sibi vult? quid quod fors non editur, nisi hostia toto corpore, dum libamentis mactatur, ab imis vsq; articulis succutiat & contremiscat? Neque enim satis est quassari caput, vt in alijs sacrificijs, sed omnibus pariter artubus tremorem oportet cum trepido strepitu agitationeq; incessere. Quod si non fiat, oracula negant ab operto reddi.

nec introducunt Pythiam : atqui verisimile est eos, qui ista faciunt, & ex ritu observant, Deos, aut Dæmoni maximam causam ascribere : ut autem tute dicis, non est verisimile. Quippe cū aspiratio siue hostia tremat, siue non tremat, præsens afflatum allatura sit, & eodem modo animum affectura, non Pythia solū, verū quaecūq; etiam corpus attingat. Itaq; stultum est, vna muliere ad oracula uti, eiq; negocia exhibere, iniungenda perpetua castitatis conseruatione & incorruptæ puritatis, præsertim cū Coretas ille, quem primum Delphi serunt in oraculum incidisse, virtutemq; loci hominibus indicasse, nihil à reliquis caprarijs & opilionibus differret, si modo id fabulosum non est, nec fictum, ut mihi quidem videtur. Cum enim mecum reputo, quas vtilitates hoc oraculum Græcis attulerit in bellis gerendis, in oppidis condendis, in pestilentia, in annonæ penuria, iniquum esse iudico, fortuna casusq; temeritati, non providentia ac numini, eius inuentionem primordiumq; attribui. Aduersus, inquit, ista velim Lamprias differat : ac obsecro, Philippe, expectes. Et Philippus : Ego verò, inquit, ac libenter quidem, adeoq; omnes isti. Nos enim omnes oratio tua commouit. Tum ego Philippum compellans : Me, quidem, inquam, Philippe, non solū commouit, verumetiam planè conturbauit,

uit, præsertim cum in hoc vestro tot tantorumq;
 hominum confesso videar quadam orationis pro-
 babilitate præter atatem insolenter me vendi-
 tans, aliquid ex ijs labefactare & conuellere,
 quæ verè pieq; de Deo sentiuntur: respondebo
 tamen, Platonemq; testem & patronum adhibe-
 bo. Vir enim ille priscum Anaxagoram repre-
 hendit, quod naturalibus causis nimis implica-
 tus, & effectus, qui perpesiones & functiones
 corporum necessario consequuntur, persequens
 & exquirens, finem & efficientem, quæ pra-
 stantiores causæ sunt & principia, prætermiserit.
 Ipse autem vel primus, vel certè Philosophorum
 vnus maxime, vtrasq; causas persequutus est,
 vt qui Deo principium attribuat eorum, quo-
 rum molitio ratione constat, nec materiam ta-
 men spoliet causis operi necessarijs, sed intelligat
 istam aspectabilis huius vniuersitatis designatio-
 nem, nec puram, nec sinceram esse, verum ma-
 teria rationi copulata & coniuncta ortum ade-
 ptam. Ac primum in opificijs, ne longè abeas,
 vides ne vt hîc celebris illa crateræ sedes & na-
 tura, quam Herodotus Hypocrateridium appel-
 lauit, causas habet materiales, ignem, ferrum,
 mollitudinem ab igne, à lacu tincturam, quæ si
 desint, opus non fuerit: cum principium tamen
 etiam præstabilius, quod ea moueret, & eorum
 ope aliquid moliretur, ars et ratio operi tribuerit.

At qui imitatis istis & effictis simulachris, auctōr
& artifex inscribitur: Excidium hac Thasius
Troianū pinxit in ade Patre Polygnōtus Agla-
ophonte satus, vt eum sanē pinxisse constat:
non tamen absq; pigmentorum coloribus simul
tritū & inter se contaminatis fieri poterat, vti
pictura eum habitum speciemq; haberet. vtrum
igitur qui materiale principium attingat, qui
exquirat & doceat eas perpeſiones & mutatio-
nes, quas ſinopis cum ochra miſta, cum atra-
mento melinum temperatum ſuſcipiat & ſubeat,
de Polygnoti gloria detrahāt? Qui porro, vt
ferrum aciem & mollitudinem ducit, diſſerat,
quod igni ſcilicet remiſſum & ſolutum ducenti-
bus & turgentibus morem gerat, deinde in ſfri-
gidam merſum recentem, & frigore ob exortam
ab igne teneritatem & laxitatem conſtrictum &
compreſſum, firmitatem & rigorem acquirat,
quod Homerus appellat ferri robur, idcirco ne
minus artifiſci cauſſam operis ſeruet? equidem
non cenſeam. Nam & medica materia aliqui vi-
res explorant & probant, nec tamen medici-
nam euertunt. Denique nos Plato videre cum
cenſet oculi fulgore cum Solis luce quadam tem-
perature conſuſo, audire aëris plaga: non inſi-
ciatur nos ratione, & prouidentia conceſſu ac
munere vim audiendi & deſpiciendi conſecutos
eſſe. In ſumma, cum, vt dico, omnis procrea-
tionis

tionis duæ sint causæ, prisci illi Theologi & poëta
ad præstantiorem solam animum adiecerunt,
peruagatum illud rebus omnibus accincentes,
Principium, mediumq; Iouis, Ioue cuncta creata:
ad naturales & necessarias causas non item ac-
cessere: ijs posteriores, qui Physici vocati sunt,
contra quam illi, à præclaro diuinog; primor-
dio digressi, in corporibus & corporum affectio-
nibus summam posuerunt: quorum vtrorumq;
ratio inchoata est, neque suos numeros habet,
cùm alteri, cuius vi & à quo, alteri, ex qui-
bus & per quæ quæq; oriantur, vel ignorent, vel
prætermittant: qui autem primus vtrang; caus-
sam perspicue & plane attigit, & ratione agen-
ti cientig;, necessario quod acciperet & funge-
retur subiecit, is omnem etiam pro nobis suspi-
cionem & calumniam diluit. Non enim diuina-
tionem Deo rationeq; spoliamus, qui quidem
materiam ei humanum animum, spiritum autem
furore instigantem & anhelitum, tanquam in-
strumentum & stimulum attribuimus. primum
quidem cum generet illas expirationes ipsa ter-
ra, Sol omnem terra temperationis & mutatio-
nis causam affert, qui maiorum ritu et instituto
Deus est. Deinde genios laresq; quum præfectos,
circitores, custodes relinquimus, qui hanc tem-
perationem, tanquam modulatam & numero-
sam conctionē, pro re intendant et remittant,
& ef-

& effrenatiorem eius impetum ac perturbatio-
 rem moderentur & regant, innocuam autem
 sine offensione vlla impulsione vtentibus adhi-
 beant, nihil à ratione alienum, aut factu nefas
 facere videmur, neq₃ verò ante sacrificando, ne-
 que insulis vittisq₃ victimas coronando, neq₃ li-
 bamentis mactando, contra rationem istam faci-
 mus. Nam sacerdotes, & qui hostiam se sacri-
 ficare dicunt & immolare, eiusq₃ motum &
 horrorem obseruare, idcirco ista faciunt, vt Deus
 responsa edat. Victimam enim sacro aptam, esse
 oportet & animo & corpore puram, integram,
 incontaminatam. Quarum rerum documenta
 in corpore peruidere non est perdifficile: at ani-
 mam explorant, in tauris polenta, in capris ci-
 cere apposito: si enim non gustent, sana esse non
 putant. Capram frigida deprehendit, quod ani-
 mi non sit, vt natura fert, constituti, cum in-
 uergitur humor, nihil affici nec commoueri. Ego
 verò, vt pro certo constet argumentum esse Dei
 vaticinaturi, immolationem litatam esse, contrà
 non litatam non vaticinaturi: non tamen video
 quid istud officiat ijs qua diximus. vis enim omnis
 melius vel deterius in tempore, id quod valet,
 efficit & prestat: occasionisq₃ praterita Deum
 signa quædam dare verisimile est. Quare non
 putem eundem semper habitum esse respirationis
 illius, sed interdum remitti, interdum incitari.

atq; eius rei argumentum, quo nitor, testatum est, & multorum exterorum fide, & eorum omnium auctoritate, qui delubrum hoc colunt. Nam cella, in qua consultores oraculi sedere iubent, nec sepe, nec stato tempore, sed incertis utcunq; intervallis fragrantia repletur & aura, qualem suauissima & preciosissima vnguenta ex adyto tanquam fonte effunderent. Eam enim verisimile est, aut calore, aut alia quapiam inolefcente vi foras efferri. Quod si cui istud forte probabile non videtur, ac certe Pythiam alias aliter ac dissimiliter affectam habere eam animi partem, ad quam afflatus pertinet, nec vnum semper temperamentum, quasi concentum immutabilem, omni tempore retinere consueamini. Nam cum multa sentienti, tum verò multò plures caca & obscura corpus sollicitant, & in animum clam influunt molestiae & impulsiones, quibus oppletam illuc ire non retulerit, nec se Deo dare, non omni praesertim ex parte puram, tanquam instrumentum constructum & sonorum, sed perturbationis tumultusq; plenam. Nec enim vinum semper eodem modo ebriosum afficit, nec tibia fanaticum: sed iisdem modò remissius, modò vehementius, vel ad bacchationem incitantur, vel ad temulentiam impelluntur, temperamento in ipsis mutato. Inprimis autem pars illa animi, quae visis pellitur, corporis mutationibus

tionibus obtemperare, atq; pariter commutari videtur, vt ex somnijs perspicui potest. Interdum enim sit, vt in multis & varijs somniorum visis versemur, interdum vt perpetua sit ab ijs tranquillitas & quies. Cleonem quidem istum Dau-licensem nouimus, qui multis annis, quibus vixit, nullum vnquam somnium se vidisse affirmat: quod etiam ex antiquioribus de Thrasymede He-raensi memoratur. In caussa est corporis tem-peratio: contra melancholici insomniosi sunt, multaq; eis visorum imagines obuersantur: quanquam videntur eorum somnia plerunq; ve-raciora. Alio quippe atque alio subinde ea co-gitatione, qua conformationes & imagines ef-fingit, conuersa, vt qui multum iaculantur, sepe collimant. Cum igitur pars ea, qua visis pellitur & diuinat, probe affecta est ad afflatus, tan-quam medicamenti, temperationem, tum in-vatibus diuinum furorem generari necesse est: sin secus, vel non oriri, vel oriri tumultuosum, importunum, turbulentum, vt cognouimus in Pythia, qua nuper mortua est. Nam cum exte-ri quidam ad oraculum venissent, victimam fe-runt primas libationes inconcussam, nihilq; com-motam pertulisse: deinde sacerdotibus certatim vrgentibus modumq; transeuntibus, vix tandem latice obrutam & inundatam cecisse. Quid igi-tur accidit Pythia? nempe inuita, vt narrant,

nec

nec alacris ad opertum descendit : ac statim in primis responsis ex asperitate vocis perspectum est afflatui imparem esse, cum more navis propere currentis, muto & improbo spiritu abundaret : demum penitus consternata, & cum horrendo clamore in exitum properans, sese abiecit, ut non solum, qui ad oraculum consulendum venerant, sed etiam antistes Nicander, & quicumque sancti aderant, fugerent. Eam tamen paulo post ingressi sustulerunt resipiscentem & mentis iam compotem, diesq; paucos superuixit. His de causis Pythiae corpus à rebus venereis castum, & totam eius vitam prorsus à contagione & commercio alienigenarum remotam custodiunt, & ante oraculum signa capiunt, Deo notum esse existimantes, ecquando probe constituta & affecta sit, ut furoris afflatum sine noxa excipiat. Neque enim omnes, neq; eosdem eodem semper modo afficit afflatus, sed tanquam fomitem & principium praebeat, ut diximus, ijs, qui ita comparati sunt, ut sint ad perpeſionem & mutationem accommodati. Ac vis est illa quidem afflatus planè diuina, non tamen inexhausta, nec interitus & senij expers, nec perennis infinito tempore, cui omnia inter Lunam & terram interiecta nostra ratione succumbunt : nec desunt, qui summa illa celi templa atatem non ferre prædicent, sed aeternitate aui infiniti tandè fatiga-

fatigata & deficiente, celeriter immutari atq;
renouari censeant. Hac & mihi & vobis ma-
gnoperè auctor sim, vt sæpè etiam atq; etiam
consideremus, cùm præsertim multas reprehen-
siones habeant, suspicionesq; quæ in diuersum
ferant, quas non est opus nunc omnes persequi.

Quare & hæc differantur, & quæ Phi-
lippus de Sole & Apolline
addubitat.

ADRIA-

ADRIANI TVR
NEBI IN EVNDEM
LIBRVM DE DEFECTV
oraculorum annotationes.

A Quilas.] Credidit antiquitas Delphos
orbis terrarum medium esse, qua ex opi-
nione ab Ouidio scriptum est :

& orbe

In medio positi caruerunt praside Delphi.

& ab auctore obscœni carminis :

Pallas Cecropias tuetur arces,

Delphos Pythius orbis umbilicum.

Huic famæ accedebat fabula, quam interpres
Pindari refert, Ioui cupiditatem incesisse me-
dium terrarum metiendi : itaq, eum dimisisse
duas aquilas, paris celeritatis, (alijs, quemadmo-
dum Strabo scribit, coruos dixerunt) vnâ ab
ortu, alteram ab occasu, quæ Pythona concurre-
rint : in eiusq, rei argumentum aureas duas
aquilas illic postea dicatas esse. Pausanias scribit,
qui à Delphis appellatur umbilicus, eum è la-
pide candido factum esse, & à Delphis medium
terræ censerî. Ita veteres umbilicum Delphos di-
cebant, & locum quendam Delphis. In vetere
poëta, qui scripsit : O sancte Apollo, qui umbi-
licum certum terrarum obtines : Reprehendun-

K

tur

tur leuiter à Varrone quidam, quòd vmbilicum
dicerent ab vmbilico nostro dictum; quòd is me-
dius locus terrarum sit, vt vmbilicus in nobis :
quod vtrunq; ait Varro falsum esse, quòd neque
is locus medius terrarum sit, neq; noster vmbili-
cus hominis medius : sed Delphis in ade ad latus
foraminis esse quiddam, vt thesauri specie, quod
Græci ὀμφαλὸν dixerunt, id est, vmbilicum, at-
tamen vt verum sit, quod Varro ait, vetustas
credidit Delphos esse terrarum medium, vt ex
ijs quæ posui, apparet : sed & ex Liuiο sic scri-
bente : Verum etiam Delphos quondam com-
mune humani generis oraculum, vmbilicum or-
bis terrarum Galli spoliauerunt : & locum quen-
dam præterea illic ὀμφαλὸν appellauit.

Epimenidem] qui parum tribuebat diui-
nationi, cum tamen ipse vates esset, verum non
de futuris vaticinabatur, sed de præteritis. quæ
obscura & ignota alijs essent. Aristoteles : καὶ
ὅτι περὶ τὸ γεγονὸς, ὃ ἐπιστητὸν ἦδ' ἡ καὶ τοῖς μάντε-
σιν, ὡς ἔφη Επιμνίδης ὁ κρητ. μένος γὰρ περὶ
τῶν ἐσομένων οὐ ἐμαντεύετο, ἀλλὰ περὶ τῶν γε-
γονότων μὲν, ἀδήλων δὲ. Paulò post in codice
Græco lego, καὶ ὅτι πλείονα. rursum, τὸν ἑταῖρον
τῷ ἀποάγοντος, non τὸν ἑταῖρον : præterea καὶ γέ-
λοιον φάντος censeam legendum, non ἀφέντος.
mox etiam, ἐμφύεσθαι, non ἐμφύεσθαι. Hic ta-
men non constitui codicem Græcum emendare
nisi

nisi paucis admodum locis : nam omnium emendatio maioris esset operis.

Nouaculam.] Locum significat, vt reor, qui apud Homerum Iliad. κ'. extat, νῦν δὲ δὴ πάντες οἱ ὅτι ξυροῦ ἴσεται ἀκμῆς. Locus proximus de fœnore extat lib. 3. ὁδυσεΐας, quo ex poëta loco Plutarchus ita emendandus est, ὅτι τοῦ χρεῖος ὁφέλλεσθαι φησιν οὗτι νέον οὐδ' ὀλίγον πρὶς, ὥς τῷ ὁφέλλεσθαι τὸ αὐξάνειν δηλοῦντος.

Citam.] Variè δολὴν νύκτα Grammatici exponunt, quidam quietam, quia membra depouunt somno animantia, à δῶ, quod est pono : alij velocem explicant, à δέω, curro, quòd nobis non sentientibus & dormientibus citò praterire videatur. Alij citam, acutam & fastigiatam per metalepsin interpretantur : quam sententiam hîc commemorat Plutarchus, quòd umbra terra, quæ nox est, in metam se colligat : sed & alio in loco idem scribit, καὶ τὴν σκιάς αὐτῆς λεπτὴν ὄν τὸ ἀνω καὶ στενὴν, οὐδὲ ὁμηρον, ὥς φασι, ἔλαθιν ἀλλὰ τὴν νύκτα δολὴν, ὁξύντητι σκιάς προσηγόρευεν, id est, & summum umbrae eius tenue & angustum esse, ne Homerum quidem latuit, vt aiunt, sed noctem citam ob acumen umbrae appellauit. Crates citam simpliciter accepit, quod vt Sol ce-
rat, ita nox e regione properet. Locus Homeri est Iliad. κ'.

Ἡρώς δέ μ' ἰόντα δολὴν διὰ νύκτα μέλαιναν.

K 2 Odyf.

& Odyss. μ'.

Αλλ' αὐτως διὰ νύκτα δολὴ ἀλάλητος ἀνωγας.

Congium vel heminam.] Ptolemaeus, Proclus, Cleomedes scribunt, veteres magnitudinem solis esse mensos clepsydri, obseruatis aqua cyathis, qui fluxissent, dum se proferret super finitorem Sol, & qui fluxissent, dum circumacto orbe ad alterum ortum venisset. Ita enim cyathorum numero inito, & comparatione perspecta, eos collegisse quota esset Sol orbis sui pars: hoc tamen genus mensurae non probat Ptolemaeus.

Laterculum.] Nomen habet hoc instrumentum à parui lateris figura, quae quadrata est, procerior tamen, cuius forma quadrantes ad horarum inuestigationem inumbrantur à Mathematicis. In eo laterculo linea quaedam, ut ex Vitruvio cognosci potest, planities dicebatur, in quam incidebat equinoctialis umbra, index eleuationis cardinis Septentrionalis. Nam cum ex ea umbra declinatio equinoctialis intelligatur, etiam eleuatio Septentrionis eadem opera cognoscitur, cum radio equinoctiali ad rectos angulos respondeat axis mundi. Ptolemaeus laterculo explorat declinationes Solis brumam versus & solstitium lib. primo magna constructionis. Laterculum etiam Plautus pro panificio quodam quadrato operis dulciarij posuit à forma. Eius verba sunt:

Nil nisi laterculos,

Ses-

Sesamum, papaueremq³, triticū, et frictas nuces.

Syenæ.] Plinius : Simili modo tradunt in Syene oppido, quod est supra Alexandriam quinque millibus stadiorum, solstitij die medio nullam umbram iaci : puteumq³ eius experimenti gratiā factum, totum illuminari, ex quo apparere tum Solem illi loco supra verticem esse. Idem & à Strabone refertur lib. decimo septimo. Sed & illud Maronianum :

Tres pateat celi spatium non amplius vlnas, quidam de eo puteo exposuere. γνῶμενα dixi Solis umbilicum, Plinium secutus, qui ita scribit : Solis itaq³ umbilici (quem gnomonem appellant) umbra, & cetera.

Ignis colitur.] In Prytaneis, quæ erant, ut interpretatur Linius, urbium penetralia, ignis perpetuus & inextinctus erat. Suidas πρυτανείον πυρὸς ταμείον, ἔνθα τῷ ἀσβεστον πῦρ, καὶ ἡύχοντο.

De oraculo potius.] Ammonis oraculum erat olim, ut Mella scribit, fidei incluta, ubi responsa oratione non dabantur, ut Delphis, quemadmodum scribit Strabo, sed nutu & signis : qui & oracula minore in dignatione fuisse ex eo dicit, quod Romani, qui rerum potiebantur, alia diuinationis genera colerent ex auibus, extis, libris Sibyllinis.

Quam Lebadia.] Gracè legendum est,

ἢ ἐν Λεβαδίᾳ ἢ Βιωτίᾳ, in Eusebio legitur, ἢ
 περὶ λεβαδίας. erat autem Lebadia Trophonij
 oraculum.

Atq; vtriusq; finem.] Hic miserè deprava-
 uata sunt verba Græca, vt intelligi nequeant :
 voluisse tamen Plutarchum dicere existimo, ora-
 culum barbaris barbara voce editum fuisse, ita
 vt ab antistibus & flaminibus non intelligeretur,
 qui barbarè nesciebant. Id quod hic Plutarchus
 de Amphiarai oraculo refert, Pausanias narrat
 de oraculo Apollinis Ptoi: eius verba ascribam :
 μαντεῖον ὡς αὐτόθεν ἀΐουδες. καὶ ποτε ἄνδρα
 εὐρωπέα, ὄνομα δὲ οἱ ἔξ' μὲν, τῶτον ἀποσάλιν-
 τα ὑπὸ μαρδονίου τὸν μὲν ἐπέειπε τῇ φωνῇ τῇ
 σφετέρᾳ, καὶ οἱ χεῖναι τὸν δειδόν, οὐχ ἐκλωίσαντα
 οὐδ' αὐτὸν, διαλέκτῳ τῇ βαρβαρικῇ, id est, ora-
 culum erat illic minimè mendax, atq; aliquando
 hominem Europeum nomine Mun, a Mardonio
 missum, oraculum consuluisse sua voce, eiq; De-
 um respondisse, ne ipsum quidem Græcè loquen-
 tem, sermone barbarico. Proinde legendum in
 Plutarcho puto, ἀπεπειράθυμῳ, ὡς ἔοικεν ἀμφο-
 τέρων, ὃν ὁ μὲν τῷ μαντείου προφήτης φωνῇ αἰο-
 λίδι χρώμενος, τῷ πρὸς τοὺς τῆς βαρβαρῶν χεῖντόν.
 sed & paulò post lego ὁρίων παρόντων ἐκείνων.
 cum praesertim scribat in huius libri calce Plutar-
 chus, καὶ τὸν προφήτην Νίκανδρον, καὶ τοὺς παρόν-
 τας τῆς ὁρίων : & in Hellenicis scribat quinque
 ὁρίους

/ ὁῖός τις fuisse Delphis perpetuos toto vita tempore, qui in rebus diuinis antistitem adiuuabant.

Seculum.] Seculo nonnulli, vt Artemidorus ait, septem tribuerunt annos: Zeno, vt ait Censorinus, xxx: Heraclitus, si Censorino credimus, xxv. annos. nam Plutarchus Heraclitum dicit xxx. annos dedisse seculo: alij centum octo, vt Plutarchus hic scribit: quod autem Plutarchus ipse dicit, nouum est & inauditum, seculo annum significari. γὰρ αὐτὴν δὲ dicitur, quia orbis ætatis est triginta annorum spaciū, vt Censorinus scribit. Orbis autem ætatis est, dum natura humana ad sementem reuertitur.

Ex vnitæte.] Id est, ex vno, duobus, tribus, quatuor, nouem, octo, vigintiseptem.

Deflagrationem.] Stoici censent mundum longinquis temporib. modò eluisione perire, modò deflagratione, postea renouari: quam opinionem etiam nonnulli in Hesiodi & Orphei poematis & Heracliti libris nimis ingeniosa interpretatione reperire conabantur, & eam sententiam illis auctoribus tribuebant, de qua nihil vnquã fortasse cogitarant. Locus proximus valde corruptus est, è quo sensum, quem potui, erui: puto tamen legendū in eo esse pro ὅτι τὸς, ὅτι ἐναυτὸς: & mox, ὁ δὲ ἐναυτὸς & ὁ ἐλέχων.

Olympicam tellurem.] Plutarchus in

libro qui inscribitur περὶ τῆς ἐμφανουμένης προσώ-
που τοῦ κύκλου τῆς σεληνῆς, Lunam terram esse dis-
ferit contra Peripateticos Stoicos, vbi ne astrum
quidem esse contendit. Illic etiam Olympicam
terram vocat his verbis, πολλοὶ δέομεν ἀνθρώποι
τὴν σεληνὴν γῆν οὔσαν ὀλυμπίαν, ἃ ψυχὴν
ἡγεῖσθαι σῶμα, καὶ ἀνοῦν, καὶ ἀμοιεῖν, ὣν ἀπάρεχε-
ται διῶς προσήκει. habitari etiam, vt Cicero ait,
Xenophanes in Luna putauit, eamq; terram esse
multarum urbium & montium: quod & Plu-
tarchus scribit in eo lib. Ceterum in Plutarcho
pro μικρὸν δὲ σῶμα καὶ μίμημα δαιμόνιον, le-
gendum censeam, μικτὸν δὲ σῶμα καὶ μίμημα
δαιμόνων, si quis μικρὸν defendit, exiguum in-
terpretetur.

Cum capitis iactatione.] Codex Gra-
cus ex septimo Symposiaco libro est emendan-
dus, vbi integrior scriptura extat verborum Pin-
dari, μανίαι τ' ἀλαλαί τ' ὀρνέμεναι. Libro ta-
men primo Sympos. legitur, vt hic, ἀλλαι, pro
ἀλαλαί τ'. mox pro οὔτε μάχην ἀνέχονται, le-
γο οὔτε μάττω ἀνέχονται. sed & pro καὶ ἐρχό-
μενοι καὶ ἐλάποντες, ex Eusebio emendandum est,
καὶ καταρχόμενοι καὶ σφάπτοντες.

Palma alter.] Nam ferunt Latonam prope
oleam & palmam peperisse: Catullus:

Quam mater prope Deliam deposuit oliuam.
Homerus ἀμφὶ δὲ φοίνικι βάλε πῆχυν. Tegyris
autem

autem prope riuos duos ita vocatos, eam peperisse quidam censebant. Hic ex vetere libro in Plutarcho legendum est, δά τισιν δ' ἐλαίαν καλεῖται.

Conciliabulum.] Habebant enim multi populi suos Delphis thesauros. Illic quoque locus quidam conciliabulum dicebatur. Sic verti λέγεται. eius loci sic meminit Pausanias, ἐς τὴν οἰκημα ῥεαφὰς ἔχον τῶν Πολυγνώτου, ἀναθήματα μὲν Κυδίων. καλεῖται δὲ ὑπὸ Δελφῶν Λέχη, ὅτι ἐν ταῦθα συσιέντες τὸ ἀρχαῖον, τὰ τε προυδαιότερα διελέγοντο, καὶ ὅποια μυθώδη, id est, domus est picturas habens quasdam Polygnoti, à Cnidij dicatas : vocatur autem à Delphis Lesche, propterea quod eo olim conuenientes, & seria & fabulas narrabant.

Nec iterum Hercules.] Narrabant Delphi, ut Pausanias scribit, Xenocleam Pythiam Herculi Amphitryonis filio oraculum consulenti, respondere noluisse propter Iphiti cadem, ac eum cortinam continuo rapuisse, & extra templum tulisse : Pythiam, id cum videret, Herculi respondisse, eumque cortinam reposuisse. Poeta etiam Herculem cum Apolline de oraculo Delphico pugnasse canunt.

Desine Deum irritare.] Apollinem intelligit, quem quidam Solem esse censent, alij Solis patrem & dominum, qui sub oculos non cadat.

Pythicas pactus.] Hanc disputationem fingit habitam Pythiorum tempore Plutarchus : eo autem tempore , etiamsi bellum esset inter Gracos , vt illius celebritatis & sacri participes essent , inducia erant.

A Dracone fœmina.] Quam Graci ποῖρα δελφικὴν appellauère : et si etiam nonnulli masculino genere.

Eurycleas.] Eurycles, inquit Aristophanis interpres , ventriloquus fuit Athenis , qui vera hariolari censèbatur , quòd genium haberet intra viscera. Ab eo harioli ἑρασπίται & εὐρυκλῆται vocabantur. Suidas, Eurycles , omnis ventriloquus , inquit , vocatur : ab Eurycle , qui talis hariolus fuit. Aristophanes mentionem eius his versibus facit : (voici,
Μιμντάμπος πῶς εὐρυκλέους μαντείαν καὶ διά-
εις ἀλλοτρίας γαστέρας ἐνδὺς κωμῶδικὰ πολλὰ χέ-
αδς. Nec verò tantum homines sic vocabantur , sed etiam genij , qui ventres hominum subibant , vt in hoc Plutarchi loco. Mox nescio quid tale deesse integritati sententia in codice Graco videtur , ὃ γὰρ δεδὸν ἐγκαταμινύς , sed & paulò ante pro φασὶ censui melius legi φημί. quòd si quis illud alterum probat , dicunt , interpretetur.

Postremò homines.] Plus est aliquanto in Eusebio , quàm in codice Graco Plutarchi : additur enim ἔξ ὧν εἰσὶ ποιεῖν πῶς μεταβολῶν ,
τὸ μὲν

τὸ μὲν χρυσοῦ γένους, εἰς δαίμονας πολλοὺς κα-
γαθοὺς. τὸ δ' ἡμιθέων, & cetera. quæ quidem
interpretationi meæ expressa Latine intexui.
Paulò post autem pro ἀναλυομένης τοῖς σώμασι,
vide num ἐνδυομένης melius legatur.

Terna virefcentum.] Versus Hesiodi la-
tine sic redditi sunt :

Ter binos deciesq; nouem superexit in annos
Iusta senescantum quos implet vita virorum :
Hoc nouies superat viuendo garrula cornix :
Et quater egreditur cornicis secula ceruus.
Alipedem ceruum ter vincit coruus : at illum
Multiplicat nouies Phœnix reparabilis ales,
Quam vos perpetuo decies prauertitis aeo
Nymphæ Hamadryades, quarum longissima
vita est.

Horum autem versuum interpres, quem Virgi-
lium nonnulli, alij Ausonium fuisse dicunt, in
Hesiodo non ἠσώντων sed γηγόντων legit.

Ad Tempe progressa.] Plutarchus in
Hellenicis, tres Enneëteridas dicit à Delphis ce-
lebratas fuisse, Septerium, Heroida, & Chari-
lan. Septerium imitatio erat pugna Apollinis
cum Dracone, & fuga post pugnam ad Tempe.
Nam Apollinem alij eo dicebant fugisse ad expia-
tionem cadis, alij secutum esse Pythonem sauci-
um & fugientem, ea via quæ sacra dicebatur.

Alastoras.] Plutarchus in Hellenicis,
ἀλάστορας

ἀλάσως, inquit, κέκληται ὁ ἄλυστα καὶ πολὺν
 χρόνον μνημονευθεὶς διδρακῶς. ἀλιτήριος δέ,
 ὃν ἀλύσας καὶ φυλάξας διὰ μοχθηρίαν καλῶς
 εἶχεν, id est, *Qui non obliuiscenda, sed diu me-*
moriam hæsura patrauit, Alastor appellatus est :
Aliterius autem, quem vitare & cauere ob im-
probitatem & scelus conuenit. Ac de hominibus
illic accipit Plutarchus, hic παλαμναῖοι & ἀλά-
στορες mali sunt genij, illi à nomine παλαῖος,
quod est vetus: hi ab ἄλυστος, quod est inoblitus,
appellati. Latini eos genios sæpe etiam appellant
furias, laruas intemperias, lemures.

Empedoclis versibus.] Versus quidem
Empedoclis referuntur de Daemonum pœnis,
quos subscripsi: (γαῖ

Πόντος ὃ χρόνος οὐδας ἀπέπυσσε, γαῖα δ' ἐς αὐτὸν
 Ἡελίου ἀκράμαντος. ὃ δ' αἰθέρος ἐμβαλεῖ δύναις.

Ἄλλος δ' ἐξ ἄλλου δέχεται, συγκέουσι δ' πάν-

Αἰθέριον μὲν γὰρ σφει μῦθος πόντον δ' οὐρανόν. (ῥε.

Hunc Plutarchi locum citat Theodorus in lib.
de oraculis.

Ad eum Philippus.] Ex Eusebio perso-
nam inserui. Itaqz, Græcè legendum est, πρὸς
αὐτὸν ὁ φίλιππος, ἀλλὰ.

Democritus.] Eadem Democriti verba
Plutarchus in vita Aemylj, statim initio refert,
quæ hic ascribam: Δημόκριτος μὲν γὰρ οὐχ ὁρᾷ
φῆσι δὲν, ὅπως οὐλόγῃων εἰδῶων τυγχάνωμεν,
καὶ

καὶ τὰ σύμφυλα, καὶ τὰ χρεῖα μάλλον ἡμῖν ἐκ
τῆ πεύχοντος, ἢ τὰ φαῦλα καὶ σκαιὰ συμφέ-
ρται, id est, Democritus enim optandum esse
dicit, ut simulachra fausta nobis obtriant, &
ut ex circumiecto aëre, secunda & felicia potius
quàm dira & sinistra eueniant.

Ad Palodes.] Trapezuntius in Eusebio,
si libri non sunt deprauati, vertit paludem: ego
putem, παλῶδες verbum esse Doricum, & sic
illis in locis locum appellatum à cæno & luto,
ut & Paxa & Paxi Doricè vocantur à πῶγνυ-
μι, quòd, ut reor, illic scopuli sint & cautes.
Sed & quodam loco de quodam mari scribit
Plutarchus hunc in modum, βραδύπορον γδ ἔστι
καὶ πηλῶδες ὑπὸ πλῆθους ῥευμάτων τὸ πέλαιος,
quod etiam dicitur de mari ad ostium Acheloi.

Propter Britanniam.] Mella scribit Se-
nam in Britannico mari esse Osismicis aduersam
litoribus, Gallici numinis oraculo insignem, cu-
ius antistites perpetua virginitate sanctas, nu-
mero nouem esse tradi, quas Galli Senas vocent.
Sic in Pomponio lego, aut ut in scripto lib. Ze-
nas, non ut vulgò Gallicenas. Ea insula vna ex
ijs fortassis est, quas hîc memorat Plutarchus.
Dionysius Afer in illis insulis à mulieribus sacra
Baccho fieri scribit:

Αγχι δὲ νησιῶδων ἑτερες ὄβριες, ἐνθα γυναικίς
Ἀνδρῶν ἀντιπέρεθεν ἀγοῶν ἀμνητιῶν

Οὐκ ἐν

Ορνόμβραι, τιλείουσι καὶ νόμον ἔχει βάνχω.
 Plutarchus in lib. περὶ τῆ ἐμφαινομένης προσώ-
 πους τῶν κήλων τῆς σιλικῆς, de insulis istis Britan-
 nicis multa differit, & in earum vna Saturnum
 vinctum esse scribit his verbis, ὃν ἐν μιᾷ τὸν
 Κρόνον οἱ βάεβαροι καθέειχθαι μυθολογοῦσιν ἔπει-
 τ' Διός. dicit autem ex eo mare Cronium esse
 vocatum, & incolas sacros censerī, insulamq;
 eam esse egregia aëris temperie: Saturnum au-
 tem in antro profundo pumicis aurei dormien-
 tem teneri: esse enim ei somnum ab Ioue pro
 vinculo immissum: aues ambrosiam asferre, cu-
 ius odore totus locus flagret: Dæmonas famulos
 ei multos additos esse, a quibus obseruetur, a
 quibus ei ministretur & seruiatur.

Stoicos.] Stoicis in exustione Dii omnes
 præter Iouem moriuntur, & rerum vniuersitas
 in vnum Iouem, id est, ignem tota mutatur.
 Ita non solum Dæmonas mortales esse Stoici
 censent, sed etiam Deos.

Fabulam appellantes.] Velleius Epicu-
 reus apud Ciceronem de natura Deorum: Audi-
 te, inquit, non futiles commentitiasq; sententias,
 non opificem adificatoremq; mundi Platonis de
 Timeo Deum, nec anum fatidicam Stoicorum
 ὀρνόμβραι, quam latine licet prouidentiam dicere.

Vocem sanctissimam.] Puto significari
 Dæmonem, id est, quidni Dæmonas esse dica-
 mus?

mus? Itaq³ hīc legendum Gracē censeo, οὐδὲν
 σωφέλεται, non πολλά.

Non ad permanſionem.] Eam eſſe pu-
 to ſententiam Plutarchi quam expoſui, vt codex
 Gracius caſtigandus ſit in hunc modum Ἐὶ ἀδε-
 ρὲς λέγομαι, οὐ πρὸς. mox etiam caſtigo ἐπεὶ
 καὶ τῷ ζῶν. Nam male eſt & vitioſe, vt reor,
 in omnibus, δεινόν.

Temperatus crater.] Poſt conuiuium
 ſolebant Graci craterem in medio conuiuiarum
 ponere, à qua conſuetudine illud Plutarchus in
 Sympoſio ſcripſit, ἀλλ' αἱ μοῦσαι καθάπερ κρα-
 τῆρα νηφάλιον ἐν μέσῳ προθέμεναι τὸν λόγον :
 & à Marone canitur :

Postquam prima quies epulis, menſaq³ remota,
 Crateras magnos ſtatuunt, & vina coronant.
 etſi aliter locus iſt' à Seruio exponitur. Tum
 enim libatio fiebat remotis menſis, & inuitatio.

Pro peregrina pecunia.] Hoſ ſermo-
 nes non multo pluris quàm pecuniam peregri-
 nam, quæ non eſt tanti, quanti vernacula, ſæ-
 peq³ improbatur, fecerit, cùm rationibus nitan-
 tur parum firmis, multaq³ in diuerſum occur-
 rant.

Herbæ fructum.] Epimenides cibū quen-
 dam medicatum ſibi parabat, cuius exiguo mo-
 mento ſe ſuſtinebat, vt Plutarchus in Sympo-
 ſio ſcribit, cuius verba ſunt, ἀεὶ οὖν, ἔφην, καὶ τὸν
 ἑταῖον

ἐταῖρον ὕμῶν, Σόλωνος ὃ ξένον ἐπιμερίδω, νό-
μος τις ἀπέχεσθαι τῆς ἄλλων σιτίων καλῶς, τὸ δὲ
ἀλίμον δυνάμειος, ὡς ἡδονῇ αὐτὸς σωτήθησι,
μικρὸν εἰς τὸ σῶμα λαμβάνοντα διημερεύειν ἀνά-
ρισον καὶ ἀδειπνον, id est, An igitur, inquit,
Epimenidem sodalem vestram, Solonis hospitalem
lex aliqua omnibus alijs abstinere cibis cogit,
verum materia alime, id est, famem arcantis,
quod scitamentum ipse componit, momento in
os indito impransum & incœnatum diem totum
durare? Eius rei ita meminit in lib. περὶ ἀποχῆς
ἐμψύχων Porphyrius, ὡς εἶθε πῶς μυθευομένη
ἀλίμον καὶ ἀδείπον εὐπορον ὡς κεκτῆσθαι, id est,
quod vinam alimon illam & adipson, de qua
fabulantur, liceret comparare.

A Themide custodiebatur.] Ante Apol-
linem Themis oraculum Delphicum tenuisse di-
citur. Proinde Ovidius scribit eam oraculo præ-
fuisse diluvij tempore:

Fatidicamq; Themim, qua tunc oracula tenebat.
Aeschylus in Eumenidibus primam omnium ter-
ram oraculum Delphicum tenuisse dicit: deinde
Themim, postea Phœben: postremo Phœbum.
Eius verba sunt:

Πρωτον μὲν εὐχῇ τῇδε προσέειπεν θεῶν
Πῶς πρωτόμαντιν γαῖαν. ἐκ δ' ὃ τ' δέμιν,
Ἦν δ' αὖτα μετὰς δευτέρα τὸ δ' ἔξετο
Μαντείον, ὡς λόγος τις. ἐν δ' ὃ τὰς τρεῖς

Δάχαι

Λάχει θελούσης οὐδὲ πρὸς βίαν τινὸς
 Τιτανὶς ἄλλη παῖς χθονὸς καθέζετο
 Φόβῃ, δίδωσι δ' ἢ γενέθλιον δόσιν
 Φόβῳ.

*Arsalo, Dryo.] In Theodorito scribitur
 Arsalus, Aryus, Tosobis. In Eusebio, Arsalus,
 Arytus, Tosobis. In quibusdam etiam exempla-
 ribus scribit interpres Theodoriti, scribi pro
 Aryo, Bryum.*

*Centum octoginta tres.] Procli verba
 è commentario in Timaeum apponam, qua ad
 hunc locum valde pertinent: ἦδη γὰρ τινος ἡκου-
 σα δόξης βαρβαρικῆς, ὡς Πλούταρχος ἰσχυροῦται
 ὁ χαίρωνος, ἐν ἐνὶ τριγώνῳ ἰσοπλευρῷ, καὶ μὴ τὸ
 μέσον ἔῃ τὸ νοητὸν, καὶ καθ' ἐκάστω ὃ πλευρὰν
 περὶ ἐκείνο κόσμους ἐξήκοντα, καὶ καθ' ἐκάστω
 γωνίαν ἓνα, τοιοῦτος οἷος ὁ ἡμᾶς περιέχων. ὥστε
 ἔῃ τρεῖς ἡγεμόνας, καὶ τρεῖς ἐξήκοντα ἄλλους ὑπὸ
 αὐτοῦ. ἡγεμονικωτέρους γὰρ ἔῃ τὰς γωνιακοὺς
 καὶ πλευρικῶν. & cetera. id est: Iam etiam
 quandam audiui barbaricam sententiam, quam
 Plutarchus Charonensis memoravit, in vnius
 trianguli aequilateri medio esse, id quod intelli-
 gentia comprehenditur: circum autem id in sin-
 gulis lateribus mundos sexaginta collocatos esse,
 & in singulis angulis singulos, tales eos, qualis
 hic qui nos circundat: ita ut tres duces sint,
 & ter sexaginta sub eis. angulares enim latera-*

libus ad ducendum accommodatiores esse.

Et campum veritatis vocari.] *Ut hic regio falsi est & opinabilis (nihil enim hic ferè certi est, paucaq; admodum certò exploratòq; scimus, sed vel plerunq; fallimur, vel opinamur) ita in eo mundo, qui ratione & intelligentia percipitur, in quo formæ & exemplaria verum sunt, inest veri regio & sedes. Huius campi veritatis meminit in Phædro Plato his verbis: οὗ δὴ εὖρεται ἡ πολλὴ ποταμὸς, τὸ ἀληθὲς ἰδεῖν τῶν δῖον οὗ ὄντων. id est, Cuius quidem caussa magnum studium est cognoscendi, vbinam veritatis campus sit. Quod etiam mox de tempore Plutarchus scribit, & de animis humanis, quàm proximè accedit ad Platonis sententiam.*

Opinionem euerterit.] κατέλαβι puto gracè legendum potius, quàm κατέλαβι: quam hic non institui codicem gracum emendare, qui infinitis scatet mendis. Dicit autem Platonem verbo nulla adiuncta ratione subuertisse opinionem illam de mundorum multitudine, cum scripsit in Timæo, dictu verius esse, vnum mundum esse.

Probitate perfecta.] Non solum animatum esse mundum dicit, verum etiam omni virtute præditum, & ut Plato & Stoici censent, Deum.

Ne si quid foris eius.] Platonis est in Timæo

Timaeo sententia, vniuersam materiam in hoc mundo esse collocatam, ne qua pars extra excederet, quae aliqua impulsione mundum labefactaret & frangeret, & ad morbum senectutemq; compelleret, quae sententia non magnopere Plutarchum hic mouet.

Ad incorporeum & indiffer.] Eadem ferè est contra Aristotelem disputatio in libro περὶ τῆς ἐμφανομένης ποσότητος τοῦ κύκλου τῆς σελήνης. Nam corpora inanimata quomodo mouebuntur ad incorporeum, id est, ad medium, quod indiuiduum est, corporeq; caret? ac mirum est reliqua omnia supera vocari, centrum solum, quod indiuiduum est, imum: sic fiet, ut nulla pars terrae in imo sit, cum pars nulla indiuidua sit, sed terra suum ambibit locum, non occupabit.

περὶ δυνάμεως.] Locus ex lib. 4. περὶ δυνάμεως à Plutarcho in lib. de repugnantibus Stoicis, cum Chrysippi reprehensione affertur, qui ita habet: ἀλλ' ἐν γὰρ τῷ τετάκτω περὶ δυνάμεως μέσον τινὰ τόπον καὶ μέσιν χώραν υποθέμενος, ἐν ταῦθά φησιν ἰδεῖσθαι τὸν κόσμον. ἐστὶ δὲ ἡ λέξις αὐτῇ. διὸ καὶ ὅτι τὸν κόσμον ἔκτεον αὐτὰν φθαγετὸν ἔσθαι, λόγου οἰόμενον δεῖσθαι. οὐ μὲν ἀλλὰ μάλλον ἐμοὶ φαίνεται οὕτως ἔχειν, οἷον εἰ δὲ εἰς πᾶσι ὥσπερ ἀφθαρσίαν πολὺ τι αὐτῷ σωτηρίῃ, καὶ ἡ τὴν χώρας κατάληψις, οἷον διὰ τὸ ἐν μέσῳ ἔσθαι.

Naturam ijs motibus.] Permansio nem

L 2 mundi

mundi alijs in locis tribuit Chrysippus non medio
vniuersitatis, sed motionibus illis, quibus corpo-
ra à medio mundi, aut ad medium mouentur.
Plutarchus in libro quem modò citauì, ex libro
Chrysippi de motu hoc affert, πιθανὸν πᾶσι τοῖς
σώμασιν ἔστι τὸ πρῶτον καὶ φύσιν κίνησιν ἀπὸς
τὸ τοῦ κόσμου μέσον. τὸ μὲν κόσμῳ, οὕτως κι-
νουμένου ἀπὸς αὐτὸν, τοῖς δὲ μέγεσιν, ὥς ἂν μέ-
γεσιν εὔσιν.

Ioues.] Nam Deus, providentia, fatum,
natura, fortuna, Stoicis eadem sunt, vt ex lectio-
ne auctorum intelligitur.

Mundi conuersionibus.] Exustionibus
rerum summam censent Stoici interire, postea
renouari. Ita fit, vt infinitis temporum curricu-
lis infinita renascantur Luna, infiniti Soles, cum
infinita eueniant exustiones: sed & vt alij Dij
infiniti sint, cum omnes prater Iouem intereant
in exustione.

Tanquam applumbata.] Plutarchus
locum Platonis cuiusdam videatur esse imitatus,
qui in Timæo ita scribit: ἀλλὰ διὰ σμικρότητα
ἀοράτοις πικνοῖς γήμοις ξυμπύκνουντες: sed so-
lent illiquefacto plumbo signa sua basi affigi, quod
respexit Plutarchus. Tale est illud Euripidis:

Κάθου' ἐδράια, καὶ γὰρ εἰ πέριξ σ' ἔχει
Τηκετὸς μολυβδός, ἐξαναθήσω σ' ἐγὼ.

Stabilis sedeto: namq; te excitauero,

Etiā

Etiā liquato vincta si plumbo hareas.

Quo fit vt.] Mundorum infinitas, quam Epicurei ponunt, est omnino à ratione aliena. Stoici mundum vnum ponunt, quem exustionib. perire & renouari, & instaurari postea dicunt.

Hic Ei consecratum sit.] Ei in vestibulo templi Delphici consecratum erat, qua de re librum Plutarchus scripsit: eò quidam quintam litteram acceperunt. Nam quam litteram e, vocamus, prisca u appellabant, alij es accipiunt, alij si.

Quinq; corpora.] Pyramidem intelligit, icosædrum, dodecaëdrum, cubum, octaëdrum: De quibus epigramma Græcum extat:

Σώματα πέντε Πλάτωνος, ἃ Πυθαγόρεος σοφὸς εἶρε.

Πυθαγόρεος σοφὸς εἶρε, Πλάτων δ' ἀείδῃ ἐδίδαξεν.

Εὐκλείδης δ' ἐπὶ τοῖσι κλέος περικαλλὲς ἔτευξεν.

Deijs Euclides scribit in solidis.

Semitriangulum.] Appellat semitriangulum, dimidium trianguli æquilateri: alij triangulum æquilaterum è sex scalenis rectangulis componunt. Cubi autem principium est Isoscelès, cum quadratum ex Isoscelibus quatuor fiat: sed & dodecaëdri principium est, & elementum, cum pentagonum ex Isoscelibus componatur, quod principium est dodecaëdri.

Id quod est.] Plato in Sophista quinq³ ponit principia, Id quod est, Idem, & alterum, motum, & statum, quibus ex principijs argumentatur hoc loco quinq³ mundos esse Plutarchus. Horum principiorum etiam meminit in libro *τῶν τῶν τιμῶν ἰσονομίας*.

Specie continet.] Veteres quidam Philosophi, in ijs Stoici potissimum, existimauerunt aërem & spiritū per totam rerum naturam pervadere, & penetrare, omniaq³ in suo statu & specie continere, appellaruntq³ *συνεκλικὸν αἶτιον*: ad quam sententiā hoc loco respexit Plutarchus.

Aequabilem tributionem.] Hac Isonomia ab Epicuro inducta est, à qua argumentatur hūc Plutarchus. Eius sic meminit lib. 1. de natura Deorum Cicero: In qua, inquit, intelligi necesse est eam esse naturam, vt omnia omnibus, paria paribus respondeant. hanc *ἰσονομίαν* appellat Epicurus, id est, æquabilem tributionem. Ex hac igitur illud efficitur, si mortalium tanta multitudo sit, esse immortalium non minorem: & si quæ interimunt, innumerabilia sunt, etiam quæ conseruent, infinita esse debere.

Inanitate.] Philosophi quidam, vt Aristoteles ait, materiam inane esse putauerunt, quo Plutarchum respexisse putem. Itaq³ censeo τὸ κενὸν legendum esse: si cui probatur τὸ εἶναι, vt est in libris excusis, angustias vertat.

τιμῶν.

πεμπάσαδζ.] Idem à Plutarcho scribitur in libello de $\epsilon\iota$, quod Delphis consecratum erat, his verbis, cum de quinario loquitur, ἀφ' οὗ τὸ ἀριθμεῖν οἱ σοφοὶ πεμπάξιν ἀνόμαζον. quo quidem etiam in loco valde quinarium celebrat, & nuptias appellatum fuisse refert, ex coniunctione duorum & trium, qui primi numeri sunt, ut hinc etiam differit, praesertim cum par numerus foeminam referat, impar marem.

Triangulum eorum qui.] E tribus, quatuor, & quinq₃, nobilissimus triangulus scalenus rectangulus constituitur. Nam in numeris Isosceles rectangulus constitui non potest: à quinario autem eum dicit effici, quia & latus maximum eius trianguli efficit, & quadratum, quod ex eo efficitur, tantundem valet, quantum duo quadrata à tribus & quatuor edita. His numeris ad deformationem emendatae normae est vsus Pythagoras huius trianguli inuentor, qui in libro de Repub. à Platone summopere laudatur, ut auctor est Proclus in Euclidem.

Summarum, mediarum.] Sic verti verba Musicorum Graeca, quo res facilius esset: quae tamen Latini pro suis retinent, ea sunt τετραχορδον ὡατ̃, μέσων, σωμαμυδών, διεζυγμυδών, ὑπερβολαίων, id est, tetrachordum summarum, mediarum, coniunctarum, disiunctarum, superlatarum: in quibus chordarum nomen sub-

audiendum est, ut cum dicitur *dis diὰ τῶν*, id est, bis per omnes chordas, non ut vulgò dicunt, bis per omnia. De his autem tetrachordis & alijs, & Vitruvius consulendus est.

Ventilabris.] Multis in huius libri locis mihi diuinandum fuit, & augurium aninfi potius & coniectura, quam scriptura & editio sequenda, ac è nonnullis locis impeditis & obscuris, vtcunq; potui, expedire & extricare me conatus sum: hîc planè deprehensus captusq; haesisssem, nisi Plato subuenisset, è cuius Timæo sic codicem Græcum reor emendandum: *εἰκότι τὸ συμβαῖνον ἐνδείκνυται, τοῖς δὲ πρὸ πολλῶν καὶ μεγάλων πρὸς τὴν τῶ σίτη καθαρεῖν σπειρόμενοις καὶ ἀναλικμυρόις ὁμοίως.* & paulò post: *ἄλλω τε χώρει ἄλλα ἔχειν πρὶν ἢ αὐτῆς:* & *μοχ: ὡς ἔχειν ἅπαν εἶδος, ἂν διὸς ἀπὸ.* hæc enim verba in Platone reperiuntur.

Quinq; primæ qualitates.] Qualitates pro corporibus & Stoici & Academici usurpant. Cicero in Academica ad Varronem: Sed quod ex utroq; id iam corpus & quasi qualitatem quandam nominabant. Iterum: Earum igitur qualitatum aliæ sunt principes, aliæ ex ijs ortæ. Sic hoc loco apud Plutarchum quinque qualitates sunt prima corpora, quatuor scilicet elementa, & celum.

Materiam eam Deus.] Plutarchus in libro

libro δεῖ τ' ἐν τιμῇ ψυχονόμος docet materiam à Deo ex inordinata & inconstante ordinatam & constantem fuisse, & ad moderationem quandam & temperationem esse reuocatam numeris & proportionibus: quod & hoc loco differit.

Et purgationem.] Post hac verba periculus, quæ in codicibus Græcis extat, à me prætermittitur, quod annotatio sit, quæ è margine in litteram irrepsit. Continet enim sententiam eorum, quæ hîc Plutarchus differit, inesse in animis vim diuinandi, quæ obscuratur & imminuitur, cum obducti crasso hoc corpore sunt.

De Arna editum est.] In codice Plutarchi, De Anna scriptum est: sed Arna scribi debet, ut reor, cum Arna oppidum fuerit Thessaliæ, quod aliquando tenuerint Bæoti: sed & Arna oppidum etiam in Bæotia fuit.

Siccus animus.] Heracliti sententia est referente Galeno in libro, quod animi mores sequantur temperamentum corporis, αὐγὴ ξηρὴ, ψυχὴ σοφωτάτη, id est, splendor siccus, animus prudentissimus, ut fortasse in Plutarcho hoc loco pro αὐτῇ legendum sit αὐγὴ, hunc in modum, αὐγὴ γὰρ ξηρὴ, ψυχὴ σοφωτάτη, id est, Nam splendor siccus, animus est prudentissimus. quam lectionem secutus sum, etsi è recepta & excussa etiam elici aliqua sententia potest.

Cinerem affingunt.] E cinere hostiarum, quæ Ioui immolabantur, summa pars aræ Iouis Olympij construebatur, ut Pausanias scribit in Eliacis. Is autem cinis Alpei aqua glutinabatur, alia non poterat: proinde censebatur Alpheus Ioui Olympio amicissimus.

Coretam.] Idem ferè scribit Diodorus lib. 16. bibliotheca, cum illis in locis nondum edificatis & habitatis specus esset, fortè fortuna capras, quæ eò accessissent, ut furore correptas, mirum in modum saltare cœpisse, & varias voces edidisse: cum pastor ipse eò venisset admiratione rei captus, furibundas eum quoq; voces fudisse, & hariolatum esse: proindeq; quod habitus ille à terra manaret, initio terra oraculum tributum fuisse.

In flammam coniecta.] Idem Strabo scribit, ἐν δὲ τῇ καρύστῳ καὶ ἡ λίθος φέρεται ἢ ξαννομένη καὶ ὑφανομένη, ὥστε τὰ ὑφάσματα χειρόμακτα γίνεσθαι, ὑπωθέντα δ' εἰς φλόγα βάλλεσθαι, καὶ ἀποκαθαίρεισθαι τῇ πύρρῃ ἢ τῶν ὁμοίων. id est, Carysti lapis etiam nascitur, qui carminatur & textitur: quæ texuntur, mantilia sunt, quæ sordida in flammam coniiciuntur, ac sordibus emaculantur non secus quam lota.

Quo ad diuinationem.] Eadem est Quinti Ciceronis sententia lib. priore de diuinatione, his verbis: Potest autem vis illa terra, quæ

qua mentem Pythiæ diuino afflatu concitabat, euanuisse vetustate, ut quosdam euanuisse & exaruisse amnes, aut in alium cursum contortos & deflexos videmus. Iterum, Quo de genere Apollinis operta prolata sunt. Credo etiam anhelitus fuisse quosdam terrarum, quibus inflatae mentes, oracula funderent.

Tellus coacta.] Locus est apud Euripidem in Cyclope.

Anaxagoram reprehendit.] Reprehensio est in Phadone: nam cum mentis designatione mundi descriptionem confectam esse dixisset Anaxagoras, in reddendis tamen postea rerum causis nihil illa mente utebatur. Verba sunt Platonis, ὅς ῥα τὸν ἀνδρα πρὸ μὲν νῶ οὐδὲν χρώμενον, οὐδὲ τίνος αἰτίας ἐπαλιώμενον εἰς τὸ διακοσμεῖν τὰ πράγματα. αἴρας δὲ καὶ αἰθέρας καὶ ὕδατα αἰτιώμενον, καὶ ἄλλα πολλὰ ἄτοπα.

Hypocrateridium.] Sic emendandum puto codicem Plutarchi, in quo Ὀπικεντρεῖδιον legitur male; locus est apud Herodotum lib. 1. καὶ Ὀποκρητρεῖδιον σιδήρεον κολλητὸν, θεὸς ἄξιον διὰ πάντων τῶν ἐν Δελφοῖσι ἀναθημάτων Γλαύκου τοῦ χίου ποίημα, ὃς μούνος δὴ πάντων ἀνθρώπων σιδήρου κολλησιν ἐξέωξε. Locus autem iste Plutarchi, Vallæ interpretationem refellit, qui Ὀποκρητρεῖδιον parvam crateram esse putauit, cum sit fundus & basis crateræ. In ea autem basi lamina ferri

ferri lamina agglutinata erat, sine vlla fibula & clauo, sed solo glutinis vinculo, vt Pausanias ait, tam mira arte, vt Glauci ars in prouerbum abierit, qui ferrum illud glutinarat.

Excidium.] In Gnidiorum conciliabulo, quod erat ad sanum Pythium, Polygnotus pinxerat excidium Troia, vt scribit Pausanias: cuius hic Plutarchus meminit, quod hæc disputatio eo in loco habita est.

Polygnoti gloria.] Puto Gracæ scribendum πολυγνώτῃς, aut τεχνίτῃς, non, vt codices omnes habent, σιδῆρον. Non omitam supra multò ante, vbi de Daemonum vita differitur, cum in Plutarcho μετὰ τῶν σοφῶν καὶ παλαιῶν legatur: quam lectionem secutus sum & interpretatus, in Theodorito tamen & Eusebio scribi σοφῶν, id est, doctorum: quod fortasse melius & verius est.

Physici.] Omnes ante Socratem philosophi, qui post priscos & fabulosos Theologos Gracorum fuerunt, vocabantur physici, quod omnis eorum oratio in inuestigatione & indagatione natura consumeretur.

Sacerdotes & qui.] Secutus sum codicem græcum, in quo ὅσοι scribitur: cum tamen constet sacrificos quosdam fuisse Delphis, qui ὅσοι dicerentur. Non deërit fortasse, qui ὅσοι legendum putet.

Thra-

Thrasymede.] Videor legisse hoc scriptum fuisse à Theopompo, quod Plutarchus de Thrasymede refert. Quod narrat de atlantibus Herodotus, & ex Herodoto Mella & Plinius, quos aiunt nunquam somniare, vt opinor, Plutarchus hîc memorasset, nisi fabulosum & falsum existimasset.

Resipiscentem.] In quodam libro manuscripto legi *ἄφρονες*, id est, amentem. lectionem tamen vsitatam sequi malim.

Celi templa.] Hæc sententia Stoicorum est, qui mundum immutari & renouari existimant. Folio autem vndecimo, quod omittendum non fuit, vbi legitur, Vtroque enim modo quadraginta efficiuntur, deest aliquid, cum modus vnus scriptus extet, alter desideretur.

DE

D

I

Enri

D

N

Neg

non n

stra

fini

infer

natu

eo h

tribus

te m

quar

confu

non x

m. d

na

duo

cas

tur

car

DE FIGURA EI, CONSECRATA DELPHIS.

INcidi nuper, mi Serapion, in versiculos quosdam non malè factos, quos commemorasse Euripidem ad Archelaum putat Dicaarchus.

Donare nolo pauper ipsi diuiti,

Ne videar esse stolidus, aut dando petere.

Neg, enim gratum facit, qui opulentis è re tenui modicum tribuit, & cum non credatur frustra tribuere, malitia & illiberalis leuitatis estimationem accipit. Nunquid verò, quò sunt inferiora liberalitate & pulcritudine dona pecuniaria, ijs quæ ab oratione & sapientia manant, eò honestius est & donare hæc, & ab accipientibus similia repossere? Ego itaq, & ad te & te ministro, mittens amicis istic disputationum quarundam pythicarum tanquam primitias, confiteor expectare me à vobis cum copiosiores tum meliores, vt qui & in vrbe ampla versemini, & ocio magis abundetis colloquiorum in varia librorum multitudine. Sanè noster Apollo dubitationibus in hac vita mederi, & dissoluere eas videtur oraculorum responsis, cum hæc petuntur, Quæ autem ad disputationes pertinent, eas reijcere, proponereq, ei, qui natura amator sit sa-

sit sapientia, inferendo appetitum animi deduc-
 tricem ad veritatem. Id quod cum ex alijs mul-
 tis patet, tum consecratione figura E i, credibile
 enim certè est, non fortuito, neq; veluti sortitio-
 ne, ex omnibus litteris hanc solam primas apud
 hunc Deum obtinuisse, consecutamq; esse dedi-
 cati muneris sacri, & spectata rei locum. Sed
 Philosophia Dei istius primum deditos sic admi-
 sisse eam, ut qui vel vim ipsius perspexissent pe-
 culiare atq; eximiam, vel nota vterentur signi-
 ficante aliud quippiam studio diligentia dignum.
 Atque ego alias sapius propositam huius disputa-
 tionis scholam declinans, & sensim prateriens,
 nuper adeo à filijs meis deprehensus sum, in am-
 bitioso de ea sermone quem haberem cum hospi-
 ribus quibusdam, qui cum statim Delphis essent
 discessuri, non deceret praterire ipsos, neque re-
 fragari cupiditati omnino audire aliquid deside-
 rantum. Atq; ita cum assedissem apud templum,
 quadam ipse querendo differere, de quibusdam
 illos interrogare cœpi, ea & loco & ipsis dispu-
 tationibus subiicientibus, quæ olim cum Nero
 ibi aliquando versaretur, ex Ammonio & alijs
 quibusdam audieramus ista persequentibus, cum
 eadem pariter questio incidisset. Quod quidem
 iste Deus non minus sapientia amator quàm
 vates esset, videbatur cunctis Ammonius ad id
 ipsum rectè singula nomina accommodare, &
 docere:

docere : Esse Pythium hunc incipientibus discere
 atq; sciscitari. Delium autem & Phaneum, ijs,
 quibus iam veritatis aliquid manifestum fit &
 apparet. Ismenium verò, scientiam tenentibus,
 & Leschenorium, qui cum efficacitate fruuntur
 disserendi philosophandiq; mutua excercitatione.
 Quod verò ad studiū sapientiæ pertineret Qua-
 rere, admirari, dubitare, non immeritò dixit ille
 plerq; de Dīs ambagib. esse abscondita, & re-
 quirere explicantem rationem, & doctrinam af-
 ferentem causas. Vt de igne illo immortalī, quod
 ibi ex lignis sola abies & laurus adoleatur : Et
 quòd duarum tantum Parcarum simulacra con-
 secrata sint, cum tres esse vbiq; statuuntur, &
 nulli mulieri aditum patere ad oraculum, &
 cortina opus. Et quacumq; alia huiusmodi, subie-
 cta non prorsus expertibus rationis aut dementi-
 bus, veluti inescando alliciunt ac inuitant consi-
 derationem & auditionem & disputationem de
 ipsis. Vide verò & proscripta ista sententia : No-
 sce te, & ne quid nimis, quam sapientiæ studio
 dignas quæstiones commouerunt, & quanta dis-
 putationum copia ab vnoquoq; tanquam semine
 enata est? Quorum nullo minus feracem esse
 presentis quæstionis disputationē arbitror. Qua-
 cum Ammonius dixisset, Lamprias frater, At-
 qui, inquit, ea oratio, quam nos audiuius,
 simplex est quadam & admodum brevis. Ferunt

M

enim

enim sapientes illos, à quibusdam autem Sophistas dictos, fuisse numero ipsos quingz: Chilonem, Thalem, Solonem, Biantem, Pittacum. Postquam autem Cleobulus tyrannus Lindiorum, & mox Periander Corinthius, neqz virtutis neque sapientie participes, & potentia tamen & per amicos atque gratia, existimationem illam violentam consecuti, inseruerunt sese nomini sapientum istorum, & sententias quasdam atque dicta emiservunt perqz Graciam disperferunt, simili quodam, quo illi sua pronuntiabant, modo. Tum eos moleste hoc ferentes, non voluisse quidem coarguere ostentationem istam gloriosam, neqz aperte de existimatione inimicitias suscipere & dimicare cum valde potentibus hominibus, sed ibi congressos seorsum, & re inter se disputata, ita ex litteris Gracis consecrassse eam quæ quinta ordine est, quinarij numeri nota, testati de sese ad Deum: Quod essent ipsi numero quinque, & septimum atque sextum abdicantes atque repudiantes, tanquam nihil ad se pertinentes. Hæc autem sic dici vt non abhorreant à vero, scire poterit, qui audierit in templo vnam auream figuram EI, perhiberi Iuiae esse Caesaris coniugis, æneam verò Atheniensem, primam autem atqz antiquissimam, materia ligneam, nunc etiam sapientum appellant, non vnius, sed communiter dedicatam ab vniuersis. Am-

monius

monius quidem ad hac placide arrisit, suspicatus
sua quadam atque propria sententia vsum Lam-
priam esse, & consinxisse historiam quasi audi-
tam ab alijs, quo minus ipse ratione reddenda
teneretur. Ibi alter quispiam ex presentibus, si-
milia ista esse dixit ijs, quæ paulo ante hospes
quidam Chaldeus esset nugatus: Quod septem
sint litteræ, quæ propriam vocem edant, septem
item sidera, quæ motu perfecto et libero mouean-
tur. Esse autem serie ab initio EI inter vocales
secundam, & à Luna errantium siderum So-
lem. Cunctos autem Græcos statuere, eundem
esse Solem & Apollinem. Verùm ista, inquit,
prorsus ex tabella sunt & via trita. Lamprias
verò non sensit, ut videtur, se calculos sacræ lineæ
produxisse disputationis suæ gratia. Nam quæ
ille memorauerat, ea nemo Delphorum agnosce-
bat, proferebant autem in medium communem
opinionem, & quæ ab enarratoribus demonstra-
tur, volentes neq; faciem neq; sonum, sed litteræ
tantummodo nomen habere coniecturæ cuiusdam
notam. Est enim, quemadmodum existimant
Delphi, & princeps orationis illius Nicander sa-
cerdos dicebat, vehiculum & forma accessionis
ad compellendum Deum, & habet locum in in-
terrogationibus primum atq; ducem eorum, qui
petunt responsa & de aliquo percontantur: An
victoria sint potituri? An coniuges fieri debeant?

An expediat nauigare? An colere agros? An peregrinari? Dialecticos verò sapiens ipse hic Deus, valere iubet, Nihil rei putantes hac particula EI. (id est, si, aut An.) Et copulato cum hoc pronunciato confici, cunctas ipse interrogationes huic subiectas cum intelligens tanquam res, tum admittens. Quia autem interrogatio propriè ad vatem pertinet, & vota nobis communia sunt, vt erga Deum, ideo non minus litteram istam arbitrantur vim complecti optandi precandiq, quàm sciscitandi. EI, id est, O si, enim, vnam, qui optant aut precantur, dicere consueuere. Et Archilochus:

O si quidem

Mihi Neobules tangere liceat manum.
In hac etiam optantium voce & posteriorem syllabam superuacuum esse aiunt, Quemadmodum in Sophronis versu Δω, & similiter in Homericis, cuius sententia est:

Sicce tuas frangam vires ego.

Hac verò figura EI. sensum optandi satis planè indicari. Quæ cum Nicander persecutus fuisset, non est autem ignotus scilicet tibi Theon amicus noster, querit hic ex Ammonio, nunquid liberè aliquid orationis concederetur Dialectica, tanta affecta contumelia. Cumq, Ammonius ad dicendum & succurrendum eum cohortaretur: At enim esse Deum hunc maxime Dialecticum;

multa

multa oracula declarant. Est enim scilicet eiusdem & efficere texendo, & explicare soluendo ambigua. Præterea, quemadmodum Plato, cum oraculum iussisset Aram in Delo duplicari, id quod summa in Geometria facultatis est opus, dixit non hoc imperare Græcis Deum illum, sed præcipere ut Geometria darent operam: Ita nimirum oracula ambigua reddens iste Deus, augget constituitq; Dialecticam, tanquam necessariam ijs, qui ipsum recte sint intellecturi. In Dialectica autem maximam sanè vim habet ista copulativa coniunctio, quippe quæ in Logicis eximium conformet pronunciatum. Nam cur non tale sit, id quod connexum vocatur? Siquidem rerum ipsarum, quod hæ extent, noticia est in beluis quoq; consequentia verò cognitio atq; iudicium, soli homini natura tribuit. Nam quod sit dies & lux, sentiunt scilicet & lupi & canes & aues. Quod verò si dies sit, lux sit, nullum intelligit aliud animal præter hominem. Qui solus noticiam habet, præcedentis & desinentis, & liquida significationis & complexionis horum inter se, & respectus & differentia, ex quibus demonstrandi rationes præcipuum atq; potentissimum principium sumunt. Quoniam igitur Philosophia ipsa quidem in veritate versatur, veritatis autem lumen est demonstrandi ratio, & huius principium connexum illud, iure fuit hanc

continens atq; efficiens vis, à sapientibus viris consecrata maximo veritatis amatori Deo. Atq; est hic vates, vaticinatrix autem ars futura tum ex presentibus tum præteritis colligit. Nullius enim rei vel origo caussarum expers est, vel prædictio, rationis. Verum, quia omnia quæ oriuntur iam ortis, & oritura orientibus sequendo commitantur atq; coherent, progressionem quadam ab initio ad finem pertinente, qui causas simul colligare & connectere inter se naturaliter scit, is nouit atq; prædicit:

Quæ iam sunt et erunt, & quacumq; ante fuere. Atq; Homerus præclare primo loco posuit præsentia, & deinceps futura, atq; præterita. Nam connexi vi, complexio rationum ab eo ducitur quod extat. Vt, si hoc extat, hoc præcedit. Et rursum, si hoc extat, hoc fiet. Nam artificiosa ratiocinatione, sicut dictum est, noticia consequentia continetur. Sensus autem assumptionem rationi suppeditat. Vnde, quamuis dictu turpe sit, non deterrebor, quin perhibeam cortinam veritatis, esse hoc ipsum. id est, rationem, quæ posita desinentis ad præcedens consequentia, deinde assumpto eo quod extat, ita infert demonstrando conclusionem. Quapropter si Pythius Musica delectatur & cygnorum vocibus, & sonis citharæ, Quid mirum Dialectices amore eum amplecti diligereq; istam orationis partem, quam
maxi-

maximè & frequentissimè adhibere vtendo Philosophos videt. Hercules verò, qui nondum Prometheus à vinculis liberasset, neq; cum sophistis Chirone & Atlante adhuc disputasset, sed ipse tam iuuenis & perquam Bæotius, Dialecticem resutans atque deridens primum litteram istam E I. postea per vim visus est cortinam auferre, & de arte cum Deo hoc dimicare. Nam procedente tempore, Hercules quoq; & vaticinationum peritissimus, & in disputando solertissimus videtur extitisse. Cum finem dicendi fecisset Theon, Eustrophus Atheniensis, nisi fallor, sic nos est allocutus: Viden' quam cupide defendat Dialecticem Theon, tantum non cum exuviarum leonis ornatu. Cum nondum exploratum haberat, an quiescere nos, qui simul res naturasq; & principia vniuersa diuinorum & humanorum numeris tribuimus, & omnino laudabilium & veneratione dignorum hunc ducem & dominum facimus, ac non potius Mathematica nostra primitias offerre Deo velimus, sic existimantes: hanc litteram E I, per sese quidem illam, neq; potestate, neq; forma, neq; verbo ipso à ceteris elementis differre, sed consecutam esse honoris prerogatiuam, vt notam magni numeri atq; principatu preediti, nimirum quinary, quæ est $\alpha\mu\pi\alpha\delta$, vnde numerare ipsum sapientes denominarunt, et $\alpha\mu\pi\alpha\zeta$ dixere. Atq; isto modo

ille nos est allocutus nequaquam ioco, sed quod ego tunc in Mathematica studia animi affectione singulari incumberem, ac fortasse omnibus modis honoraturus, ut qui in Academia fuisset, dictum istud: Ne quid nimis. Itaque ego dixi: Eustrophū questionem istam præclarissima mentione numeri dissolvere. Cum enim, in imparem & parem distribuatur numerus, inquam, vniuersus, est vnum quidem vi sua particeps vtriusq;, & ideo additum, ex pari imparem & ex impari parem numerum efficit. Quoniam vero duo numeri paris, & tria imparis principium sunt, quinq; verò, his commistis inter sese, nascuntur, non ab re honorem consecutus est numerus iste, & appellatus nomine significante coniugium. Ob numeri paris cum sexu muliebri, & imparis cum virili similitudinem. Nam si in partes æquales secantur numeri, par quidem vndique distans relinquit recipiendi aliquid quasi principium intra se & locum, in impari verò, cum idem hoc fit, semper medium quoddam superat in distributione fecundum, itaq; ipse altero fecundior est, & dum miscetur semper superior, inferiorq; nunquam. Nulla enim permixtione ex ambobus par numerus exit, sed impar de cunctis. Præterea accedens ipse ad se, & in compositione magis ostendit differentiam vterque. Par enim nullus congressu suo cum pare, imparem

rem exhibet, neque extra suam proprietatem excedit, præ imbecillitate ipsa ab altero procreatus & imperfectus, impares autem permixti paribus multos pares, copia fecunditatis suæ efficiunt. Ceteras autem numerorum vires atque differentias in præsentia persequi non fuerit tempestivum. Ut igitur similitudine primi maris & muliebris sexus, existentia quinq₃, Hæc coniugij nomine Pythagorei appellarunt. Atq₃ idem hic numerus, naturæ quog₃ alicubi nomen inuenit, quod multiplicatione sui ipsius, rursum in se desinat. Quemadmodum enim natura rerum, ubi triticum in semine accepit, diffundit sese, & multis medijs figuris formisq₃ interiectis, quas gignit, & per quas ad finem deducit opus suum, post omnia triticum profert, reddens in fine totius principium: ita ceteris numeris multiplicatione sui in alios desinendo exeuntibus, solus quinarium & senarium toties sumti, seipsos repræsentant atq₃ conseruant. Sexies enim sex, triginta sex, & quinquies quinque, viginti quinque fiunt. Ac rursum senarius numerus facit hoc semel, & vno modo, ipse ex sese quadratus exiens. Quinario autem & hoc ipsum accidit de multiplicatione, & peculiare istud, quod denarium efficit numerum vicissim ipse accedens ad sese. Idq₃ deinceps ita fit perpetuo. Imitante hoc numero id principium, quo ordinatur vniuersum

tas rerum. Vt enim hæc conseruando sese, ex se illa quidem mundum, ex mundo verò seipsum absoluendo efficit (Cum igne permutantur cuncta, inquit Heracletus, & ignis cum cunctis, quemadmodum auro pecunia, & pecunijs aurum) sic congressus quinarij numeri secuti, nihil quod vel imperfectum vel alienum sit gignere sua natura solet, sed definitas habet mutationes. Aut se enim gignit ipsum, aut denarium, id est, vel quod proprium & familiare, vel quod perfectum est. Quod si quis roget, Quid ista verò ad Apollinem? Dicemus nos, non illa quidem ad Apollinem tantum, sed ad Liberum quoque, cui haud minus iuris in Delphos est quam Apollini. Atque nos audimus Theologos partim versibus, partim soluta oratione commemorantes ac canentes: Quod hic Deus sua natura omnis interitus expers, fatali quadam sententia atque ratione, mutationes quasdam sui ipsius, vsurpans, Modò igne accendat cuncta asimulata naturaliter cunctis, Modò varius existat tam formis, quam effectiõibus & facultatibus diuersis, sicut mundus nunc solet existere. Nominatur autem nomine maximè noto. Sed sapientissimè dum celare volunt vulgus, mutationem in ignem indicant Apollinis nomine solitudinis, Phœbi verò eius quod purum sit & incontaminatum significatione. Affectionem autem & mutationem

con-

conuersionis in ventos, aquam, terram, sidera;
 itemq₃ stirpium animaliumq₃ ortus, totamq₃ nu-
 minis huius dispositionem mundi, ambagibus la-
 cerat^{ur} grum & discerptorum membrorum inuol-
 uunt, & ita eum Liberum & Zagreum, & No-
 cturnum, & Isodaten nominant, & ambages
 quasdam ac commenta peragunt conuenientia
 memoratis mutationibus, quasi ille intereat &
 euanescat, pertinentibus his ad excessus è vita
 & repetitos ortus. Decantant autem huic qui-
 dem Dithyrambica carmina, affectibus & mu-
 tationibus plena, & comprahendentia errorem
 & distractionem quandam. Nam Aeschylus Cla-
 moriferum ait Dithyrambum sequi debere co-
 mitando Liberum communem: Illi verò Pea-
 na, ordinatam atque sobriam Musam, & eum
 expertem senectæ semper ac iuuenem, alterum
 varia multipliceq₃ specie & forma pingendo fin-
 gendoq₃ fabricantur. Atq₃ omnino illi ordinem
 industriamq₃ studij sinceri, huic mistam quan-
 dam tribuentes inaequalitatem: Ludum simul
 iocumq₃ & vim atq₃ iniurias, studij industriam
 & vesaniam, inuocant Liberum Euion, mulie-
 rum instigatorem, furiosis florentem honoribus,
 haud male quod peculiare est vtriusq₃ mutatio-
 nis assumentes. Quia autem non aequale tempus
 in conuersionum mutationibus, sed alterius ma-
 ior est, quam satietatem vocant, alterius, id
 est,

est, egestatis minor, Id quod consentaneum est
 hic seruantes reliquo in anno Paanem ad sacri-
 ficia adhibent, incipiente autem hyeme, excitato
 Dithyrambo, & represso Paane, tribus mensi-
 bus vicem illius Deum hunc inuocant. Existi-
 mantes, Quemadmodum tria sese habent ad
 vnum, sic temporis esse rationem dispositi mun-
 di, ad conflagrationem. Verum ista longius pro-
 ducta fuere, quam opportunitas non modica tu-
 lit. Perspicuum autem est, accommodari ad
 ipsum ab ijs, qui perhibent: Numerum quina-
 rium modò se ipsum, ignis instar, modò denarium
 ex se efficere tanquam mundum. Nunquid verò
 perquam grata huic Deo Musica nihil cum hoc
 numero commune esse arbitramur? Nam ma-
 ximum, vt semel dicam, opus Harmonices ver-
 satur in concentibus. Hos autem esse quinque,
 & non plures, coarguit ipsa ratio, eum qui ista
 venari velit absque ratione & solo sensu, in fidi-
 bus atque tibijs seu fistulis. Vniuersis illis enim
 origo est ex numeris, Estq; ratio eius concentus
 qui quaternarius dicitur, superans tria. Quina-
 rij, sesqui, Duplex verò eius cuius nomen, Per-
 cunctas. At illius qui appellatur, Percunctas &
 quinarium, triplex ratio est, & eius qui Bisper-
 cunctas, quadruplex. Nam qui introducit su-
 pra hos ab Harmonicis Percunctas & quater-
 narius, cum extra modos excedat, admittendus

non

non est, gratificante auditu sono rationis experti, & violanti rationem veluti legem. Atque ut omittam, positiones quinque Tetrachordorum, & quinque primos siue tonos seu modos seu harmonias nominare decet, ut intendendo & remittendo magis minusue variantes, cetera sunt scilicet grauius atq; acuta: Nonne igitur, cum sint multa ac potius infinita interualla, tantum quinque in carminibus vsurpantur: Diesis, semitonium, tonus, trisemitonium & ditonium. Neq; alterum spacium vel minus vel maius in voce acuta aut graui desinens, carmina admittunt. Multis vero huiusmodi, inquam ego, prateritis, Platonem adducam, qui mundum vnum perhibet. Ut, si sint prater hunc alij, neque ipse solus, ad quinque illorum numerus perueniat, neque sint omnino plures. Quin etiam, ut sit hic mundus vnus & solitaria originis, quemadmodum Aristoteles quoq; putat, Etiam istum quodammodo ex quinque mundis compositum & concinnatum esse. Quorum vnus sit Terra, alter aqua, ignis tertius, quartus aeris, & quinto loco celum, alij lucem, alij aethera vocant, alij item quintam naturam. Cuius ex omnibus corporibus solius in orbem conuersio, natura est ipsius non necessitatis aut fortuiti casus. Et ideo pulcerrimas atq; perfectissimas in natura ex alijs figuras perspexit ille esse quinq;: Pyramida, cubum,

bum, octaëdram, icosædram & dodecaëdram,
 & singula singulis congruè attribuit. Sunt verò
 qui sensuum quoq; facultates numero aequales,
 primis illis corporibus conciliant. Cernentes ta-
 ctum habere densum & firmum quiddam, atque
 terrenum, gustatum verò admittere qualitates
 eorum, quæ gustantur humore, aër certè ictus in
 auribus vox efficitur atq; sonus. Ex reliquis duo-
 bus, odor quidem, quem odoratus sortitus est,
 igneum quiddam est, quod vapor sit & nascatur
 calore. Sed æthere ac luce propter cognationem
 cum splendor visus emineat, ita temperamentum
 ex ambobus affectionis similis & complexio fit.
 Neq; autem animal alium sensum, neq; mundus
 aliam naturam habet simplicem & non mistam.
 Atq; est ista, vt videtur, admirabilis distributio,
 & quinq; ad quinq; consortio. In his verò cum
 aliquantulum cessando institissem, quid verò, in-
 quam, ô Eustrophe, accidit nobis, qui penè Ho-
 merum præteruimus? quasi non & ille in quin-
 que portiones mundum distribuerit, qui interie-
 ctas medias tres, tribus Dijs assignauit, Duas
 autem extremas, Olympum & terram, quarum
 est hæc inferiorum terminus, illa superiorum,
 communes & indistributas reliquit. Sed reuo-
 canda oratio est, vt ait Euripides. Nam prædi-
 cantes quaternarium numerum, non malè do-
 cent, quod huius ratione omnia corpora ortum
 conse-

consecuta sint. Cùm enim sit solidum omne in longitudine & latitudine assumentem profundum, & ante longitudinem extet punctum, ad vnius similitudinem collocatum, longitudo iam expers latitudinis vocatur linea, & est longitudo: Motus verò lineæ latitudine, mox planiciem efficit ternario numero. Atque profundo accedente, ita per quatuor ad soliditatem procedit incrementum. Quæ cùm ita sint, nemini non patet, quin hucusq; producta natura, vt corpus persiceret & conferret molem duplicem & densam, atque firmam, quaternarius deinde numerus relinqueret illam indigentem eius quod esset maximum. Nam quod exanimum est, id, vt planè dicam, orbis est & imperfectum, & anima non vtens ad nullam rem idoneum. Animam verò inserens motio aut affectio, mutatio quædam quam quinque efficiunt, ea natura perfectionem confert, & rationem habet tantò maioris principatus quaternario numero, quanta est præstantia honoris inter exanimum ac animal. Præterea maius robur istud habuit quinary numeri consensio, vt non permetteret animatum genus in infinitum procedere, sed exhiberet viventium species quinque vniuersorum. Sunt enim nimirum Dii, & Dæmones, & Heroës, & mox post hos homines. Extremum autem & quintum genus expers rationis ac ferinum. Præterea si animam ipsam

diuicias

diuidas naturaliter, primum erit in hac & maxime imbecillum, in quo nutriendi vis inest, secundum in quo sensuum, tertia pars cupiditatum, & ad hanc deinde iracundia. Ad vim autem rationis progressa anima & naturam ipsam perficit, & tanquam in fastigio quinta hac in parte acquiescit. Cum sint autem tot & tanta huius numeri vires, praclara scilicet est etiam origo. Non illa quam percurrimus modò compositionis ex duobus ac tribus, sed quam exhibet principium cum primo quadrato congressum. Principium etenim numeri vniuersi, vnum; quadratus autem numerus primus quaternarius est. Ex quibus tanquam ex forma ac materia, quae finem habeat, existit quinarium numerus. Quod si iam rectè faciunt quidam vnum quoque quadratum, in quo vis suipsius inest, & quæ in seipsa desinat, iam quinarium numerus de duobus quadratis prognatus, non deficietur generis supra modum eccellente nobilitate. At quod maximum est, inquam, id vereor ne Platonem nostrum premat, quemadmodum aiebat hic Luna nomine Anaxagoram premi, qui sibi ascriberet vt propriam priscam prorsus opinionem de fulsionibus ipsius. Nunquid enim hæc dixit in Cratylo? Maxime, inquit Eustrophus. Quid autem simile sit non video. At enim nosti scilicet, quod in sophista ille quinq; demonstret principia potentissima:

ma: Id quod est, Idem, Diuersum, ad hac quartum ac quintum, motum & statum. Alio autem diuisionis modo vtens in Philebo: Vnum ait esse infinitatem, alterum finem, quæ dum miscentur ita consistere omnem originem seu procreationem. Quartum autem genus facit causam permissionis. Quintum verò suspicandum nobis reliquit, à quo permistis rursum discretio & distantia obuenit. Atq; coniectura mea est, has illorum quasi imagines commemorari: Eius quod est, id quod oritur. Motionis autem infinitum. Status, finem. Eiusdem, permiscens, diuersi discernens principium. Quod si inter hac differentia est, & hoc tamen & illo pacto in quinq; procreationibus et differentijs ipsa versabuntur. His cognitis perspectisq;, vt aiunt, priorum quispiam ante Platonem, duas figuras EI consecrauit Deo. Quod indicium & quæ nota esset numeri vniuersorum. Qui nimirum & hoc intellexit: Summum bonum quinq; in generibus cerni & apparere, quorum primum esset modus. Secundum consensio. Tertium mens. Quartum in animo scientia atq; artes & opiniones veræ. Quintum, si qua voluptas pura sit & non confusa doloribus. Atq; hoc loco desinere Orphicum carmen subiecit:

Sexta etate animo exenistis carminis vsum.
Post hæc, inquam, inter nos dicta, paululum

N

Nican-

Nicandreis cantabo scientibus. Nam sexto die noui mensis, quando deducitis Pythiam in curiam quandam, prima vobis fors exit ad quinque inter sese, iacentibus illis duo atq; tria. Ita est, inquit Nicander. Sed causam alijs exponi nō fas. Donec igitur, inquam, ego arridens, veritatis cognitionem nos Deo prabente consequamur sacris initiati, apponetur hoc quoq; ijs, quæ pro quinario dicuntur numero. Atq; istum laudationum Arithmeticarum Geometricarumq; oratio huius figura EI finem habuit. Ibi Ammonius, qui non futilem operam poneret in Mathematica Philosophia, delectatus ijs quæ dicta essent: Non par est, inquit, vt nimis accuratè contra ista dicant iuniores. Veruntamen vnusquisq; ex numeris occasionem multorum dederit, si laudationem instituere velimus. Nam ipsa sacra Apollini hebdomas (qui est septenarius numerus) diem prius absuntura sit, quàm oratione aliquis vires ipsius vniuersas persequatur. Proinde sapientes ne illos perhibebimus, belligerantes simul cum legibus communibus & longo tempore, de primis deiecisse hebdomada, consecratos ita Deo huic quinarium numerum, vt propius ad ipsum pertinentem? Neque numerum igitur, neq; ordinis seriem, neq; coniunctionem, neq; aliquam adhuc reliquarum partium littera ista significare scit, vt puto, sed est ipsa absolutè perfe-

perfecta compellatio allocutioq₃ Dei huius, simul verbo eo pronunciantem ipsum adducens ad noticiam potentia illius. Ipse enim vnumqueng₃ nostrum accedentem quasi salutans affatur dicto hoc, Nosce te. Id quod non leuius est, quam si diceret, Ave. At nos respondentes ei, inquitur EI, id est, es. Eius quod esse dicitur, tanquam veram & minime mendacem solamq₃ soli conuenientem, compellationem retribuentes. Nos enim reuera cum eo quod est seu extat, nihil habemus commune, sed natura mortalis vniuersa, media inter ortum atque interitum interiecta, speciem opinionemq₃ exhibet obscuram atq₃ incertam sui ipsius. Quam si animi cogitationem intendens velis apprehendere, sit vt, quemadmodum vehemens aqua compressio, inter vrgendum & contrahendum diffluens comprahensum omne perimit: ita ratio dum affectiones non consistunt, singularum euidentiam persequens, aberreret tum in ortum, tum interitum vniuscuiusq₃, cum nequeat apprehendere quicquam quod permaneat, aut verè & re ipsa sit. In fluuium enim eundem idem ingredi iterum nequit, secundum Heracletum, neq₃ attingi iterum potest eadem mortalis natura habitu suo. Quae acerrima celeritatis mutatione, dissipat rursumq₃ cogit, accedit & discedit. Itaq₃ origo ipsius nunquam in eo desinit, quod est. nunquam enim illa cessat,

N 2 neq₃

neq₃ superatur, sed in perpetua mutatione ex semine efficit foetum, deinde infantem, mox puerum & adolescentulum, deinceps iuuenem, postea virum, senem, decrepitum, priores quosque ortus atq₃ atates succedentibus interimens. Quat nos vnā pertimescimus ridiculē mortem, qui iam tot mortes obuiimus & indies obimus. Non solum enim, quemadmodum Heracletus aiebat, ignis mors est aeris origo, & aeris mors, origo aquae, sed multo hoc planius in nobis ipsis licet perspicere. Interit enim certē constans aetas in senilem, sicut iam iuuenilis interierat in constantem illam, & puerilis in iuuenilem, inq₃ puerilem infantis. Atq₃ hesternus adeo immortalis est hodierno, & hodiernus immoritur crastino, neq₃ manet quisquam aut est vnus, sed existimus multi circum vnum quoddam visum, & commune exemplar, materia circumcurrente & labente. Nam si permanemus iidem, quare latamur diuersis? contraria amplectimur & auersamur? admiramur & culpamus? Alijs item vtimur affectionibus rationibusq₃ & sermonibus, non speciem, non formam, non animi sententiam eandem retinentes. Non enim par est, vt sine mutatione diuersae sint affectiones, neq₃ is qui mutatur iam idem ipse est. Quod si idem ipse non est, non simul idem scilicet est illud quod mutatur, cum ipse alius ex alio euadat, falliturq₃ sensus, qui igno-

ignorantia eius quod est, putat esse illud quod apparet. Quid igitur reuera esse perhibebimus? Aeternum, et cuius nulla est origo, & nullus interitus, cui nullam mutationem tempus infert. Est enim tempus mobile & cum materia obuersans quæ est in motu, fluens semper, neq; tanquam vas coercens ortum & interitum, in quo scilicet, quod posterius & prius & futurum dicitur atq; præteritum, ex seipso est confessio eius quod non est. Nam dicere id esse quod nondum exitit, quodûe iam esse desiit, affirmare quod extet, stolidum est atq; absurdum. Sanè quod maxime, intelligentia præterita, de tempore instans ac præsens & nunc, loquendo vsurpamus, id rursum ipsum ratio planè explicando euertit, nam eliditur in futurum atq; præteritum, quasi vna acie id, quod necessario distat, contemplari volens. At illi accidit idem quod metienti. Quod natura ipsa mensura sit, in qua nihil est quod permaneat aut reuera sit seu extet, sed secundum hanc orientia & intereuntia cuncta cum tempore sunt confusa. Quam ob rem nefas quidem est, de vlllo quod reuera est, dicere, quod fuerit aut futurum sit. Sunt enim ista inclinationes & transitus & recessiones eius, cuius natura non fert, vt maneat in eo quod reuera est. De Deo autem sic loqui nos oportet, vt dicamus reuera eum esse, et non esse tempore, sed auo im-

mobili & temporis experte & indeclinato, & in quo nihil prius nihilq; posterius sit, aut recentius, Qui vnus ipse vno hoc quod nunc vocatur, id quod semper est complet. Et huius est tantum id quod verè est seu extat, non prateritum fut futurum, neque initij finisue particeps. Hoc modo decet ipsum salutare venerando, & vt fiat nos assuesfacere. Vel ita quoq; profectò, quemadmodum ex antiquis aliqui: Es vnum. Non enim numen diuinum multiplex est, sicut nostrum vnusquisq; congestum quiddam variè, & festiuitatis quadam specie mistum ex multis multis differentiarum affectionibus implicitarum. Verum id quod reuera est seu extat, id esse oportet vnum, sicut vnum, id quod reuera est. Discrepantia autem, seu eius quod reuera est differentia, exit in ortum eius quod reuera non est. Itaque bene & rectè factum est Dei nomen huius & primum & secundum & tertium. Est enim Apollo quasi non admittens multa, & recusans copiam. Ieius verò, tanquam vnus & solus: Phœbum autem scilicet antiqui, nominarunt, quicquid purum esset atque mundum. Quemadmodum nunc quoq; Thessali sacerdotes diebus atris, solos illos & seorsim foris versantes Phœbificari aiunt. Vnum autem sincerum & purum est. Aliquorum enim inter se permistio est contaminatio. Quemadmodum & Homerus ali-

Cubi Ebur, quod puniceum fieret tingendo, contaminari dicit. Et colores qui miscentur, tinctores interire, & permissionem interitum nominant. Quocirca vnum vt sit & expers confusio-
nis semper, congruit ei in quod interitus nunquam cadit, & quod purum est. Sanè qui Apollinem & Solem eundem esse autumant, eos amplecti & diligere æquum est, cum ingenij bonitate, quod maxime colunt, omnium quæ norunt, atq; expetunt, id ad Dei istius notionem conferunt. Verùm nos, tanquam modò in pulcerrimo quasi somnio de Deo isto somniantes, excitemur, & cohortemur nos ad altiorem accessionem, vt spectemus quod supra nos est, & id quod res ipsa est. Colentes tamen etiam imaginem istam & venerantes, quæ ad eam pertinet, fecunditatem, quoad fieri hoc conceditur, de exposito sensibus id contemplantes, quod sola mens intuetur, & de eo quod in motu est, illud quod permanet, quæ erunt quadam species insignes, & dilucida quodammodo simulacra, & beneuolentia & beatitudinis illius. At excessus extra se ipsius, & mutationes ignem emittendo & rursus contrahendo, vt aiunt, itemq; ibidem comprimendo intendendoq; , pertinentes ad mare etiam atq; ventos & animalia ipsa, animaliumq; ac stirpium affectiones mirificas atq; horribiles, hæc memorantibus, inquam, ne aures quidem pate-

N 4. facien-

facienda sunt. Aut erit ille puero poetico futi-
lior, qui quem hic in arena ludit ludum extruen-
do quod mox rursum dissipetur, eo in rerum ipse
vniuersitate atq; mundo semper vtatur, effin-
gens non extantem hunc, & ortum deinde per-
tens. Cum contra quicquid in mundo ortum est,
eius ille naturam, & quod est deuinciat, & con-
tineat infirmitatem corporis ad interitum prola-
bentis. Atq; huic rationi vehementissime repu-
gnare ego arbitror hoc verbum, et testando E I.
id est, Es dicere Deo, vt cui nunquam eueniat,
vt ipse extra se excedat, ac mutetur, id quod
congruat alteri cuiuspiam Deo, vel potius Damo-
ni, qui illa & faciat & perpetiatur, collocatus
in natura participante interitum & ortum.
Fitq; manifestum hoc de ipsis statim nominibus
contrarijs ac dissonis. Ille enim appellatur Apol-
lo, hic Dis. Ille Delius, hic Orcus. Ille Phœbus,
(id est, clarus) hic Tenebricosus. Suntq; circum
alterum Musa atq; Mnemosyne, circum alterum
obliuio ac silentium. Et est ille Theorius atque
Phaneus, (quibus nominibus contemplatio &
splendor indicatur,) hic verò noctis verenda in-
ertisq; somni Dominus, Et idem hominibus est,
Diuorum ex numero inuisissimus omni.

De illo verò non inuenuste Pindarus inquit: Sen-
tentia de ipso pronunciata est, quod sit erga
mortales placidissimus. Rectè igitur Euripides,
Libatio-

Libationes cadauerum tabescentum dixit, & cantus quos auricomus Apollo non admittat. Et ante hunc Stesichorus: Valde immò maximè ludicra amat cantusq; Apollo. Et Orcus angores gemusq; sortitus est. Sophoclem verò Musices instrumentū vtrig; vtrunq; tribuere in his patet:

Haud nabilia lamentis neq; accepta est lyra.

Etenim idem inquit serò & modò quidem non dubitauit vocem emittere commodiorem: priore autem tempore rem ad luctus abstraxit, & ea quæ in illis geri solent, neq; honorata admodum neq; leta. Mox omnia permista fuere omnibus. Atq; potissimùm qui diuina ac Demonia confuderunt, ñ sese conturbant. At enim illud, nosse te, quodammodo huic figuræ E I. opponi, & consonare eidem videtur. Hac enim vox horrore religionis quodam profertur ad Deum, qui sit perpetuò, illud verò mortali generi subijcit admonitionem suæ naturæ & infirmitatis propriæ.

I C

8

A

prela
lo Plac
num,
Nobis
temer
quadi
bus su
ration
mition
fure e
monie
dotes
lebrat
fuisse
Theba
corrit
los ha
extrin
peten
uerfus
fuisse

IOACHIMVS
CAMERARIVS
LECTORI.

Adrianus Turnebus & ingenij solertia, & copia doctrina, & virtutis amplitudine prestans, quæ notari explicariq; debuere in libello Plutarchi à se conuerso in sermonem latinum, ea curauit interpretationi suæ adiungenda. Nobis autem ab ipso quacumq; sanè de causâ, temerè enim factum esse non credo, præterita quadam quasi reuocare & explicare visum, quibus subieci meæ interpretationis quoq; quasdam rationes, & nonnullorum locorum in illa explanationem. Quæ omnia legentib. grata acceptaq; fore existimaui. Ac primum de lucerna Ammoniorum, hoc scilicet dicitur: Habuisse sacerdotes templi illius (quod à multis veteribus celebratur, & ab Herodoto imprimis, qui in illo fuisse ait simulacrum $\kappa\epsilon\iota\omicron\upsilon\pi\omicron\sigma\tau\omicron\nu$ Iouis, simile Thebao. Vnde est, Corniger Iuppiter, & Tortis cornibus Ammon, Lucano) Sacerdotes igitur illos habuisse lucernam dicitur à Plutarcho, quam extinguï non paterentur, vt esset iste ignis perpetuus, oleo illum nutriente. Atq; esse animaduersum, singulis consequentibus annis minus olei fuisse absumentum, declarante hoc mensura notata multo-

multorum retro annorum. Cogitari autem potest, annum certo numero dierum habuisse Ammonios definitū, ut, verbi causa CCC. LXV. quibus diebus confectis, quando minus olei perpetuus lucerna ignis absumsit, breuius scilicet fuisse tempus, & quasi contractiora tempora diurna, cum numerus dierum constaret, creditum est. Sanè quid fallere potuerit in hac observatione Ammonios, & quàm ea sit infirma atq; dubia, Plutarchus præclare disseruit. Quod autem & dierum aequalitas mutetur, & spacia annorum modò crescant modò decrescant, & quibus de causis id fiat, Astronomi demonstrare student, quod nunc inculcandum non est. Neq; necesse est contrahi celum etiam, quemadmodum dicitur à Plutarcho verbis Ammonij Philosophi. Etsi non desunt, qui idipsum accidere suspicentur, cum putetur deprehendi λόγος semper minor. Quod in Plutarcho autem legitur hoc loco, id tale est. Conuersiones Solis declinantis ab æquinoctiali circulo si interiores sint, id est, si puncta tropica ad æquinoctialem propius designentur, circuli ita æquabiles interiores, etiam maiores erunt. Quanto enim maior est diametri linea, quod duplum est τῆς ἐν τῷ κέντρῳ, tanto maior est circulus, cuius illa linea diametri est. Sit circulus, cuius diametri linea α β, & centrum μ, hacq; esto linea diametri

circuli

circuli æquinoctialis. Solstitij autem circuli η δ α ε
 μετσοι γ δ, & brumæ ε ζ. Et spacium α δ α ε,
 quibus respondent β γ β ζ, contrahantur ad η λ
 & θ κ, & coniungantur η θ & κ λ. Erunt
 quemadmo-
 dū lineæ ter-
 minatæ his
 punctis lon-
 giores, sic
 circuli quoq;
 quorum eæ
 diametrorū
 lineæ sunt
 maiores. Esse
 autē illas li-



neas longiores patet, quia propius ad lineam dia-
 metri in circulo proposito accedunt.

Cum autem propius hoc modo absint partes
 æquilonares et australes, sit necessario vt vernū
 tempus breuius atq; minus tepidum sit apud eos,
 quibus vertex boreus eminet. Autumnus etiam
 breuior ille quidem similiter, sed minus horridus
 frigore ita futurus est. Sed nihilo ob hæc tamen
 longior breuiorū annus fuerit, cum quamuis
 tropica signa seu puncta varientur, maximus ta-
 men circulus is, quem peragrando celum Sol de-
 scribit, remaneat. Quæ nos in præsentia notasse
 indicasseq; satis habuimus.

De

De Syena autem noti sunt Lucani versus :

Calida medius mihi cognitus axis

Aegypto, atq; umbras nusquam flectente Syena.


Est enim secundum Ptolemaeum Syenes ἑξαγυα partt. 23. scrupp. 50. Et ideo γνῶμεν ἰστίσιον ἀσπίος, ὅντος τῆς ἡλίου καὶ κορυφῆς.

Quod autem ad mentionem Laterculi attinet, ibi, ut dicitur in libello Plutarchi collocati, demonstrauit totam rationem illam luculenta designatione mathematicarum disciplinarum peritissimus, vir ingenij acrimonia & exquisita doctrina excellens, multisq; magnis virtutibus ornatus, Iohannes Homilius gener aliquando meus. Quem mortuum, & nos, & alij nobiscum in lecta monumentis scriptorum nostrorum quolibuscumq; celebrauimus, hoc optime de studijs bonarum artium merito officium praestantes. Huius designationem διαγράμματος, & memoriae illius retinenda gratia, & ad eorum usum, qui hanc sapientiae partem colerent, visum est subiungere.

Sit later A B E, cuius planicie à sese inuicem aqualiter distent, id est, sit ἡμια πᾶσα λεπίσις. Et in alia quadam planicie finitoris, fortuito recta quadam tanquam orientis linea ducatur C D, cui applicetur latus Q R. Eoq; manente immoto in recta linea C D, laterculi altera pars E, eleuetur, donec per planiciam superiore ipsius, polus mundi plane conspiciatur.

Id fieri


Id fieri intelligatur per lineam $E F$. Atq³ ita affirmo deprehendi altitudinem poli. Ex E enim & F punctis, quæ in superiore parte laterculi dantur, per 11. libri 11. Elem. in planiciam finitoris ducantur ad normam $E G$ & $F H$, & ex $E G$ maiore, recta $F H$ æqualis auferatur per 3. libri 1. Elem. quæ sit $K G$. Atq³ connectantur FK , & $H G$ includent ita linea illa recta angulum $E F K$. Qui erit angulus $\hat{=}$ æquator.



Quoniam enim $F E$ tanquam in planicia meridiani educta est, (nam axem mundi refert) & ex E puncto in axe in planiciam finitoris demissa ad normam $E G$ per 38. libri 11. Elem. in com-

in communem meridiani & finitoris sectionem
cadet in puncto G, & propter easdem causas
FH in puncto H in eandem cadet sectionem.
Recta igitur HG, vel quod idem est FK com-
munem meridiani & finitoris sectionem prese-
runt. Sed communis finitoris meridianiq; sectio
& axis mundi angulum $\text{ἐξ} \alpha\mu\alpha\tau\omicron\varsigma$ includunt.
Angulus igitur EFK, $\text{ἐξ} \alpha\mu\alpha\tau\omicron\varsigma$ angulus erit.
Qui quantus sit, ita perquires.

In alia qua-
piam plani-
cie ducatur
recta M. P
fortuito, ad
quā & pun-
ctum M per
23. libri 1.
Elem. angu-
lo E F K æ-
qualis consti-



tuatur angulus $L M N$, Centroq³ M & inter-
uallo qualicunq³, describatur circulus. Et rectæ
lineæ $L M$, $M N$, producantur ad ambitum cir-
culi descripti, vt fiant $M O$, $M P$. Si igitur to-
tum circuli ambitum in partes 360. vt assolet,
diuiseris, atq³ initium feceris à puncto P , ma-
nifestum fiet, quot partium segmentum ambitus
 $O P$ sit. Quod erat efficiendum.

Vbi

Vbi legitur in Græco libello expresso ὁ δὲ τῆς
ἐνακισχίλιων ἑπτακοσίων εἰκοσι πλὴν γένειον ἑξα-
κισ, σωθῆσθαι μὲν ἐκ τῆς ὑπὸ μονάδος τεσσαρέων
ἐφεξῆς τετρακίς γινομένων τεσσαρέων τεσσαράκον-
τα γὰρ ἑκατέρως γίνεται. ταῦτα δὲ πεντάκίς
πεντηκιδέντα ἢ ἑκκείμηνον ἀριθμὸν παρέχεν.
Nos antequam Turnebiana vidissemus, Latina
taliam reposueramus: Hic verò nouies mille se-
ptingentorum viginti numerus ita gignitur, vt
compositione de primis ab vno, quater quaternis
ordine sumtis quadraginta vtrinque existant.
Qua quinquies in triquetrum redacta, numerum
illum propositum exhibent. Atq; sunt hæc etiam,
vt spero, de Græcis non male Latina facta, sed
quid dicitur? Sanè diu multumq; in his nos tor-
quendo affliximus. Tandem ausi fuimus tan-
quam mutilum hunc locum nostro arbitrio ex-
plere, hoc modo, σωθῆσθαι μὲν ἐκ τῆς ὑπὸ τῆς δε-
κάδος τεσσαρέων καὶ τῆς ὑπὸ τῆς μονάδος τεσσα-
ρέων ἐφεξῆς τετρακίς γινομένων τεσσαρέων. Id est:
vt compositione à decem quatuor, & ab vno
itidem quatuor quater ordine sumtis quadragin-
ta vtrinque existant. Nam dispositis duobus nu-
merorum ordinibus hoc modo: 1 2 3 4. Quæ est
series ab vno. Et rursum 6 7 8 9. quæ series est
numerorum retrò à numero denario. Si illa
componantur addendo exeunt de priore serie 10.
de posteriore 30. & ita consummantur 40. Sed

O

adhuc

adhuc obstat illud quod dicitur ἐπεὶ τὸ τετρακτὸν
 γενομένην τριτάτων. Quo omnino multiplicatio
 indicari videtur. Ut ne sic quidem emendatus iste
 locus sit, & adhuc aliquid desideretur. Cum
 quidem primis ab vno, id est, τὸ τὸν ποσὶς
 numeris 1 2 3 4. quater sumtis, seu in quatuor
 singulis ductis, ita quoque conficiantur 40. Nam
 quater vnum sunt 4. quater duo 8. quater tria
 12. quater quatuor 16. Quibus compositis exi-
 stunt 40. Ex his igitur utcumque intelligentia
 nostra nitendo emerfit. Sed in ijs quæ sequuntur
 ille redactis quadraginta in triquetrum quinquies,
 prorsus aqua, ut dicitur, hæret. Nam χημάτο-
 ραφία ista numeri, illum alterum nequaquam
 exprimit. Ut autem grauiter egrotantes ad pro-
 fessores artis Medicinæ de suo morbo referre so-
 lent, sic nos laborantes hac in parte confugimus
 ad professoris Mathematicæ apud nos opem M.
 Valentini Thauæ, (quem interpretantes germa-
 nicum nomen Drosionem appellauimus) virum
 & eius scientiæ quam proficitur facultate exi-
 mia praditum, & ceterarum artium cognitione
 copiosa atque præclara instructum. Qui istum no-
 dum ita dissoluit, ut triplicatione id quod dicitur
 ostenderet confici. Suspiciari igitur fortasse lice-
 at, ex eo quod esset in archetypo τριτάτων δέυ-
 τα, illud τριτάτων δέυτα à librario exaratum fu-
 isse. In quo si fallor, nihil enim de eo affirmamus,

χηματογραφείτω δῆτις τῆς ἀριθμητικῶν, καὶ δια-
 σαφείτω τὸ λεχθὲν, καὶ χάριν ἐξομῶν ἐκείνων ὡς
 εἰκὸς λύσαντι ὥσπερ δεσμὰ τῆς ἡμετέρας ἀγνοίας.
 Sed triplicatio pulcrè procedit. Ter enim qua-
 drainta fiunt 120. Et ter 120 fiunt 360. Et ter
 360 fiunt 1080. Et ter 1080 fiunt 3240. et ter
 3240 fiunt quinta iam triplicatione 9720. Qui
 est numerus quem confici oportebat. Hac istius
 loci enarratione, interea licet, dum melius cer-
 tiusq; aliquid inueniatur, simus contenti. Quod
 autem ad eum libellum attinet, quem nos sumus
 interpretati, apparet hunc cōpositum esse Aristo-
 teleo more, ita vt post proœmium disputatio in
 personas conferatur, quæ est dialogi forma. Vt
 autem superiorem librum, de oraculorū defectu,
 attribuit Plutarchus filio suo Lampria, ita expo-
 sitionem istam huius libelli sibi reseruauit. Qui,
 id quod supra questi sumus, & mendosus & mu-
 tilus plurimis in locis prodijt. Atq; vtinam ij, pe-
 nes quos sunt libri veteres, aut quibus ad hos
 patet liber aditus, recentiores editiones depræ-
 natas separatim notent atq; indicent, & emen-
 dando studeant corrigi. Quam operam nuper
 dedit vtilem in Athenæi potissimum scriptis Guli-
 elmus Canterus Vltraiectinus. Et superioribus
 temporibus in compluribus poëtarum latinorum
 Hieronymus Auantius Veronensis. Atque hæsi-
 mus statim hoc loco, quem curauimus, quemad-

modum similes alios, asterisco notandum. Vbi ita fecimus: Atq; ita cum assedissem, &c. Expressa autem est, vt spero, sententia à scriptura archetypi non abhorrens. Id quod integris aliquando libris repertis cognosci scilicet poterit. Nerosem in Græcia multum versatum non est ignotum. Et quamuis Pythicam Laurum vt Citharædus ostentarit, tamen & templum illud spoliasse, & oraculi sedem cade hominum polluisse, & loca consecrata Apollini dimisisse militibus traditur à Pausania & Dione. Cur autem Delphicus Apollo Pythius dictus sit., non vnā causā idem Pausanias in Phocicis affert. Delius autem est ab insula Delo. In quo nomine claritatis & perspicuitatis est significatio, sicut in altero quoq; Phaneī. Ismenium autem $\Sigma\mu\delta\ \tau\epsilon\ \iota\sigma\mu\iota$, quo verbo scientia indicatur, $\epsilon\tau\iota\mu\omicron\lambda\omicron\gamma\omega\upsilon\varsigma$ nunc auctor deduxit.

Et $\lambda\epsilon\chi\alpha\varsigma$ $\nu\omicron\beta\epsilon\iota\omicron\varsigma$ est $\Sigma\mu\delta\ \tau\eta\varsigma\ \lambda\epsilon\chi\alpha\varsigma$. Nam $\lambda\epsilon\chi\alpha\varsigma$ huic Diuo vetustas consecrauit. Quod nomen in editis libris notis accentuum corruptum extat.

Lamprias frater.] Sic enim scribenda Græca puto: $\lambda\alpha\mu\pi\rho\iota\alpha\varsigma\ \delta\ \alpha\delta\epsilon\lambda\phi\acute{o}\varsigma$. Cum supra fecerit mentionem auctor filiorum suorum, vt intelligatur frater Lampriae Plutarchi filij fuisse Ammonius. Scripsit autem Suidas Lampriam fuisse filium Plutarchi, & indicem confecisse seu tabellam operum patris sui. De igne autem illo
perpe-

perpetuo, quem immortalem vocat Plutarchus, & non patere aditum ad oraculum Delphicum mulieribus, quid præterea narrem, non habeo. Duarum verò parcarum, & Pausanias meminit. Costina autem opus lebes fuit cum tribus pedibus supra quem Pythia imposita, fata canere solebat. De figura autem hac EI sciendum non modò eius quam diphthongum Grammatici vocant, sed vocalis quoq₃ apud veteres figuram fuisse, sicut syllabam ou vocalis o.

A Luna errantium fiderum Solem.]

Quæ est Aegyptiorum dispositio, & eam retinuit Plato. Quod nos vertimus ex tabella & via tri-
ta, ἐν τῷ τῶν ἀνθρώπων καὶ τοῦ λαοῦ, prouerbij figura apparet dictum esse de vulgaribus atq₃ communibus. Sed prouerbij causa explicatioq₃ queratur. Sequens autem prouerbium de calculis promotis à sacra linea, notum est.

Ab enarratorib.] Hi Delphis erant qui hospites circumducebant, & de ijs quæ viserentur historias exponebant. Nunc autem ita fit mentio figuræ huius EI vt partis, quemadmodum Grammatici loquuntur, orationis.

Copulato cum hoc pronunt.] Sic ἀξίωμα sumus interpretati. Nihil autem rei querendo vel ponendo asseritur. Atq₃ ita hac particula aduerbij vicem habebit interrogando, quæ est ἐρώτησις. Sicut optando quoq₃, quæ ἐρώτησις est.

Et Archiloch.] Notari hac iussimus stellula signo, tanquam prorsus deprauate edita. Atq; fecimus nos latina de Græcis quæ potuimus, auctoris sententia, quemadmodum confido, expressa. Archilochum autem Lycambæ filiam Neoblen amasse, & ob negatam illa arma versuum expediisse, vulgatum est. Sophron autem vetus poëta fuit *μυσογέας*.

Aram in Delo duplicari.] De cubo duplicando Platonem fuisse hoc interpretatum accepimus. De quo nos in libello logistico nostro ex Vitruvio & alijs plura retulimus.

Copulatiua.] Nunc enim loquitur de hac particula vt coniunctione, id est, *καὶ συνδεσμοὺς συνάγειν*. Constat autem connexis stoicos plerasq; argumentationes suas explicuisse.

Quæ iam sunt.] Versus Homericus de Calchante, quem est Maro de Proteo interpretatus. Nos ideo alterum subiecimus vt consentanea esset cum disputatione Plutarchi interpretatio. Traditur autem à quibusdam, ideo Tripodem fuisse quasi sedem vatis Delphicæ, quod & præsentia ab illa enarrarentur, & prædicerentur futura, & præterita indicarentur. Sanè in ijs vertendis, quibus Græcè nominantur ea quæ sunt & quæ existunt, nonnihil iudauimus. Atq; fecimus quod nobis arrisit, de quibus cuiusq; esto liberum arbitrium.

Hercu-

Hercules verò.] Allegoria pugna de tripode Herculis cum Apolline. Enarrata ἱσομεῖος a Pausania in Phocicis. Bæotos autem notauit prouerbiū vt audaces atq; stolidos. Exuuijs autem leonis, quæ est λεοντὴ, significantur conatus vehementes, tanquam Herculani.

Ne quid nimis.] Et hunc locum notandum putauimus vt corrupte editum. Qui mihi quidem mutilus visus est. De numerorum autem cum aliorum tum quinarj natura, in medio sunt Macrobianæ expositiones.

Vel quod perfectum.] Tribus numeris tribuitur perfectio. Ternario, qui primus proprie & plane numerus sit. Senario, qui suis partibus conficiatur. Denario, qui primus serie procedentium numerorum limes sit.

Solitudinis.] Σοιότης ita erit, quasi ἀνὲν πολλῶν. Cum particula ἀ priuante. Sed Platonica etymologia huius nominis alia sunt in Cratylo. Miscentur autem hoc loco numina Apollinis & Liberi, sed ita vt effectiōibus longissime distent. Ζαχῆος autem Liberi epithetum est, eius quem fabula poetarum perhibent procreatum Ioue & Proserpina. Atq; apparet hinc quoq; diuinas quasdam efficacitates in hoc mundo, veteres Deorum nominibus celebrasse, & ex eo πολυθεΐαν esse ortam. De diuersorum autem Deorum coniunctiōe quadam extant Macrobianæ quoq;

Mulierum instigatorem.] *ὑποτινάζουσα.*
 Nam agmen muliebre est Baccicum, & huius
 falsi Dei sunt Menades atq; Thyades. Quae au-
 tem hoc loco commemorantur, ea ad solennes ri-
 tus ceremoniarum Delphicarum pertinent. Qua-
 cum nobis ignota sint, ista etiam obscurior vi-
 deri necesse est.

Ad ipsum.] Illum scilicet Diuum) Sed sunt
 hac mendosa. De quibus latina coniecturam se-
 quendo fecimus. Quod sequitur autem, ut semel
 dicam, legi scilicet ἐν, id est, ἐν λόγῳ. Nisi for-
 te verum est, ὥς ἐπος εἰπεῖν, quod vsitatissi-
 mum est in Graco sermone.

Præteritis.] Legimus *παρελθόν.* Μοῦσῳ
 autem sumus interpretati pluribus verbis, cum
 fortasse vno potuissemus uti, vnigena. Quod cer-
 tis de causis facere nolimus.

Euripides.] Versus finis Iambici, ἀλλ' ἀνο-
 σέος λόγος.

Quin huc vsq; perducta nat.] Legimus
 ὅτι δὴ δὲ δὲ πλὴν φύσιν ἢ τέτῃ. Densa autem &
 firma moles ἀντίτυπον nobis est. Quod de ijs
 dicitur, quæ ictus habent mutuos & resonantes.
 Ut cum ferrum ferro impingitur.

Et mox, animatum genus.] Legimus
 ἐμψυχον, idq; verum esse credimus.

Quod max. est, inquam.] Legimus, τὸ
 μέγιστον, ἐφ' ᾧ, δέδ. Et paulò post, ut aiunt)
 legi-

legimus φασί. Cum quidem tota scriptura huius loci nobis suspecta sit, quapropter signum apponendum curauimus.

Modus.] τὸ μέτρον. Hoc nomen à mensura dictum est, vt sequens etiam σύμμετρον. In quo est partium metiendo deprahensa & expressa consensio, qua qui pingunt imagines & effingunt simulacra spectantur. Et est eius rationis apud artifices nomen σύμμετρία.

Sexta ætate.] Versus in Philebo Platonis ita exaratus extat, mentione autoris Orphei: ἐκτὴ δ' ἐν ἑστὴ καὶ ἀπαύσας κέσμεν αἰδῆς. Sed κατεπαύσατε verum suspicati, vel pro hoc illud positum, id sumus interpretati. Qua sequuntur vt mendosa signo nostro indicata sunt. Et memorantur rursum quorundam rituum observationes, & actiones rerum mihi ignotarum, ἀῖετα autem erant mystica & arcana in sacris.

Reliquarum partium.] Mendosa sunt ista & ariolando latine exposita.

Quasi vna acie.] ἀκμὴν μίαν, legimus. Sed & ἀκμὴν posse legi suspicamur.

Apollo quasi non adm.] Vt supra quoque indicatum est. Legimus autem mox, & verum putamus: ἴνιος. ἰά autem μία est. Et mox, foris versantes, legimus ἐξω διατρίβει.

At excessus extra.] Valde est mendosus hic locus, de quo penè quid fecerim nescio. Con-

sideretur igitur atq; exquiratur res diligentius.
Et vestigetur etiam poeticus puer ille, cuius simi-
litudine nunc autor vititur, si cui forte alicubi
occurrat, & deprahensus indicetur.

Pindarus inquit.] Mendose & hæc isto
loco Pindarica sententia exarata est, quæ poni-
tur & in libro de oraculorum defectu, & in di-
sputatione aduersus Coloten Epicureum: Ne in-
cunda quidem vite locum esse in Epicurea disci-
plina. In fabula Euripidis, cuius nomen suppli-
ces, leguntur ea quæ hoc loco adducuntur, sed
mutata. Atq; vt puto integra talia quadam illa
fuerint: καί ται μνήματα πένθιμοι Κουραὶ καὶ
σεφάνοι κόμος, Λοισαὶ νεύων φθιμένων, ἀοιδαί
ταὶ χροσκόμας Ἀπόλλων οὐ δέχεται. Quæ se-
quuntur verò, ea vt mendis referta & manca
prorsus esse, καὶ τυφλῶ, φασί, δῆλον. Ne autem
opella nostra hactenus perducta relinqueretur
imperfecta, attexuimus finem eius sententiæ,
quam diuinando potuimus comminisci non ab-
horrentem ab ijs quæ autor videretur edidisse.
Atq; gratia habebitur à nobis illi, qui melioribus
suis nostra confutarit, tantum abest vt hoc mô-
leste laturi simus. Par autem est omnes bonos &
doctos (in quorum numero et me poni quocunq;
sanè loco, confido) experiri conariq; omnia, ad
optimarum litterarum & artium studia perco-
lenda & conseruanda. Quæ indies animaduer-
tuntur

tuntur debilitari adhuc illa quidem etiam exor-
entia atq; tenera. Nocet autem eis non modo
barbaria quasi hostilis impressio, sed eorum quo-
que qui ipsa amplecti se profitentur veluti bellum
ciuile, & domesticum certamen, vno obtrectan-
te indumaniter altero, vel etiam insultante.
Quod vt miserum est, secundum Plautum, opus,
sic neq; libet neq; decet hoc loco, verbosius exa-
gitare. Hic commentationis igitur &
operæ istius mea finis esto.

LECTORI

IOACHIMVS.

QUod in libello à nobis in latinum è Græco
conuerso obscura occurrent multa, caus-
sa vna est, quod plerag; de rebus abstrusis & à
communi intelligentia hominum remotis sermo
Latinus tam subtiliter differere, seruata proprie-
tate sua, nequit. Quæ igitur non imperitis lin-
guæ Græcæ sic perspicua satis sunt, cum legunt,
ea in latinam translata quasi caligine obduci
videntur, & sunt minus aperta. Altera causa
est, quod editum exemplum græcum, et mutilum
& refertum est mendis. Qui tamen Græcæ cum
nostris conferre non fuerit grauatus, is fortasse
deprehendet, neq; nos fuisse in his elaborandis in-
diligen-

diligentes, & non penitus operam suam perditurus est. Cum sit autem facta mentio in proœmio nostro de Socratis Demonio, paulò plura de ipso, ne quid chartarum vacaret, commemorare visum. Fit autem passim in Platoniciis dialogis huius mentio. In Phædro vocem fuisse eam prohibentem aliquid dicitur, sed in Theage idem & planius exponitur, & confirmatur exemplorum narratione. Atq; ait ibidem Socrates, quod Demonium illud sibi à prima pueritia comes fuerit diuinitus. Et, quemadmodum vates solent, de euentis fidem acquirere studet. Nam et Charmidem, dicit, Glauconis filium vetuisse, excercere se ad cursum ludis Nemeis, & non obtemperantis excercitationem istam fuisse infortunatam. Timarchum autem quendam cum cade facta ad mortem ipse quoq; captus duceretur, confessum fuisse, accidere hoc sibi, eò quod non paruisset Socrati. Præterea cum copia in Siciliam profiscerentur, se interitum illarum prædixisse. Et de Sannionis cognomento Pulcri expeditione male ominatur. In Plutarchi libello mendosa admodum & mutila editionis, cuius titulus est, de Socratis Demonio, additur hoc: In fuga Atheniensium ad Delium (de qua narratio extat Thucyd. lib. 4.) Pyrilampem Antiphonis filium saucium in potestatem venisse hostium. Qui, cum postea audisset ex legatis de pace Athenis missis, Socratem

cratem vnā cum Alcibiade & Pachete euasisse
 incolumes, multum sese incusasset, testatus quos-
 dam ex amicis & manipularibus, quod non obce-
 diſſet Socrati monenti ne illac fugerent. Additur
 & algerum hoc minus graue & serium: Socra-
 tem quodam tempore cum amicis transeuntem
 Athenis regionem fabricantium arcas, (qui, si
 videtur, vocentur arcularij, Gracis sunt κιβωτο-
 ποιῶν) monuisse ne recta via procederent, sed ea
 decederent. Cui obsecutos fuisse plerosq;. Non
 tamen nullos, qui coarguere Socratis vanitatem
 cuperent, perrexisse. Cumq; prateritis officinis
 fingentum simulacra, (Graci has ἐμυογλυφίας
 appellant) venissent ad iudiciorum loca, occur-
 risse eis magnam multitudinem porcorum volu-
 tatorum in cœno, qui se trudendo cum mutuo
 propellerent, neq; diuerticulum vspsiam pateret,
 ita accidit, vt alios incurrando euerterent, alios
 luto aspergerent, & inquinatos deinde Socratici
 Daemonij meminisse cum risu. Disputatur autem
 eo libello, quid rei fuisse Demonium illud existi-
 mandum sit. Et argumenta dicuntur de voce
 ominis, & de sternutatione, quæ modò prohibe-
 ret, modò cohiberet. Cumq; hac signa dari gu-
 bernariq; diuinitus viderentur, ita ad Daemonis
 efficacitatem ea Socratem retulisse. Solere au-
 tem sæpe magnarum rerum significationes esse
 leuiore, vt in medicina vena motionem, & in
 tempe-

tempestatum iudicio, murmur. Quemadmodum
autem natura istis quasi instrumentis utens, ipsa
efficiens esset eorum, quae euenirent, ita indicata
signis illis existere diuinitus. Etiam alia quaedam
de hoc ipso subtilius ibi differuntur: Voces quas-
dam Daemonum sic sonare, ut per aërem illa qui-
dem penetrarent vniuersum, & perueniant ad
cunctos, sed non percipiantur neque intelligantur
ab omnibus. Quod in ijs tantum haec resonent,
quorum ingenia placida sunt, & ab omni per-
turbatione vacua, & animi quasi sereni atque
tranquilli. Fuisse autem in Socrate à primo ortu
quasi liquidum & purum habitum naturae, do-
cet ibidem declarasse oraculi responsum datum
patri ipsius de puero illo. Iussisse enim hoc, relinqui
eum suo arbitrio prorsus, et vota tantum pro ipso
facere Ioui forensi ac musis, cetera nihil curare.
Quod intra se haberet puer ducem potiore
multis millibus magistrorum atque custodum. Sur-
autem omnino naturaliter alij in alijs excellen-
tiores. Videmus enim prestare aliquos sagacitate
in coniiciendo, aliquos intelligendi perspicacia,
aliquos solertia iudicandi, aliquos prudentia
consiliorum, aliquos attentione & cautione, id
est, ἀσφαλεία, in definiendo. Similiter in qui-
busdam est praesagium futurorum euentuum ad-
uersorum ferè & malorum, quae est Graecis πο-
μπάντια, & θυμὸς πομπάντις in Tragedia; prae-
saga

*saga mali mens. Atq₃ huiusmodi vocem in animo
Socratis sonuisse non delatam ad aures, solitumq₃
fuisse praesagire eum euentura minus prospere, &
isto rymine facultatem hanc admonentis se De-
monu ornasse, non abhorrere videtur a vero.
Sed de his satis vel philosophari vel nugari su-
mus, neq₃ pluribus nunc etiam
locus est.*

F I N I S.

L I P S I A E

Imprimebat Iohannes Steinman.

T Y P I S V O E G E L I A N I S.

A N N O M . D . L X X V I .

